


# Волынь воды



8. 2000



Көрткерös районса Важкуа сиктын выльмöдöм вичко.



# ВОЙВЫВ КОДЗУВ



БЫД ТӨЛЫССЯ ЛИТЕРАТУРНО-  
ХУДОЖЕСТВЕННОЙ  
ЖУРНАЛ

8

АВГУСТ  
(МОЗ)  
2000

ПЕТ҃ 1926 ВОСЯНЬ

ЛЭДЗОНЫ:

КОМИ  
ТИЖЫССЯСЛОН  
КОТЫР

КОМИ  
РЕСПУБЛИКАСА  
ПЕЧАТЬ  
УПРАВЛЕНИЕ

□ □ □

ТАЙЁ НОМЕРЫН:

|   |    |
|---|----|
| Ю.А.СПИРИДОНОВ. Аскиа лунным — ас саяным . . . . .  | 3  |
| Геннадий ЮШКОВ. Вайёй меным ёшкамёшка. Сылан-<br>кывъяс . . . . .   | 12 |
| Виктор НАПАЛКОВ. Эзысь перна. Роман . . . . .   | 22 |
| Александра МИШАРИНА. Чужан мүёй — сёлёмнын.<br>Кывбур . . . . .   | 60 |
| Нина ОБРЕЗКОВА. «Өні олам тэкёд карын...». «Бордъ-<br>яс вылын...». «Сізд и коля...». «Мужичойяс...». «Оз-<br>ко артмыны...». Кывбуръяс . . . . . | 62 |

ПУБЛИЦИСТИКА

|  |    |
|--|----|
| Елена КОЗЛОВА. Олём. Школа. Литература . . . . .                                 | 64 |
| Виталий УЛЯШЕВ. Менам вояс. «Воддза олёмас...».<br>Юкмёссяс. Кывбуръяс . . . . . | 68 |

НАУКА, КУЛЬТУРА

|  |    |
|--|----|
| Л.А.ЖДАНОВ. Пединститутён медводдза воськовъяс . . . . .     | 69 |
| Евгений НЕСТЕРОВ. Усть-Сысолыск — лыддысысь<br>кар . . . . . | 72 |
| Л.Д.ЛЮОСЕВА. Медводдза аптека . . . . .                      | 76 |

□ □ □

# **СЕВЕРНАЯ ЗВЕЗДА**



**Ежемесячный  
литературно-художественный  
журнал**



**Учредители:**

**СОЮЗ ПИСАТЕЛЕЙ РЕСПУБЛИКИ КОМИ**

**УПРАВЛЕНИЕ ПЕЧАТИ  
РЕСПУБЛИКИ КОМИ**



**РЕДАКЦИОННАЯ КОЛЛЕГИЯ:**

Главный редактор

**Михаил  
ЕЛЬКИН**

Альберт  
ВАНЕЕВ

Виктор  
НАПАЛКОВ

Ответственный  
секретарь

**Алексей  
ОДИНЦОВ**

Зам. гл. редактора

**Александр  
ПЕТРУНЕВ**

Владимир  
ТИМИН





**Ю.А.СПИРИДОНОВ:**

## Аскиа лунным — ас саяным

Республикаса Ю Р А Л Ы СЬ вочавидзё «Войыв коздув» журналса главной редакторос вежысь А.ПЕТРУ-НЕВЛОН юасъёмъяс вылёт.

— Пыддиpunktана Юрий Алексеевич, медводдза юаломёс септёдз, кёсъя некымын кывиён висъставны ёти аддзёмтор йылысь. Комилён 50 вося юбилей кежло дасьтысигён Красногорск карса фото-кинодокументъяслён Шёр архивысь сюрины медводдза кинокадръяс, мый снимайтломаёсъ Комуын. Кызыёд вояс пансигён Москваса кинооператор волома Печора горувлань. Снимайтёма кёр видзысыясёс, Чилимдинса да ёткымын мукёд сиктса олысьясёс. Тошка мужик сэн петкёдлё киссьюм валегиысь ортсо петём кок певъяссё. Мукёдъяс ётарё шпуткёны-тишинасьёны кузь чигаркаясён. Лёкиник пасъкёмаёсъ, жеръялёны пиньтём вомъяснас. Кодсюрё зільёны войпёдны, мый сэки комияс овлісны крепыда, судзяна. Тёда, мый тайё оз лёсяв. Унджык комиыс, кыдзи и Россияса мукёд войтыр, сар кадё овлісны съёкыда, гёля. Сыысь кындзи, комиясёс юклёмаёсъ волі разной губерняясё, эз вёвны туйяс. Сёмын Сöвет власть дырии коми войтырлы шедіны күтшомсюрё инёдъяс (правояс), лоис позянлун ловзыышты.

Кыдзи Тi донъяланнныд Комильтысь талунъя олёмсё, республикалысь овмёссо, күтшомён пырёдчам автономия шедёдёмсянь кёкъямысадасёд воё?

— 1921 воё Коми автономной область котыртём, кыв шутёг, лои миан войтыр олёмын вёвлытём воськолён. 20-ёд воясё дзулькийён пуёмён моз пондіс пасъкавны ас кыв вылын велёдчём, литература. Зэв ичёт кадколастён коми войтырён чужины и ас кывиён гижан-лыддысян шыпасъяс, и литературной кыв, и ас кывъя школа, театр, наука. Воліны и овмёс сёвмёдан гырысь мёвпъяс. Обласьста Сöветъяслён 1921 вося чукортчылігён нин овмёс сёвмёдёмын медшёр туйвизъён волі шүёма, мый вёр пёрдёмкёд да петкёдёмкёд тшётш колё котыртны вёрысь вёчасян юён. 1926 воё Комуын пондіс уджавны вёрысь вёчасян медводдза

предприятие — Усть-Сысольскса кык рамаа вёр пилитан завод, кысянъ быдмис сэссе вёрысь вёчасян Сыктывкарса онія комбинат. Абу гусятор, мый медводдза каднас вёр пörödöm-petködömсö кыс-кисны ас пельпомъяс выланыс коми крестьяна, бёрынджык — колхозникъяс, а сідз жё страналён мукöд пельбосъясысь мырдон вайём мыжтöг мыжаломъ иёз — спецпереселенецъяс. 1929 воё Комиын лöсъёдöма волі кёкъямыс леспромхоз. Кутшöмкö кад мысти вёр промышленность лои республикалён народной овмёсын медшöр юкёнён — 1940 воын сы пай вылó воліс став вёчом-торыйсь 56,2 процентыс.

Из шом перъян юкён босътö ассыыс подувсö 1921 восянь, кор Печора вылó медводдза экспедицияён воис геолог Александр Чернов. Куим во мысти сійö юörtic из шом ыджыд куйланін иýлысь, кодös нимтis Печорскойон. А 1934 вося сентябрь 1 лунö медводдза шахтасы кыпöдисны му веркösö «Полярной кытшайса кочегаркалыс» медводдза из шом. Тайös позьö артавны Печораса из шом бассейнлён панасон. Буретш комынöд воясö лои пунктöма из шом перъян юкёнлы зумыд подув, лöсъёдöма водзö вылó шом перийöм öddzödöм могысь гырысь позялунъяс. И танi колö бара тöдчöдны, мый Вörкута чужигён да кок вылó сувтigён татчöс кöдзыд муссö «Иирисны» да овмёдисны уна дас сюрс иёз, кодъяс веськалисны Полярной кытш сайö эз ас кёсйёмнас. Ми и талун улöдз копыртчылёмён казтылам Воркутлагö йörtlömъясöс, кодъяслён вёвлытöм мырсыёмён лöсъёдöма подув Заполярьеся онія выниöра шахтаяслы, тундра шöрын кыпöдöма горнякъяслысь кар.

Комилён мусир да газ перъян юкёнъяс арталёны панассö 1929 восянь. Сійö воас Ухта ю вылó воис ОГПУ-ён дасьтöм ыджыд экспедиция. Да, буретш иёзöс мыжалан да кедзовтан тайö ведомствоыслы пунктисны мог корсыны мусир, газ, мупытшса мукöд озырлунъяс ылi Коми мусысь. И сійö жö 1929 воас важ, эновтöм скважинасы танi перийисны медводдза вит тонна мусир бара жö ГУЛАГ-са ас вёлятöм «граждана». Сійö вит тоннасяныс и мунö тшöт мусирлён миллион тоннаяслы, мый перийисны дас воясöн миян нефтяникъяс. 1930 воё экспедицияса геологъяс аддзисны перъяна мусир, восьтисны сылысь Чибьюса куйланін, а кык во мысти Ярега ю дорысь налы сюри сёкыд сук мусир, кодös и онöдз перийоны шахтаяссянь. 1935 воын мупытшса озырлун корсысысьяс Изъва иýлын веськалисны газ куйланінö. Сы подув вылын чужи СССР-ын медводдза газ перъянин (прöмысел).

И талун вёр-васа да мупытшса озырлунъяссö, кодъясöс босътöмыс пансис Комилён аспшöрлун пуксигён, колö уджöдны республикалы, иёзлысь олёмсö бурмёдöм вылó. Вёр комплекс ми вуджöдам онія, бурджык да ассысö вёр-васö видстанаджык технологияяс вылó. И овмёслён мукöд юкёнъясын вуджам водзлань воськовтöм странаясын лöсъёдöм стандартъяс вылó, сёвмёдам промышленностьюлысь выль юкёнъяс — химической, изъя-рудаа, кörтъяс сывдана. Бörъя воясас быдёнлы миянлы волi сёкыд. Но джöмдылан тайö кадколастыс коли бёрö. Ми дасьтим вель зумыд подув си могысь, медым öдöбтчыны да гырысь воськовъяясон чеччышты водзлань став овмёсён. Онi нин миян промышленность, кодi öтувтö комынысь унджык юкён, уджалö джöмдатвöг, и тайös кылёны республикаса олысъяс, кодъяс ас кадö босътöны удждон, пенсияяс, разной отсöг.

Медым водзö зумыда сёвмёдны овмёснымёс, республикалы колёны тöдчана мында инвестицияяс, мёд ногён кё сёйм, кодös

пуктёны предприятиеясös выльмёдём да налыхь вынийёрсö содтём могысь. И та вёсна республикаса Правительстволён медшör могъясысь öти — кыпöдны овмёснымös водзын мунысь странаяс весьтöдз, пыртöдны сiёс мир пасьталаса овмёсö, вёчны став коланасö, медым миян овмёслань кыскис став мир пасьталасы бизнесменъясös да водзмёстчысь войтырös, и мед ээ пов некод миян овмёсö ассыс сьёмсö пуктöмысь. Буретш талань веськёдома миян Правительстволысь туйвизьсö, сы лыдын и законъясön мыдужсяна подув.

— Юрий Алексеевич, Комилы автономия шедёдём вёсна медъяра зильисъясön, коми войтырös öтувтём да ловзьёдём вёсна водзмёстчысъясön вёлiны медводз Дмитрий Яковлевич Попов да Дмитрий Александрович Батиев. Мёдис лыддылыс ассыс «рясаа коммунистлён», кыдзи кодсюрё нимтылис Д.Я.Поповёс, велöдчысъён да сылысь туйвизьсö водзё нүöдисъён. Кыкнаныслён олём помныс сэтишом, мый он завидьты. Вёвлём IV Государственной Думын Усть-Сысольск уездсянъ шлен, вичкоись öтдортом священник, Д.Попов кувлёма аслас Дереванной сиктын 1921 воё тшигъялёмись. Д.Батиевёс мыжтёг мыжавлёмайс куимысь да медбöрын лыйлёмайс 1941 воё. Бур кёть сiёй, мый ним-овсö налыхь пыртöма Республикалён Энциклопедияю. Но уна татишом йöз ийылыхь дзикöдз вунёдёма.

Республикалён 80 воя юбилей кежлё лösöдсъёö мыйкё вёчны, медым Комилы автономия шедёдём да ас войтырлы бурджык олём лösöдём вёсна водзмёстчысъяссо ээ ло вунёдёма?

— Абу збыль, мый Комилы автономия шедёдём вёсна водзмёстчысь йöзлыхь нимъяссö вунёдёма. Найёс тёдö быдён, кодлы абу веськодь миян ичёт Рёдиналён олёмыс да судьбайс. Наукаяс Российской академиялён Уральской отделениеса Коми научной центрыс кыв, литература да история Институтса учёнойяс вёчёны зэв уна си могысь, медым туявны коми автономияллы подув пуктысъяслыхь судьбасö. Налыхь нимъяссö казьтылённы научной конференцияс вылын, петёны налён олёмлы сиём книгаяс да мукöд гижöдъяс.

Торйён кёсъя пасынынайёс, кодъяс туялённы асланыс карлысь, районлысь, посёлоклысь, сиктлысь историясö — меставывса музейясön веськёдлысъясös да сэтчöс уджалысъясös. Найё вёчёны зэв колана удж. Ыджыд пай усё танi и республика весьтаса музейяслы. На зильёмён ми вермам бергöдчывны важас, кольны «ловъяён» воддза олёмсö да нимавлём землякъяслыхь нимовъяссö. Тайё мой абу на ийылыхь медбур паметь, вунёдтёмлун?

— Республикаын медвывса юралыхь тшуpöдын Ti матё дас öти во. Син водзын на 1989 воя октябрь тёлышсё мунлём телепередача, кёni вёлiннынд Ti В.И.Мельниковкёд. Колис сiёй вежёрö киыс киё власыт буджёдём кодьён. Миянлысь журнал лыддыбыны медсясö сиктса олысъяс. А кольём кадколастнас сиктъясын зэв унатор вежисис лёкланьё. Колян-ö веськодьён, кор аддзан кистём-жулльём скёт картаяс, кёni неважён на рёмидзтисны ийла мёсъяс, пёдса клубъяс, челядьтёг кольём яслисадъяс...

Кутшёмён аддзанныд Ti, Юрий Алексеевич, сиктлысь деревнялыхь асшиа лунсö?

— Да, соглас тiянкёд, бёрья дас воя вежсёймъясыс омоль боксянь медъёна инмисны сиктлы. Правительствоён волi вёчома воськовъяс, медым петкёдны сиктёс дзугсъыс. Примитома

Законъяс «Агропромышленной производствоос государствосянь лад выл ё пуктём йылысь», «Коми Республикаын потребкооперация йылысь», ло́сьёдома Коми Республикаса агропромышленной комплексын 1997—2000 воясö вежсъёмъяс нуёдан, сийос кок выл ё сувтёдан да сёвмёдан Шёр туйвизъяс, Коми Республикаса сиктса олысьясöс 1999—2001 воясö уджён магмёдан Программа. Видзму овмёс да сёян-юан министерствоён ло́сьёдома 2001—2005 воясö агропромышленной комплексос сёвмёдан Программалысь бала. Тайё программаас медводз урчитома нуёдны му-видз вынсыёдан уджъяс, бурмёдны скёт, ло́сьёдны ас койдышон вөйтчом, сёвмёдны да паськёдны чипан видзом, содтыны кёр стадаяс, кыпёдны да бурмёдны выль техника да технология подув вылын сёян-юан вёчыс промышленностьлыс уджсö, бёйыны быд удж выл ё кужыс, туюна уджалысьясöс и, медбёрын, медся медсяс — бурмёдны сиктъясын олёмсö быд боксян.

А сёйдз водзджык, медым сёрнитны брёвъя ёшиныяса клубъяс да челядьлы тупком садикъяс йылысь, колё пыдёдзджык пырдчывны. Оти-кё, тайё во пансъёмсян Кому Республикаса ётувтём бюджет весъто восьсаось, олоны да уджалоны 395 клуб да культура керка, и велодчытом на челядьёс 565 видзанін. Местаяс вылын колё бур ногён котыртны нальсай уджсö. Мёдкё, гажёдны сиктёс некод оз ло́сьёдчы. Овны кыпыйд лов шыён, асъто бура кылёмён — тайё, медводз, мортлон аслас тёжд, сылон кёсийм.

Ота-мёд дорё весъкодълун, ётувъя олём, ётувъя эмбур да уна мукёдтор дорё весъкодълун — со кёні увлань усьёмлён помкаыс, а абу сыын, мый оз тырмы сёём да мукёдтор. Кодъяс нё, эз кё асъныс сиктасяс, кисътисны-чашиисны скёт картаяс, брёвъялисны либо чашиисны клубъяс? Ставыс тайё вёчсис сиктсалён став син водзын. Дерт, медся кокни сёрнитны тиян юалём моз жё: гусявлисны, кисисны, тупкысисны — асъныс аснаас али мый? Ставсö кисътисны йоз, а медым бёр ло́сьёдавны — бара горзёны-короны сёём!

Тёдчода: сикт колё ловзъёдны. Бёр ло́сьёдавны став коланасö, кыпёдавны ас олан керкаяс, нюжёдавны бур туйяс. Но оз ков виччысыны, мый вот сиктё «воас барин, барин ставсö ладмёдас». Колё водзмёстчыны аслыныс олысьясыслы, и аслыныс жё уджавны. Сиктлон аския луныс — сиктса крепыд мужикин. Государстволы колё отсаны медводз налы, кодъяс кужёны да кёсийоны уджавны му-видз вылын.

— Индустряя боксян республикалён сёвмёмыс, медводз став вёр пёрёдмёён ягъяс да егыръяс кутшом, молльён кылётчом, мусир перйом, бирёдис вужвойтырлыс воддза олан подувсö, мырддис најёткасö. Кому крестьяна асланыс жебиник угоддьёясон да войывса куражитчыс поводдяён некор эз вермывны бергёдчыны олёмас күш му-видз вөйтчом да скёт видзом помыс. Вёралисны, чери кыйисны, кер дорын уджалисны, Из сайса за-водъясын зимёгоритисны. Оні нинём татшёмыс эз коль. Сиктса, деревняса да нақёд орчча вёрпунктъясын олысьяс колины дзик најёткатög. Мый налы вёчны?

— Эмось на мый йоз, кодъяс мёвпалоны бергёдчыны олёмас важся прёмысъяс кежыс? Важся прёмысъяс пай выл ёд оні муртса войт мында нин воыштö. И мыйла колё откодявны крестьяналыс воддза, важ олёмсö оніякёд, кор ло́сьёдчам воськовтны вояс арталан коймёд сюрсö? Гёгэрвоана ёд, мый

талунъя олёмыс вежёртны позытöдз ылыштчис воддзасьыс, кор нянь кусök ковмыліс перыйны вывті съёкыд уджён.

Комиын олысьяслы зэв гырысь позянлунъяс сетö вör комплекслон сёмомыс. И некутшома оз лёсяв, мый пöröдöны миян вывті уна вör, ниномён лыддысытöг, оні ми босытам сомын витöд пайсо сысь, мыйта позьо пöröдны вörсö, нёль витöд пайыс сисмё кок йылас. Сэтчо жё, вörса предприятиеясын лосьёдöны выль уджаланінъяс, мый сетö сиктса олысьяслы, на лыдын и вужвойтырысь, позянлун нажёвитчыны. Колян во содтöд лосьёдöма 900 мортлы уджаланін. Сэтчо буретш и локталісны сиктса да вör посёлокъясса олысьяс. А удждон воддза во серти содіс 60 процент мында. Позьо содтыны татчо, мый Комиын став уджалысьяс лыдьсь коймёд юкёнсыс унджыкыс уджалё буретш вör предприятиеясын. И сёрнитны сы йылысь, мый вör посёлокъясын олысьяс пиысъ уналы некён лои уджавны да босытны нажётка, некызд оз позь, оз лёсяв тайё. Кыздзи оз лёсявны и ставнас республикаын уджтöмалёй йылысь сёрнияс. Талун уджалысьяс оз тырмы сы мында жё, мыйтöм артавсö уджтöмалысьяс. Тайё висыталё, мый быдён, коді кёсий уджавны, уджалан местасо аслыс вермас аддзыны. Но откымынъяслы кивывджык ветлыны уджтöмалысьон да пукавны государстволён кошт вылын.

— Коми войтырлён чукörtчылігъясö гижысъ Б.Шахов, искусствоясса нималана морт Г.Горчаков да мукöд вözйылісны, медым вужвойтырлы (сиктса олысьяслы) вештысисны налысъ олан подувсö бирöдöмись — сийё жё мусир да газ перийём тшёт весьтö, мый мунё республикаысъ, эм мыйён вештысъны и вör нуысъяслы да сыысъ вöчасысъяслы...

— Республикаён юралысьяс эз отчыд нин кыпöдлыны сёрни сы йылысь, мый колё лосьёдны аския олысьяслы, локтан поколениеяслы фонд. Тайё мёвпыс кыптывліс и коми войтырлён чукörtчылігъясö. Ми сийёс ошкам и уджалам миян республикаын татшом фондсö лосьёдём вылын, сы вöсна мый колё водзвыив думайтны, кутшом съёкыдлунъяскöд паныдасясны миян бöрса олысьяс. Республикалён мупытшса озырлунъясыс абу ёд помтöмёсъ. Та вöсна наысъ воём съёмысъ кутшомкö юкён колё видзтыны, чукортны миян челядьлы да внукъяслы.

Ми оні лосьёдим нин ломтас перийём да энергия вöчём сёмодан фонд. Во-воён джинийён мысти сы подув вылын и лоё котыртöма локтан поколениеяслы фонд. Сэтчо чукörмисъ съёмсö мёвпавсö видзны сы вылö, медым сёмодны культура, лосьёдны выль уджаланінъяс, велёдны челядьös сиё, мыйё асыныс кёсёйны. Республикааса быд олысьлы колё пунктны ассыс пай тайё фондсö котыртöмё да озырмёдёмö. И сæk Комиын выльён чужём быд олысьлы вичмасны аския поколениелён фондсыс акцияс, мый тырмас олём чёжныс. И тайё абу кывиён печласьом либо мича вёт. Шуам, Аляскаын татшомторсö лосьёдöмäось нин. Ми тёдмасылім, кыздзи да мый сэні вöчсö. Татшомён аддзам ми Комильсъ аския сёмман подувсö. Тайё фондсыс съём кутас вичмёдсыны вör-ва сёстёмён видзём вылö, сикт сёмодём вылö, сиктса олысьясöс уджён могмёдём вылö. Сы лыдын и выль производствояс котыртöм весьтö, кодъяс оз лоны йитчомаёсъ мупытшса чинысъ сырьёён вöдитчомкöд.

— Комиын автономия лосьёдём бöрын, кызьёд-комынёд воясö кутчысылісны сэтшом туйвизъё, медым воставны шёр образованиеа специальностьяс босытём могысъ велёдчанінъяс

сиктъясын: видз-му овмөс техникум — Ульянаын, педтехникум — Емдінын, зооветеринарной — Изьваын, ва түйөд вет-лысыяслы — Щельяюрын... Тайё воли кивыв, лөсляна и велодчысыяслы, и налён баты-мамлы. Татшом велодчанінъясыс отсалисны кыпöдны и сиктъяслыс культурасö. Оні та боксянь позьб ториöдны сöмын нин Выльгортбс...

Кöni велодчыны дзикöдз гольмём бать-мамлон сиктса челядьлы? Мый виччысьбайтойс водзö вылö?

— Öти-кö, профессионалной училище абу куш Выльгортын. Автомеханикö, трактористö, плотникö, пусысы-пожасысыö да мукöд уджалан специальностьяс велоддан профессионалной училищея эмёс Щельяюрын, Кебантьельын, Визинын, Ношулын, Мылдінын, Усогорскын, Улыс Одесын. Кыдзи аддзанныд, велодчанінъяслон «географияыс» паськыд: Луздорсян Изьваöдз. Бörъя кык воён содтöд тöдöмлунъяс босытан республикаса шöриналыс (центрлыс) филиалъяс восьтöма Абъячойын, Пожёгын, Визинын да Паджгайын.

Республикалон сиктса районъясыс енбия челядьлон эм позянлун сöвмёдны ассыныс сямсö искусствояслон Республикаса Юралыс бердын гимназияын. Интернат весытаса (сэні олана — ред.) республикаса очно-заочной лицей босытö велодчысыяссö сöмын сиктса сюсү вежёра челядь пöвстись. Сылыс филиалъяс восьтöма Изьваын да Кöрткерöсис, мый сетö ылдžык сиктъясса челядьлы позянлун велодчыны гортас олёмён либо матын гортсяныс. Видз-му овмёсса специалистыясöс дасытан медшöр велодчанін — Сыктывкарса сельхозтехникум. Предприятиеяссянь да организацияяссянь, видз-му овмёс да сёян-юан министерствоянь мёддöмён сиктса том олысъяслон эм позянлун пырны велодчыны бюджетыссы мынтысъёмён мукöд регионъясса высшой учебной заведениеясö, коні дасытёны овмёслон аграрной юкёнса специалистыясöс.

Выль нога велодчанінъясын республикаса сиктъясыс велодчоны 800-ыссындаундžык челядь: физико-математической лицей-интернатын, Республикаса Юралыс бердын государственной службы да веськöдлан Академиялон лицейын, восьтöма кадетской классъяс 1-од номера педагогической колледжбердса лицейын. Быдлаын сэні велодёны челядьёс дон босыттöг.

Сысыс отдор, таво вылö республикалон бюджетыссы шуёма вичмёдны 4 миллион 600 сюрс шайт сэтшом велодчанінъяслы отсöг сетöм могыссы, коні дасытёны видз-му овмёсса уджалысъяссö. Тайё сёымсö вичмёдёма си вылö, медым ньёбны машинаяс, тракторъяс да на вылö öшплан техника, мукöд уджалан кölуй, вына кöрым да с.в.

— Государствоянь, бюджетыссы кутшом отсöг вылö вермасны надейтчыны фермеръяс, видз-му овмёсса кооперативъяс, ловийн кольём на совхозъяс?

— Фермеръяслы ми отсалам. Оні налы воё «ловъя» содтöд сёым республикаса бюджетыссы, отсалам ломтас-мавтасён, вына кöрымён, видз-му вöдитан техникаён. Мунё удж си вылын, медым лöсъёдны 2001—2005 воясö фермеръяслыс овмёс, гортса овмёсъяс да видз-му вöдитан посни предприятиеяс сöвмёдан Программа, коні лоё мёвпыштöма ставсö, медым сиктъясын сöвмисны семьяяса овмёсъяс. Тайё инмё и инёдъяс (право) подув лöсъёдомё, и сиё, медым эсъё фермаса козяева вермисны кокнидžыка судзöдны налы став коланасö; сиё, кыдзи отсавны выльыссы на котыртчыс

овмөсъяслы, бурмёдны да кокнёйдны семьяя овмөсъяслы кредитъяс босътём да мукёдтор.

— Юрий Алексеевич, бёръя дас вонас, реформаяс паномсянь, сиктъясын да деревняясын кусі либо ёна уси культура... Мый нё лоё водзё?

— Шуны, мый бёръя дас воён вывті ёна уси культура, торйён нин сиктъясын да деревняясын, абу дзик сідз. Кёть вывті волі сёкыд, каръясса да районъясса администрацияясён зильёмён медсясё, клуб сяма гажёдчанінъяс да библиотекаяс колины ловъяён, уджаланаён.

Кыздзи и воддза воясё, клубса котыръяс содёны, торйён нин художественой самодеятельносътын. Клуб сяма гажёдчанінъяс оні ёнджыка зильёны котыртны семьяясён да челядьлысь шойччом.

Библиотекаясын лыддысысысьяс мукёдлаын серти ёнджыка содисны Сыктывдін, Изъва да Кулёмдін районъясын. Республикаса национальной библиотека ыстало сиктса библиотекаясё чужан му йылысь книгаяс, кодъясös лэдзёны Коми книжной изательство, Коми научной центр, республика весътаса журналъяс да газетъяс («Войыв кодзув», «Республика», «Коми му», «Красное знамя», «Йёлёга»). Тавося мёд во джын кежлё республикаса культура министерство вичмёдіс та могысь ёкмысадас куим да джын миллион шайт.

Но культуралы съём вичмёдан позянлунъясыс сэтшёмёсъ, мый кутшёмсюрё гажёдчан-шойччанінъяс ковмас ётувтны, лёсъёдны социально-культурной шёринъяс (центръяс). И подувнас тані лоё босътому сійос, кёні да мый коланаджык. Быд муниципальной юкёнын гажёдчан-шойччанінъяс лоё сымда, мыйта збыльысь колё. Матыса кадо республика весътасын ми вынсьёдам нормативъяс — кёні да уна-ё колё кутны библиотека, клуб да сяма гажёдчан-шойччанін.

— Кутшёмён аддзанныйд *Ti коми войтырлысъ аскиа лунсё?*

— Коми войтыр — сяма, сюсь вежёра, енбия, уджач йоз. Миян Конституцияын гижёма, мый коми войтыр лоё Коми Республикалан каналан подулён. Некымын во нин уджалё коми войтырлён Чукортчом, коді вермё вўзыны олан подув (закон) балаяс.

Коми Республикалан аскиа луныс — ас саяным, быдмысь поколениеын, миян челядьын. Сіё кадсяныс, кор лои вынсьёдома республикаын государственной кывъяс йылысь Закон, ми пасъкыда котыртім удж, медым сёвмёдны комиён велёдчом, медым велёдчан быд весътасын — увса, шёр, высшой — коми кыв волі да босътіс сылы лёсялана места.

Республикаын котыртёма да уджалёны этно-педагогической шёринъяс (центръяс), кёні ыджыд сяма педагогъяс веськёдлом улын челядь велёдёны коми войтырлысъ оланногсё, культурыасё, велёдчёны поль-пöчяслён вочасьёмё. Чужан му туялан пасъкыд удж нуёдёны каръясса да районъясса музейяс. Миян уджалё челядьлы вылё котыртём, найёс бурдодан-сёвмёдан этнографической лагерь — «Радлун». Челядьёс велёдом-сёвмёдомсё сэні дзоңынас веськёдома сы вылё, медым найё радетісны чужан мусё, чужан кывсё. «Радлунлысъ» уджсё велёдёны откымын районъясын, медым котыртны сылысь филиальяс.

Таво медводдзаясь лои котыртёма челядьлы вёр-ва туялан республика весътаса шойччанін «Югыд ва» Национальной паркын.

Чужан мулён вёр-ва — тайё ёд сідз жё войтырлён олан подув да культура.

Сёвмө и коми кывъя кадръяс дасытём. Республикаса став пельбосъясысь ныв-зон велёдчоны СГУ-лон финн-йёгра факультетын, Санкт-Петербургса Полярной академияын, Эстонияса да Венгрияса вузъясын. Откымынлаын найё босытёны шоча паныдастьлысъ, республикалы зэв колана специальностьяс.

Коми Республика — тайё ёд и уна мукёд сёрия йёзлён ас керка. Та вёсна вёчъё унатор, медым пыдди пуктанаён волі кыв-сёриныс, оланногыс, культураыс быдёнлён, коді олёттой вайваса миян мунин да лыддьё сийёс асён жё.

Кыздзи быдтам-велёдам ми ассынным челядьнымös, сэтшомён и лоас миян аския лунным. А республикалы да Россиялы колё, медым миян том граждана быдмисны Рёдинаös радейтысьясон, сылён патриотъясон, медым лёсяланана ног пырёдчисны став мирса олёмё да культураё, вермисны вежортны онія могъяссö, кодъяс суалённы миян общество водзын, да вермисны бура портны найös.

Бёрё колъём дас вояс чёжыс республикаын мунис оръявлытём, мудзлытём удж сы могысь, медым лосьёдны разной сёрия йёз костын ёта-мёдös пыдди пуктана олёмлы миянлысъ ассынным подув. Республикаён юралысьяс сувтодлісны ас водзаныс сточ мог — мед миян ётувъя керкаын век волі мир да соглас, мед сийё лоёттой сэтшомён, кутшомён колисны водзаза ольсъяс, миян батьяс да польяс. И ассынным могнымös ми аддзам сыын, медым сөстомён видзны ставсö сийёс, мый шеди миянлы. Тёдам, мый лёсяланана национальной туйвизь нуюдёмён асланым республикаын ми бура вермам шедёдны ставсö: кыпёдны овмёс, бурмёдны йёзлышы олёмсö да олан кытшсö, уна мукёдтор.

— Локтан воё, кор тырё Комилы автономия сетёмсян кёкъямысадаса арлыд, пасъяс ассыыс юбилей и миян «Вайвыв кодзув» журнал: 2001 вося октябрин тырё 75 во «Ордым» журналлён медводдза номер петёмсян. Журналлён нимыс вежласис, а сюрёссыс — ёти.

Күтишом отсёг да күттөд вылёт вермасны артавны, надейтчины коми гижысьяс — миян журналлён авторъяс, но и «Вайвыв кодзувлён» редакцияыс? И мый эсько Ti, Юрий Алексеевич, сиинныд налы?

— Нимкодь, мый коми гижысьяслён котырыс содё. Торйон уна том нимъяс. Талун чужё выль поколение, кыздзи гижысьяслён, сідзи и лыддьысысьяслён. Медшёрыс тан, мед наён кёсийомъясыс, виччысьомъясыс лёсялісны ёта-мёдышлы. Онія лыддьысысыльы он вермы мыйкё мырдён кёвъяны. Тшоктомъяслён, приказъяслён кадыс — кодлы мый колё быть лыддьины — коли бёрё. Тайё тёдчё и литературной журналъяслён судьбыны. Гашкё и, гижысьяслы аслыныс колё енбиён жё котыртны лыддьысыяскёд йитёдъяссö.

Республикаса бюджетысъ быд во торийёдсöо сёём районъясса, каръясса да республика весьтаса газетъяс да журналъяс государствосян күттөм могысь. 2000-ёд воин индома видзны та вылёт 14,7 миллион шайт. «Вайвыв кодзув» журнал күттөм вылёт торийёдсöо 632,7 сюрс шайт, мый вештё журнал ләдзём вылёт став ро скодъясысь 90 процентсö кымын.

Редакциясалы мынтытём удждан абу, гижысьяслы гонорар мынтытём сёмын ёти толысысь. И тан лоёттой местайын татшом содтёд: ёти авторской листысъ гонорар гижысьяслы мынтоны

Комиын — 1085 шайт, Удмуртияны — 594 шайт, Мари Элын — 250 шайт.

Мир пасьталалын некён абу сэтшёмторыйс, мый гижысылы, гижысь котырса шленлы мынтоны удждан. А ми, ставсыыс ётдор, бюджетын торъя визъён вичмёдам нёшта съём, медым кутны гижысыяслыс котыр. Сідзкё, Комиын гижысыяс воддза моз пыдди пуктанабось, почётынбось.

Кёсъя сины тіян авторъяслы да журнал редакциянын уджалысьяслы енбия выль вермөмъяс, став водэмостчомъясын, торъя нин литература юкёнъясын, удачаяс, шуд.

□ □ □

## Вайёй меным ёшкамёшкa

### СЫЛАНКЫВЬЯС

#### Шондіа кыв

Медся донаыс му вылад мамыд,  
Локтан гортад — и съёлёмыд сыв.  
Тырмас эсько мед этшыд да сымыд  
Сылы висъставны шондіа кыв!

Код нö тэныд став олёмсö сиас,  
Кодi виччысытöг тэнö оз ов?  
Чужан керкаыд шоныд и биа,  
Оз на йöз ордö пырнытö ков.

И мед бёрдöма чужёмён сулан,  
Динад корёмсыыд нюмыс оз пет.  
Аслам паччöрын коркö пё кула,  
Водзö кокён нин нүöны мед.

Сылён косиник, небыдик киыс  
Дась тэн лов шöрссыс пуктыны бур.  
Со и волывлан видлыны сiйös,  
Улёт копыртны сы водзын юр.

#### Кытчö ваяид волёма

Кытчö ваяид волёма,  
Сэтчö коркö волас на.  
Муслуныд тай колö на,  
Кöть и овлö коласта.

Лёгасылёмтö чёжны кö,  
Лёкалёмö вайёдас.  
Кольём дойтö пёжны кö,  
Югыд лунтö сайёдас.

Ловъя пуыд, сираыд,  
Ачыс асьсö бурдöдö.  
Ловъя мортыд, вираыд,  
Ачыс асьсö бурмöдö.

Кодi съёлём сертиыд,  
Медтöй паныд лёсявлас,  
Сы дырии и бортинас  
Унаысь на пёсявлан.

Муслуныд тай колö на,  
Кöть и овлö коласта.

Кытчо вайд волома,  
Сэтчо коркө волас на.

## Эжва вожё воліс гожём

Эжва вожё воліс гожём,  
Воліс уна мича лун.  
Да ёд муслунтö он вожёд,  
Оз кё важыс лбнь да вун.

Коді муса, коді матыс,  
Ни оз волы, ни оз кыв.  
Съблом дойён сёйё кадыс,  
Абу дёва, абу ныв.

Гашкё, шудыд оз и усылы,  
Гашкё, талялёмра рёк?  
Югыд войсö он и узылы,  
Да и ланьтан, быттьё кёк.

Аръявылыс ёдйё пемдö,  
Кёдзыд лысва кынто кок.  
Мед эсько да, ёти нэмтö  
Лоё пыкны курыд шог.

## Вайёй меным ёшкамёш카

Вайёй меным ёшкамёшка,  
Вылёр, енколаас, пос.  
Ыджыд съблом вайёй нёшта,  
Мед ог повзы, мед ог кос.

Ачым Енмыс динё кая,  
Бия ньёвнас кё оз лый.  
Ловъя юрёс сылы вая,  
Сэсся мед кёть шуас мый.

Гашкё, жалыс сылён петас,  
Шуас, муас на по ов.  
Ёти зонмёс меным сетас,  
Кодыс мусаыс оз ков.

Гашкё, бурбс сиас нёшта:  
Овны-вывны юсьяс моз.  
Вайёй меным ёшкамёшка,  
Вылёр, енколаас, пос.

## Ёти муслуныд абу и уна

Вёлі том дырий рытгорув мұна,  
Некор вой шёрыс гортын оз су.  
Ёти муслуныд абу и уна,  
Но и этшайн сийёс он шу.

Джуджыд ваё моз повтёгыд сунан,  
Ёдйё босытас кё гётрасян ру.  
Ёти гётрырыд абу и уна,  
Но и этшайн сийёс он шу.

Гозъя костад став курыдыц вунас,  
Он кё мыкыдтö вошты ни ю.  
Öти шудлуныд абу и уна,  
Но и этшаён сийös он шу.

Кокни олёмтö аслыд он тунав,  
Сöмын тöв бöрыс медым оз ну.  
Öти олёмыд абу и уна,  
Но и этшаён сийös он шу.

## Тöлысь пыдöс

Койö тöлыс катша шыдöс,  
Ваыс йиа, мусыс кын.  
Тöлысь пыдöс, тöлысь пыдöс  
Вылיאс и сьёлöмын.

Кольö сиктыс, би оз чусав,  
Ставыс веськодь, вой-ö-рыт.  
Чайтан, муса, чайтан, муса,  
Абу на тай вöлöмыд.

Водзын вöрыс джуджыд козъя,  
Сэтöн пемыд, шы оз кыв.  
Кодkö гозъя, кодkö гозъя,  
Кодkö эновтöма ныв.

Чарла пиньён шогыд инмö,  
Дойыд динö вöчö дой.  
Мед и кынма, мед и кынма  
Кöнкö вöрас тайö вой.

Койö тöлыс катша шыдöс,  
Ваыс йиа, мусыс кын.  
Тöлысь пыдöс, тöлысь пыдöс  
Вылיאс и сьёлöмын.

## Садьтöм код ли абу код

Татчö эськö дöзман он,  
Татчö эськö скöрман он?  
Миян сиктын гöтыртöмыс  
Талун кежлö комын зон.

### Унаысы:

Садьтöм код ли абу код,  
Он кё матькышт, он и вод.  
Кöнкö горшад быттьöйög,  
Олём вылас петö лög!

Сиктад нывъястö он кут,  
Карысъ кыйöдöны шуд.  
Олёны сэн коди кытöн,  
Быттьö öшинь костын гут.

Тырыс жöник эськö тай,  
Да öд абусö он вай.  
Сидз нин этша коми йöзыс,  
Тадзинкön и бырам дай.

Кысь нин петкёдлыны веж,  
Дыр нин сиктыд вёлі теш.  
Оз и пуксыыв лючки олём,  
Он кё вуж выйёныс веж.

## А мед и гажмылан

И важён юлісны  
Да суртö пулісны,  
И ёні винатö  
Оз ньёбны сідз.  
Öд съёлём курыдтö  
Он ванад бурдёт тэ,  
А съёлём долыдтö  
Он гусьён видз.

### Унасы:

А мед и гажмылан  
Да овны вашмылан,  
А мед и аскисыс  
Оз лолыд пёд!  
Мый оз ков юнытö,  
Зэв кокни шунытö,  
Да ньёти сытёгыд —  
Ме ог жё тёд.

Мед кодкё юсьёма  
Да мортсыс усьёма,  
А кодкё винатö  
Оз видлы войт,  
Збыль олём олысътö  
Он аддзы полысътö,  
И олём олысътö  
Он тайён дойд.

Рыт помнас гортад ли,  
Важ тёдса ордад ли  
Кор юан бур кузя,  
Сэк ставыс бур.  
И овлö сёр нин-а,  
Шань, восьса сёргинад  
Он янёд асътö ни  
Он вошты юр.

## Но и гажа! Но и мый?

Бара гётыр пиньсö йирас,  
Оз пё тэнö морыс лый.  
Шуас, вешый пё, эн сирасть...  
Но и гажа! Но и мый?

### Унасы:

Оз кё сибёд, оз кё дарьяв,  
Сы кодыыд мен сюрё дас!  
Либо Анна, либо Марья,  
Либо Нина — сибёдас.

Мед оз ышнясь аслас уджён!  
Эз на меным ньёблы доз!

Уджавнытö бидён кужё,  
А вот радейтнытö — оз!

Мустомысь пё ог и мынлы,  
Оти сёрни сылён куш.  
Мелі кывыйд оз и инлы,  
Сёмын кань моз чуш да чуш.

Медым, ётнаслы кё долыд,  
Верёс саяс эз и пет!  
Муна вот да ог и волы,  
Сэсся асьсо йирё мед!

## Коми аньяс, мусаяс

Енмён-мамён вёлёма  
Коркё Зарни Ань.  
Öнi сы кодь съёлёма,  
Коді бур да шань.  
Коді сера водздора,  
Оз и тёдлы лич.  
Коді кага моздора,  
Оз и воштыв мич.

### Унасы:

Коми аньяс, мусаяс,  
Вунтём сылан гор.  
Веж петана гусяяс,  
Нюмъяланныд кор.  
Сэки сёмын ёмаяс,  
Садьтö кё он тёд.  
Коми аньяс, донаяс,  
Инасяна вёт.

Быдтысяна олёмыд  
Помтём нокён тыр.  
Мыйыськё да полёмыд  
Нэмтö оз и быр.  
Шондіа-ö, зэрөс-ö,  
Ывлатö он веж.  
Но эз медым верёсыд  
Гортö туйсыд кеж.

Өтнад вёрын кытёнкё  
Овнытö он кут.  
Гётырыд на быдёнлён  
Му югыд и шуд.  
А мый коркё вомасьлö,  
Сёйё жё ёд нянь.  
Майбыр, оз на помасьлы  
Сылён бур да шань.

## Югыд шаг

Югыд шагён, югыд шагён узьё-олё,  
И он юлёт, и он юлёт нывтö, он.  
Вёроc сайё, верёс сайё сылы колё,  
Да мед эсько, да мед эсько муса зон.

### **Унаысъ:**

Съёлём кылан, съёлём кылан югыд шогой  
 Рытъя кыа — рытъя кыасъ кодь гёрд.  
 Йёкты, кокой, йёкты, кокой, йёкты, кокой,  
 Васод синмой, васод синмой, эн на бёрд.

Коді ковтём, коді ковтём, коть и вайо,  
 Ачыд сылы, ачыд сылы он на шед.  
 Лёкыд сайб, дышыд сайб, йёйыд сайб,  
 Мед и мича, мед и мича, он на пет.

Локтан шудыс, локтан шудыс нывтö шонтö,  
 Сёйсъ волö, сёйсъ волö öти дум.  
 Гашкö, регыд, гашкö, регыд аддзан зонтö,  
 Кодлы воча, кодлы воча петас нюом.

## **A ме тёрыт окаси**

Ыджыд мамö велöдö,  
 Тöд по аслыд дон.  
 Йёйтö по да мелитö  
 Ыллодлас быд зон.  
 Нывсыд усьны регыд по,  
 Гортсыд коть эн пет.  
 Гижасян, да сэки по  
 Вöлятö и сет.

А ме тёрыт окаси,  
 Тöдлi гуся шуд.  
 Эз öд менö лёкысъён  
 Аслам зонмой кут.  
 Зэв ыджыда лолыштiс,  
 Шуис: «Мусай!»  
 Колö нö, мед тойыштi?  
 Абу на öд йöй.

Мусаыдкöд томённад  
 Эскöмён и тыр.  
 Съёлёмыд кö томана,  
 Некод оз и пыр.  
 А мед эськö восьтылан,  
 Ниномысъ он пов.  
 А мед эськö востымён  
 Ворсö вир и лов.

Муслунтöгыд олöмыд  
 Некодлён оз ин.  
 Муслуныдлы колö, мед  
 Воча лöсялiн.  
 Кыскö медым дорала  
 Öта-мёдьыдлань.  
 Сэки-й лоан коралан,  
 Сэки-й лоё шань.

## **Коді колö, мёдкöд олö**

Пызан вылын небыд нянь.  
 Пидзёс вылын кургö кань.

Ошинь дорын пукала да,  
Съёлём вылын абу шань.

Ывла вылыс гажён тыр,  
Гудёк шыыс кылёр дыр.  
Коді колёр, мёдкёд олёр,  
Он ёд гозъя костёр пыр.

Шудтёминсыс коркё тась  
Ылёр-ылёр мунны дась.  
Коді колёр, ачыс полёр,  
Мед оз мекёд паныдась.

Шогыд содёр, а оз чин,  
Синва сорён петёр нин.  
Коді колёр, вётён волёр,  
Да оз татшём вётыд ин.

Шогыд бёрдёдтөг оз ов,  
Шогыд вётлёмсыд оз пов.  
Он ёд петав кодкё сайёр,  
Матёр аслыд кё оз ков.

Съёдё колёрвой да лун,  
Он и тёдлы гаж ни ун.  
Эськё асътёр ёлодан да,  
Коді мусаыд, оз вун.

## Сэтшём вёлін мича тэ

Сэтшём вёлін мича тэ,  
Вежёс петкёдлесь.  
Гусьён вёлі видзёда,  
Лолыштын ог лысът.

### Унасы:

Анна Николаевна,  
Эн тай менам ло!  
Анна Николаевна,  
Муса кызыбд во!

Абу на и вежсьёмыд,  
Абу кыз ни кос.  
Быттьё корйён эжсьёмыд  
Тувсов пельсь моз.

Нэм чёж быттьё ёвада,  
Абу тёв ни сай.  
Лоин эськё дёва да,  
Он ёд кыкёс вай.

Гётыра, а съёлёмыд  
Оз и тёдлы шуд.  
Шудыд быттьё пёлёныд  
Мунё, да он кут.

Коркё съёлём чаштёмысъ  
Кула — да и пом!

Пырала кё гажтöмьсъ,  
Вётлан эськё он?

## Ой, сьёлёмой

Кор йиыс юсыд кылалö,  
Кор ваыс — дор ни пом,  
Сэк бара быттьö нылалан  
И бара быттьö том.

Ой, сьёлёмой, ой, сьёлёмой,  
Эн öдий тíпкы вай.  
Ой, лёньомыд нин вёлёмой,  
Да ышмылан на тай.

Кор ывла вылыс вералö,  
Кор кылö кёнкё гым,  
Сэк лолыд быттьö сералö  
И кодкё дїнö пым.

Ой, сьёлёмой, ой, сьёлёмой,  
Эн öдий тíпкы вай.  
Ой, лёньомыд нин вёлёмой,  
Да виччысян на тай.

Кор лэбб юсыс-дзодзёгыс,  
Кор пушкё чизыр тёв,  
Сэк дойдö быттьö кочёгысъ,  
И шытög бёрдан чёв.

Ой, сьёлёмой, ой, сьёлёмой,  
Эн öдий тíпкы вай.  
Ой, лёньомыд нин вёлёмой,  
Да радейтан на тай.

Кор лымёйн гёгөр тырёма,  
Кор пемыдвойс кузь,  
Сэк, эшкын улад пыран да,  
Мый дум вылад оз усь?!

Ой, сьёлёмой, ой, сьёлёмой,  
Эн öдий тíпкы вай.  
Ой, лёньомыд нин вёлёмой,  
Да эскылан на тай.

## Босъта вот да манастырё муна

Ставыс эськё вылысад да сьёрад,  
Ньёти на он Ёма вылö мун.  
Кысъ нин шудыд комын арёс бёррад,  
Да и курыд муслуныд оз вун.

Узтём войсö бёрдома нин уна,  
Шогалома кыкльсъ, гашкё, пай.  
Босъта вот да манастырё муна,  
Кывсъё, кёнкё восьтёмаёсъ тай.

Шудтём йывсыд шуломаёсъ важён,  
Коньбройлён кага по ни мёс.

Эз кё усь мен овны му выв гажён,  
Енмыслы нин пукта олёмös.

Муна коркё зэра-гыма лунö,  
Висьтася да сёйсъ ог и доль.  
Синва тустьтöг, гашкё на и, муна,  
Нинём тай со жальён оз и коль.

## Вежёраыд зонмыд

Вежёраыд зонмыд, сьёлёмайыд эм.  
Ачым сысыс мыжа, мый эз веськав мем.  
Ачым, ачым, ачым мыжа сизим пöв.  
Сыкёд эськё олi, эг кё ыкша вöв.

Абу, мися, мича, тыдалана зон.  
А он сийёс аддзы, мыйын сылён дон.  
Ачым, ачым, ачым мыжа сизим пöв.  
Сыкёд эськё олi, эг кё синтöм вöв.

Коди песё кывсö, сийё-й быттьё сюсь.  
Эськё коди авъя, олёмсö оз узъ.  
Ачым, ачым, ачым мыжа сизим пöв.  
Сыкёд эськё олi, эг кё пельтöм вöв.

Гозийн олём вылад колё сям да вын.  
Верёсыд кё туйтöм, шогсыыд он и мын.  
Ачым, ачым, ачым мыжа сизим пöв.  
Сыкёд эськё олi, эг кё йойён вöв.

## Бёжой кузь

И мортыс эм, и вайны дась,  
А пола, мед оз паныдась.  
И юрой эськё оз на усь...  
Да бёжой кузь.

Зэв эськё томнад вылын ныр,  
Да йёяд вошны абу дыр.  
А ёнi эськё ачым сюсь...  
Да бёжой кузь.

Оз кольём арсыд бёр лок,  
А ёткёнсыс и медся шаг.  
И лэбзи эськё, быттьё юсь...  
Да бёжой кузь.

А кыскё сы динё — и пом,  
И вётлö гортысь, быттьё ном.  
И войсö лючки ог и узъ...  
Да бёжой кузь.

А сьёлём кылёмтö он вен,  
А сьёлёмыдлы — шу кёть эн.  
И сылё, быттьё мырпом тусь...  
Да бёжой кузь.

## Йёй эськё, да мед

Катыдпомысь Коля  
Быттьё абу-й зон,  
Кежё меысь ылёр  
Быттьё полысь пон.  
Воча кывтё некор  
Весигтё оз сет.  
Нылыштёма кывсё...  
Йёй эськё, да мед.


Тракторсё и тёдё,  
Сэсся нинём оз.  
Матькомтё он кывлы  
Мукёдыслысь моз.  
Вина вылад вежыс  
Некытён оз пет.  
Мамыслысь и кывзё...  
Йёй эськё, да мед.

Коркё вайис турун,  
Сэсся вайис пес.  
Коля, мися, пырав...  
Нинём вылёр эз.  
Юрсиыс оз вёрзыв,  
Тёлыш кё оз лет.  
Узьб нисьё олёр...  
Йёй эськё, да мед.

Отчыд сылы шуи...  
Скёрман да ёд, шу!  
Коля, мися, колльёд,  
Кокёй нин оз ну.  
Нюкрасис на эськё,  
Киё мед оз шед.  
Аслым ковмис кутны...  
Йёй эськё, да мед.

И со олам гозъя,  
Быдтам ныв да пи.  
Абу на и, вёлём,  
Сылён чорыд ки.  
Юавлёр на менсыым,  
Мый по ньёбны тэд.  
Моздорас на босытлёр...  
Йёй эськё, да мед!





Виктор НАПАЛКОВ

# ЭЗЫСЬ ПЕРНА

РОМАН

## Воддза юкён

ПРЕСВЯТОЙ БОГОРОДИЦА чужан лунö — сентябрь 8 лунö важ, Юлиан календарь серти кö, Öврам Öксинь кокъяссö таджгёдёмён ымзис да ойзис шоныд пывсянын вылыс джоджас. А вöл 1916 во.

— Горзы, дитя, горзы, пычкысь ёнджақка,— велёдана шуалис нучкаыслы ыджыд мамыс, Мёдей Пекла.— Горзы, эн жалит гёлостö, мед кывлас выль морталыс чужомсö став парма чуркийс.

Енэжсö люкалыс Тимаизийс танi важысянь шуёны парма чуркийн. Сы бокшаш, шондыйслы паныдён, ыджыд сиктъяссинь ёна бокö, вужъясылма ичёттик грэзд — Пармачурк. Тыла кераломён йозыс вöчлёмайс мү-видз, а звер-пöткаа парма-вöрыс, кöттө кодарё он видзёдлы, помтём-дортём. Гёра кок улöдис сялгö из пыдёса визув ю — медсясö ком чериа, уна жборганъяса. Вöлэжнэ олісны ки тыръя татчöс войтырыс сёян-юаннад. Вузавны звер куяс, ньёбны колана роч тёваръяс ветлывлисны медматысса сиктö, Веждимё, кытчöдз лоё верст дас, гашкö и, унджык. Туй ордымсö писькёдома сидз, мед позис мунны-локны эз сёмын верзёмаяслы, но и вöла-доддяяслы. Арайяссö вольсалома керйён, посйома и юсö.

Йозыс олісны Пармачуркын мирён-сöветён. И ай-мам, и пöль-пöч, и том войтыр мыркисны став сикас уджсö, со и няня-сола пызан вывныс. Мужичёйяс вöліны дюжлив да дока йозён, пила-чернад вöдитчисны чачаён моз. И сэк жё, ставныс сюсь вöралысьяс. Гашкö, звер-пöтка радиыс на и кыссисны татчö сьёд вöр шöрас медводдза олысьясыс да. Куим семья, ставныс разнöй сиктъясыс волёмайс. Оз му пуксьёмсяныс танi овны, а коркё 1840—50 воясö на и овмёдчомайс. Öксиньлон ыджыд мамыс, Модест Пекла, шуисны грэздасаяс Мёдей Пеклаён, чужлома Пармачуркйö локтан медводдза воас. Онi сылы 65 арös — косиник, кокнызык, шыльыд баш бокъяса, мелi сьёд синъясыс зэв на визулöс. Ачыс вöр-ваыс, быд лунъя нокыс кутё йозсö кадыс.

водз пёрыссымёмысь. Чёсқыд дзоридза турунто сёйигён мёсъяслысь лысъёны нёгыль йёв. А йёвсыыс вёчёны быд сикас сёянсо. Сэсся и, пётка яйыд на, майбыр, оз тышкёд виртö. Посниджык челядь гуджёны косытём кёч яй — тайё налён чёсмасянтерийс.

Пекла некор эз вёвлы жугтыльён. Радейтліс серавны том тырнас. Жаль вот, кёть и век юис ырощ, пув да сэтёр коръя тшай, пиньыс висытёг и крёшигчис, кык водз пинь сёмын тыдовтчылёны верст петкёдлан сюръя моз. Торскун кодь Пекла, век кытчёкот котортö — кёть вала, кёть тшак-вотёсла. Керкаас, медьюгыдинас, дёра кыан стан тёвбыд суало. Уна сера, синмө чеччана шабді дёра и джодждёра кыліс, ачыс жё и вурліс аслыныс и челядьныслы новлан кёлуйсö — дёрём-гач, сарапанъяс, шапкаяс. А кучик кёмтö верёсис вурліс, гын сапогтö и тюнитö гындыліс. Ичётсяныс велодісны тайё уджас и ассыныс ныв-писö. Тадзи вёвлі быд семьяын. Нянь мүяскöд орчён и пыш мұыс. Пекла дзолясяныс визув шор кодь зиль вёвлі. Ичотик грездад зонъясыд этша, но и сийё этша писыыс бёрийс медся збойсö да статясö, ас сертиыс ар-мёдён ыджыд-джыкös — Мёкей Осипös. Нывлы сәк дас ёкмыс най вёлі. Петлісны эськö и нёшта на томджаңын на, дас квайт-дас сизим арёсөн. Пекла некор эз кайтчыв Осип сайё петёмысь, ёта-мёднысö радейтёмөн и колисны став воясыс. Нёль ныла-пиаös чужтыліс Пекла, оні оліс Ульяна ныв ордас, сізднад, Оксиньён мам ордын.

Шоча кольё лун, мед гожёмнад Пекла эз кежав грездса кладбище вылö. Во-мёд сайын кувсис верёсис, олысъ на эськö вёлі да. Ёна куритчис, ас йёрас быдтöм чорыд табактö радейтліс. Табак койдышсö веждімса купеч вёлі судзёдома. Йёгысь вёчом каллянсö мам нёнъёс моз чурсыліс. Со, эстоні, джадажъяс, кык выль каллян на куйлö, дыр на кёсийс овны да выльяс вёчліс. Некор нинём вылö эз норасълы, пöднегтö пöдё вёлі-а. Вёр керкаас, грездаян верст сизим-кёкъямис сайын сийё, нортайын кыскö вёлём кульбом да кералом йёраös. Воськов сё и абу воёма керкаодзыс, лымъяс чужёмөн и зутшкысъёма, норт волыссö разыны весиг абу вевъялёма. Киас каллянсö шамыртёмөн и унмовсъёма. Аддзёма Осипös сийё жё грездса мёд кыйсысь, вой кежлас аслас вёр керкао локтigён. Кын нин вёлёма Осипыс, сёмын по Мёдім понийс кытшлалö кёзяин гёгёрыс да омлялö, чуксалö кодоскö отсöг вылö. Омлялём шыас и матыстчома мёд вёралыссыс. Вот тадзи 1913 вояс тёлын грездса кладбище вылö сувтіс нёшта ёти крест.

— Ma!.. Ma!.. Ma-а-мё-ö!.. — поткёдіс онялысъ пывсяныс пемыдсö Оксиньён ёсъ голёсис.

— Горзы, дитя, горзы... — бара лёньёдö нучкасö ыджыд мамыс, коди Оксинь моз жё пöсялёма юрси йылодзыс, виччысъ кыскö пыдысъ-пыдысъ, быттьö пемыд пармасъ, кагаыслысъ мыгчысъомсö. Ныв таджвидзис ичотик ёшинылань воча, но Пеклалы нинём эз тыдав, и став коланасö вёчис кималасөн. Кадыс лун шёрлань, а ывлалыс пывсянын серти абу югыдджык: ёдёбон зэрис, шливгис кёшисъ моз. Гажтёмөн, шуштёмөн кажитчис Пеклалы талунъя арся зэрыс. Мед эськö ёдйёдджык да люочки-ладнö торъяліс нучкаыс, и сёмын сәк, кор орёдас гёгсö, вёлисти юалас: коди жё кагаыслён батыыс?

Оксиньён мамыс, Мёкей Осип Уля, дас квайт арёса пыскöд, Митрейскöд, водз асывсянъ ноксисны рыныш дорын, сэтчёс лэбув улын палича беддьён вартісны рудзöг да ид колтаяс. Зэрыс татчö эз инмы, и рынышын бура косымём шептаясъ кокния торъялісны тусъясыс. Ульяналы нелямын арёсисъ унджык, ни обликнас, ни

туша-мыганас ньёти абу мунёма мамысланы: ыдъыц лёз синъяса, пасъыңдың съёд синкымъяса, ловзёом няньшом моз вылө кыптом морёса. Ачыс абу кыз, но лёссыңдик джекъя бекъяса. Шурём аньыс, удж вылад кодзувкот моз пүй. Мамыс кө веңдъык нюмыйд бана, то Ульяналён чужомыс кажитчо зумышён, весиг пемыдён, быттьё ўшйома съёд кымёрлон вуджёрыс. Эз вёвлы татшомён Ульяна том дырыйыс, көтү и он на абу чусмома нывбаба мичлуныс. Ачыс оломуыс пыркодіс сійос төв йылын кызд пү корийёс моз.

\* \* \*

Радейтліс Мёкей Осип ассыыс Улюксө, век съёрсыыс босъталіс, кор ләччыліс мыйсюрө ньёбны либө сдайтынды кыйдёссө веждімса купечлы. Купечыс, Павел Петровичон ыдждёдлісны, ар нелямына, шонді кодь горд тошка — вот-вот ыпнитас и чишкалас чужомсө, бок вылас пёрөдөм пельса кодь гырысь пельяса, зэв варов да шань, оліс кык судта ыдъыц короминаын. Уліас волі куяс босътанін, а сідзжо лавка, көні ачыс и вузасыліс, медсясө роч мұын вочом төварён. Батыскод орчон пырджык ноксылыс пыыс, Родион, ар дас вита, гашкө и, ыдъыцдажык, весъыңды ныра, нептола щёкаа, едъыц выбейка дörөмсө топыда тасмаалёма, роч ной гача, кучик сапёга. Родионкод тшотшя кымын и Уля, коді юрас кутіс уна молитва, но эз төд ни оти шыпас. Зон кужис гижны и лыддысыны, батыслон чужан сиктын, Веждімсянъ верстквайтымын сайын, помавліс училище да. Мамыс купеч пилён, Варвара, веждімса — лөнъ да вылө пуксыытөм, смоль съёд юрсиыс югъялө, быттьё дбөгөдьон мавтыштому, пельнёняс зарни исергаяс. Веждімө волігъясон и төдмасис Родионкод Уляыс.

Отчыд, 1891 вося гожом волі, Родионлы окота лои видзёдлыны гораса йөзліс оломуыс, тшотш и ассыс Пармачурксө, и вөзйисис батыслыс. Вөзйисис буретш сэк, кор Мёкей Осип Уляискод Веждімъян воліны. Матысмис Илля лун — крам праздник, и аяныла ләччылісны мыйсюрө ньобыштны. Бырёдома нин волі душ серти вот перйом, но сысыңынды на унатор лыскисны, и весиг бур вөралыссыаң деньганад олісны съоқыда. Сэк жо, ыдъыц ен праздникъяс кежло съомторто век вичмөдлісны. Окмысадас отиод вося гожомыс волі көдзыц да зера, и сикт-грездъясын эз тырвыйо воны ни рудзөг, ни ид, а шобди да зёр көдзаяс ковмис ытшкыны скотлы көрим вылө — сізд эз и шептасыны. Сы пыдди пармачуркесаяслон амбаръясныс тырөс тусь мешокъясон. Пармачуркыс алас сыліён видзис татчо муюссө көдзыц вой төлсіс, пужъяләмъясыс, лестукъяс вылө косявліс талань матысмыс съоқыд кымёръяссө. И нэмъяс тадзи: вөр-ваыс олө алас көсімъяс серти. Веждімъян эм ва мельнича, сэтчо вайлісны изны туссың тшотш и пармачуркесаяс, излісны и гортаныс кипом изкиён. Тайо уджсө веңдъык вөчлісны челядь, кодъяс пыыс эз быдёнлы мойви воїдчыны версттө мортодзыс: корсюрө көвъясылісны вуджана висъомъяс, кор оти-мод бёрся кулёны нёныпом кагаяс, кор вынтөмөс мөдвына бурдодчан турунъяс. Кувсис мөдводдза, кык арёса пыыс, сесся и, биа висъом нёль арёса нывсө виис.

Ульяна быдмис дзоньвидзай, лоис тыр вир-яя невестаён. Веждімө мөддичигөн топыда кыліс кыз көсасө, пасъыліс роч дёрайс вуром мөдмича сарапансө да ковтасө, көмавліс мича сера ас кыом чулкисө да батысона вуром кокни көтісө и лоліс ризъялыс кукань кодь кыптыц да гажа. Дас көкъямыс арёса нывлөн съоломуыс

ворсіс том ырёш моз и аскёдys вöчны нинём эз вермы. Кöть кыздзи кöсийис кажитчыны купеч пилы дай ставыс. И со, Родион лöсöйдöв волыны Пармачуркйö, аслас, пельён та йылысы кывліс Ульяна.

— Сэтшом кö окота, ветлы нöсь,— согласа шуис Павел Петрович.— Мамыд мед ноптор лöсöйдас, пунктöм пызанöн тэнö некод оз виччыс. Катöдлан, Осип Мöкеевич? Оз ло вöдня тиянлы?

— Мед ветлас. Мед видзöдас крестъяныслыс олёмсö,— дзор тошсö малыштis Мöкей Осип, каллянсö табакён тыртis.

— Мед, мед,— сунгылгыс Ульяна, морёс вывсыс кöса помсö пегралігтыр.— Ме вотчыны нула, чöйыд и пулыйд миян зэл гырыс молля.

Павел Петрович колльöдис писö да ая-нылаös öшинь улöдзыс, тубыръяссö пунктисны телегаö. Мöкей Осип идралis вöв ныр улыс зöбнясö, зэлöдис седелки кöвсö, и купеч тош рöма кöбыла дышшырыс вörзöйдчис mestасьыс. Варвара вöлi гортас, суалis вылыс судтаса восьса öшинь дорын, и кор Родион видзöдлассö чöйтлiс керкаланыс, мамыс прöщайтчана öвтыштis кинас. Кузь зэръяс бöрын луныс югыд да шоныд, мир туйвывса лыаыс лошсöма-нямдöма, абу на шупалöма. Дженыд кокъяса, тутъя бöжa кöбыла восьсалis ас шодйöн, сöмын Мöкей Осип, кодi туй вожаланiнын сöлис телегаас, корсюрö тракнитлis дом поводсö да кузяя нонитлis. Родион да Ульяна öта-мöд бöрсис мунисны туй бокшаöдис, лудъяинöдис. Вылiс уличаыс, кöni суалis кирпич подула пу часовня, косджык. Часовня гöгöрыс котралисны рака кока посни челядь, ворсисны дзебсясьюмыс. Став верстъёыс, кöнкю ю бокъясын, пунктисны турун.

Луншöръя енжас, öта-мöд бердас кутчысьюмён, быттö полисны усьёмыс, öшалисны кос кымёръяс. Ульяналы сэтшом лöсöйд, весиг аслыс окота лоны кымёрён да и кыпöдчывны вылö-вылö, видзöдлыны сэсянъ и аслас Пармачурк вылö, и ставнас вöльнöй свет вылас. Татшом кокни думъяссö чужтö нывлыс эсiё Родионыс, кодi восьсалö ныv бöрыс — тюпеня, дзöляник лэбъя картуза, уна кизъяса гöрд сатин дöрöма. Бöръя керкаыс, шöрас кильчöа, öтарыс и мöдарыс нёль öшиня, стынладорсяныс сарай поска — унджык керкаыс Веждимын татшом, суалis дзик нин вöр бердас, Изъяю берегас. Юыс панассö босьтö кöнкö парма чурк йылын и усьö Важ-Эжваö. Тасянь грэздöдз тшем вöр. Кутшом сöмын лэбач-пöткаяс оз сывны татчöс ягъясын — дозмёр-чукчи, сьёла-тар... Кутшом сöмын зверъяс оз котравны тöв и гожём — ур и сьöдбöж, руч и кöч, тулан и ласича, вöр кань и латшöг. Иёра, ош, кöин... Ок и важёнсянъ коми морт вöччöдö дона куясон роч и сарицзяссайся мусыссы ичмөньясöс, а ачыс öдва-öдва олö öти няньсянъ выль няньöдз, пемыда да гажтöма.

— Тпру-у! Дашкö, сöланныд, молодечъяс? — кылis кыз гöлöсис Мöкей Осиплён.

— Вай подöн мунам, зэл вед ёна таркöдö,— зон дiнö шыöдчис Ульяна.

— Тэ, Осип Мöкеевич, рöдты, а ми подöн тапиктам,— кыпьыда вочавидзис Родион.— Ульянаид кö абу паныд?

— Абу, абу. Ми чöд да пул сёйигтыр локтам.

— Ен тиянкöд,— кылis батьсяяныс воча кыв, и öддзöдис вöвсö. Мöкей Осип войт эз дивит нывсö тайö пемыд вöлökсö купеч пикöд вуджöмыс. Мöдарö на, кокни вöлi сьёлём вылас, быд сикас лöсöйд думъясыс юрас ылькийисны да. И медводз: гётролны кö эсъкö!

«Тыпу! Нинём абусö думайтсьё...»— вомгорулас ропкёдіс Мёкей Осип, тайкё каллянсö ээ съёлышт.

Ульяна сувтовкерис öти мыр дорö, пёрччис гёрд пышына кöttöс и выльён на кыём мича сера чулкисö: ме по кёмтöг радейта ветлыны, кёть эськё жалыслы пёрччис. Сарапаныс кок шегсыс муртса-й вылыңджык, сізд ээз и тыдовтчыл кок пёкйыс. Веськёдчис и видзёдліс орчён суалысь Родионлань: нывлон лоз синъясыс воліны ключ ва пыдёсын юғыдлоз изъяс кодьёс, найо койисны посы югёр, донёдісны зонлысь вир-яйсö. Аслас оломуын медводдазысь Родион татшом матысянъ аддзис нывлысь кыскана-манитана видзёдлассö, окота лоліс весиг кинас инмёдчывны ныв бердö, но ээз тырмы збойлуныс. А кутшома коліс тайё инмёдчылөмьыс Ульяналы!

— Ті сэні, дашкё, старёверъяс да?— виччысътöг юаліс Родион, верст-мёд муном борын нин.

— Мый сія старёверыс?

— Ас ногыс Енлы эскысъяс, важ ног олысъяс.

— Код тёдас, сёйны пуксигён тай «Отче наш» лыддям-а, Кристослы да Богородицалы юрбитам. Кослунъялан модаыд середанад да пекничанад абу миян, кор мый Ен сетас — сійös и сёям. Іджеңд лун водзвылын да Рощтво водзвылын этшаника кослунасям, лун кык-куим. А тэ тёдан молитвастö?

— Миян училищеын урокъясным вылын медводз юрбитлім. Кывзан кё, лыддя «Отче наштö».

— Кывза.

И Родион босытчис лыддыны, лыддыны сізд жо ярскоба, кыдзи и училищеын: «Отче наш, иже еси на небесах, да святится Имя Твое, да придет Царствие Твое, да будет Воля Твоя, яко на небеси и на земли. Хлеб наш насущный даждь нам днес; и остави нам долги наша, якоже и мы оставляем должником нашим; и не введи нас во искушение, но избави нас от лукавого. Аминь».

— Сэтшом пося да съёломсянъыд лыддин, быттö весиг сынёдис донолліс,— ошкис Ульяна.

— Лыддысъёмысь менам «отлично» вёлі.

— Мый сія «отличныс»?

— Медвылö донъялём.

— Ме лыддя тэн астья молитва, а тэ донъёл.— Ныв ётар киас нуис кöttöс, мёднас ёвтыштліс гожъялыштöм чужомас да голиас сатшкыссысь ном-гебийс. И босытчис лыддыны нюжёддана небыд голёсён, быттö сыланкыв сыліс: «Хвалите Бога утром, чада Церкви. Всякое утро будем славословить Благого и поклоняться Ему, устроившему светила в область дне и в область ночи. Покрывало ночи поднято, и воссиял свет Божий над тварию; явление утра пробуждает спящих. Свет Твой, Господи, да озарит сердца наши... сердца наши...» Вунёді тай водзёсö. Часлы, часлы, уськода тёд вылö.

— «Сам ты, Господи наш...»— отсыштис Родион.

— Ой, сізд вед и эм. «Сам ты, Господи наш, научи нас славословить Тебя и вложи жизнь в души наши; и как извел нас из тьмы, так избавь нас от геенны». Но, кыдз?

— Ләбачлён кодь лёссыд тэнад голёссыд. Ме дась тэнё кылзыны и кылзыны.

— Сомын вот ог гёйрво молитвассö.

— Мед, он кё. Енмыс вед гёйрвоö, кор кылзö тэнсыыд голёстö.

— А мый нö эськё сэтшом гееннайс?

— Сія — места, кытчö кулём бёрас веськалоны грека йöz, адын сотчоны. Тая молитванас коран Енмыслысь, мед видзис кулём мортислысь лолсö сэтчö веськалонысь.

— Унджыкысь кута лыддыны тайös, зэл бур молитва тай вёлёма.

— Став молитваыс бур.

— Тэ уна молитва тёдан?

— Тёда. Ме Ен небögъясысь велёда найös.

— А ме лыддысыны ни кырымасыны ог куж. Сьодас-пемыдаолам, нюрын вутшъяс моз.

— Ичöt грездъясад быдлаын на тадз. Ыджыддыхык вёлостъясад эмөсь нін велёчом йözид, училищесын да школаясын велёдчоны, зонтьяс медсясö. Нывъясыдлы некор велёдчынысö, кага видзёны. Миян училищеын Ен законсо да роч кыл менам дядь велёдіс, батьёлён медыджыд вокыс. И оні сія сэн велёдö, унайён шува.

— Сізднад, сюсь морт тэнад унайыд.

— Вичкоын попало сія, пыдди пуктоны сиктас. Асланыс абу челядьыс, менё ёна радейтёны унінькёд.

— О-о, джын туйсö мунім нін,— орёдіс Ульяна.— Со, пас пыддиыс этія джуджыд кыдзъясыс.— Ныв пуктіс му вылас котісö, посялём морёснас топöдчис да сывъяліс пашкыр вожъяса, веж коръяса пуссö.— Тая муса пусыс меным вын-эбос сетёны, мунігён век топöдчыла накёд.

Вежыс петіс и Родионлён: матыстчис да сывыйштіс орчча кыдз пуссö, шуис:

— Некор эн топöдлы пипу, пипуыд по босытö мортыдлысь дзоньвидзалаунсö.

— Тёда вед.

Кёнкё дзик матын котшкёдчис сизь. Сэсся чёв-лёнъ, чуш ни ваш. Пу йывъяс ньёвъяс моз сатшкысъёны енэж лозас. Лёсталоны кыдз пу коръяс.

— Кылан?— юаліс Ульяна.

— Кыла, сизь котшкёдчö.

— Вот и эн тёд. Тадзи менам сьёлёмой ёпкё.

— Лёссыд мен тэкёд, Ульяна. Лёссыд и гажа.

— Мен тэкёд лёссыд жö. Зонмыдкёд ме тадзитö, кыкённад, медводдзысь на. И тайö пүяссысыс отдор некодёс на эг сывъёллы. А менё Ульянанад некод оз шу, Мёкей Осип Уляён шувёны ставныс.

— Ульянаыс мичаджык. Ачыд и нимыд тэнад Ульяна манастыр кодь жö мича.

— Збыль?

— Збыль. Ме некор ог пörъясь. Поп дядь шувö, грек по пörъясьомсыд. И став йözсö по пыдди пукты. Озыр водзын по копыртчыл коскодзыс, а голь водзын — муöдзыс.

— Тэ вёллін сэн, Ульянаас?

— Поп дядь жö нуліс. Ок и мича да гажа, Эжва берегас джуджыд-джуджыд кыр йылын. Гырысь кирпич керкаяс, манастырсö гёгörtöма пасъыд стенайн. Ме и Сыктывдинкарын вёллі, қуим во сайын, батьё нуліс ярмарка вылö. Вонас по отчыд и олло сэтшом ыджыд ярмаркаыс. А йözыс мыйта! Сыктыл ю берегас ичётик лавкаыс сулаліс, дашкё, сё. Мыйсö сёмын эз вузолны сэн — няньсö-й, дöрасö-й, еджыд сёй дозмуксö-й, кörтапуа кölуйсö-й... Бать менам лэччöдліс звер куяс, кынтём пёткаяс, кын чери — и ставыс инасис.

Родион и збыльысь эз пёръясь. Зон висъталіс 1888 во помын мунысь ярмарка йылысь. Сійös шуисны Георгиевскойён, и мунліс век тёвнас, сэк кародзыс кокниджык волі весъкавны. Вузасынъобасыны волывлісны сэтчо эз сомын уезд пасьта олысьяс, но и кардорса, устюгса, вяткаса, чердыньса, совдорса купечьяс, мещана, да и посни овмёса крестьяна. Сідз, немдінса мужикъяс вайлісны ас кыём ной, пу чашкаяс, тасыті-пань; паджаса крестьяна — нянь; вёралысьяс — ур ку, байдёт, съёла-тар; Нювчимса да Кажимса заводъасын уджалысьяс — кörта кólуй; выльортаяс — куранъяс, мегыръяс, телега кólесаяс, кузнецъясон дорёмторъяс; сыктывсаяс да эжва вожсаяс вайоддісны уж да кобыла табунъяс. Тайё кык вежонся ярмаркас лоліс ыджыд гажён эз сомын карсаяслы, но и уна лыда гёстяслы. Ачыс ичотик карыс быттьё пыркнитчыліс, садымыліс узъомысь. Кылісны том ныв-зонлон гаж да гудёк шы уло сылёмъяс. Уна йоз бергöдчыліс сэк карса трактиръасын, чайнойясын, вина-водкаён вузасян лавкаясын. Курыдторъассо вайлісны устюгсаяс. Коми пармасын небыд зарниыс, кынтом пёткаыс, медсясö съёла, медуна мунліс Петербургö. А отчыдйонсо вайлісны ярмарка выло куимсё сурса кынтом пётка.

— Тэ унатор нін аддзылomyд да унатор тёдан. Ме Веждімысь отдор некён на эг волі. А менё вед манастыр ним кузяыс и нимтöмаөс Ульянанас. Батьё да мамё воллöмаөс жё Ульяна манастырад, мен вит ар на-ай волі сэк. Буретш сэк весъкалöмаөс, кор паракод сэтчо волёма, юрбитысъясос вайлöма. Ёна-ай шензьбомаөс, ыздзи по татшом ыджыд пыжыс та мында йöзнес озвой. Сэсся паракодса козяиныс берегсыс став йöзсо — манакъяссö, крестьянасö и юрбитны воясьяссö, катöдлома Кулöмдинёдз. Некутшом дон абу босытёма, чорыд биа ваён да тшайён на юкталöма. Батьё да мамё сія паракоднас и локтöмаөс Кулöмдинёдзыс. Ме сэк кён волі? Тані, поч ордын.

— Колокö-й, ачыд на быдтор аддзылан да тёдлан; код тёдас, кутшом на лово оломуыс. Сё арёсöдз кё кутам олны, колокö, мыйсö на ог аддзылой.

— Кутшом воын нё тырас миянлы сё арёсис?

— Тэн оні кымын ар?

— Дас кёкъямыс.

— Вот и артыштам. Оні 1891-öд во, чинтам сэсъ дас кёкъямыссо, лово 1873. Содтам сёёс и лово 1973.

— Аслыд нё эсько кымын?

— Арнас мен дас сизим тырё.

— А ме тэнö ыджыдджеңкön чайті.

Родион паськыд пельпома, паськыд морёса, ойёс сойяса, тувкыд зон, сюрёса мужикён нин позьё шуны. Рыжой батьсянныд да съёд юрсия мамсянныд орёс морт чужлöма. Шуйга бан бокас, пельнёньланыыс, кык чунь пасьта мампас — Енмыс быттьё сургучча печать пуктöма. Купеч пи, а абу ыкша, со кутшом кыла-вора Ульянаыскöд.

— Батьё, кёнкё, воис нін, а ми век на джын туяс. Мёдім. Вотчынныгö радейтан?

— Ветлывлам зонъяскöд.

— Кутшом тусь нё тэн медся чёсқыдыш?

— Чёд да мырпом. А тэнид?

— Оз да ёмизд.

Верст кымын муном бёрын Ульяна корис кежны шуйгавыв. Гёгёр гойта вёр, медсясö пожём, а шёрас шочиник ді ляпкыдджык

пұяса күшинкодъ, көні кос яғыс весьқыда ёзйис гырысь, гөрд мольясысь — пувыйс заваль — көтү зырон зырт,— но еджыд бокъяса на. Водзджык вутшъяса егыр, веж нитшкыс понътасьома пемыздләз чойдйон.

— О, Енмой, тувчыны некытчо,— шензыштіс Родион.

— Местаыс Важтылаён шусьё. Висьталоны, коркө татчо көсийомаёс олмодчыны кык вок, и тыла кераломаёс. Но уджсо абу помаломаёс, оти воксо ош коселләма, и мәд вокыс энолтас тайё mestасо. Миян грездым сәк абу на волёма.

Горш веськавмённыс апалісны чодсө, и бёр петісны пасъқыд ордым вылө. И сы здукө, дзик виччысіттөг, зон сувтіс нывлы воча, да сэтшом мато, весиг видзодласныс отлаасис, быттьё джагтөрөд гөрдзасис.

— Кунь синтё,— корис зонмыд. Мёдыс топыда кунис пасъқыд синкымъяссö көрөмён.— А оні восьт.

Ульяналён мичаник чужом водзын Родион күтіс гырысь мольяса чод куст. Бужнас мортыд нетышштёма.

— Месянь тэн козин.

Ныв шойёвошліс, гөрдзасьліс горшыс, быттьё тасасис сэтчо ыджыд из, сэсся вом тырнас нюмъёттіс — пинъасыс воліны пуртосын анькытш кодь мичаёс да шылыдьёс, шуис:

— Менам оломуын тая медводдза козин. Пасиб.

— Енлы.— Воча нюмъяліс зонмыд, тыдало, ачыс аслыс қажитчис, гөгрөвоис мыгчыны нывлы татшом козинсö да.— Татчоң угодьёсис кодлон, коді көзяинис?— юаліс сэсся.

— Ставлон, ётувъя. Веждімсаыд тась вотчылөны жё.

Эжва катыд эташа йоза волі, вёр-васо родёвой угодьёяс вылө эз вөв юклөма. Ковмыліс кө мортлы либо семьялы му-видз, сійш шыбдчыліс сиктса общинаö. Сәні воодчылісны оти кыйвö, кысь корсыны да сетны угодьёяссö. Сәкся законъяс серти, быд айлов вылө вичмодлісны дас вит десятина, нывбабаоб төд вылө эз босытлыны. Кыдзи вөдитчыны кыйсян угодьёясөн — та йылысь 1798 воын на волі ләдзёма «Вёрса устав». Чөс туйяс, вёр керкайас — ставсö босытлісны төд вылө, нином эз вунёдлыны, мед царлон казнаö воис унджык барыш. И му, и вёр угодьёяс батьсянъ вуджлісны пияныслы. Тадзнат, ёткымын көленалён чёжисисны да ёкмисны пасъқыд угодьёяс, лоисны озыр йозён. Кыптыліс кө күтшомкө вен, позис шыбдчывны эмбуртъяс кузя Вёлөгдаса палатаö. Сылысь шуёмсö сэсся торкавны эз позь. И сәк жё, Эжва йывланыын некор эз вөвны помещикъяс, крестьянаись оприч воліны купечъяс, вузасысъяс, озыра олысъяс.

Грездань матысмыс туй чукыльтіс весьқыдвыв, и петкодіс ныла-зонмаёс нязымёс ю берегö. Родион казяліс: юсö уналаті помёма.

— Мыйла нё?— юаліс зон.

— Помёдыс мыйла? Гымга да ветель чолталанін, чери тадзи кыям. Кутшом чери? Быд пёлөсис эм: гырысыс и посниыс — ком, кельчи, сир.

— А миян ботайтчоны.

— Тан матын вис ни ты абу, оз кыйсыны кулёмнад.

И друг вёрыс помасис. Веськыда ылькуні юғыдыс, синмён судзтөм веж чурк люкалө лёз енэжсö. Пасъқыд му весьтад и енэжис быттьёкө пасъқыдджык. Водзын тыдало грезд, купайтчо шонді югоръясын. Родион шензыомысла кальквартіс вомсö и пырсö эз вермы тупкыны, быттьё мегыр суюисны вомас.

— Лолья мойд. Татшом мичсö ме аддза медводдзыась,— вежгис ывла мичлун вылас зон.— Тэ тай, Ульяна, райын олан.

— Во нелямын сайын тані тшем вёр жё вёлёма. Оні ю берег пёлёнис виизъяс, а со этані мұяс, ставыс лунö паныда. Менам помнитігөн нін кöдза мұяссö ёна пасъкодісны, тыла кераломён. Уна пось киссö тайö мұяс вылас. Лунтырнад кусынътчымоныд ноксян, көтпельса асыкол, веськодчыныто он вермы.

Ныла-зонма сулалісны орчён. Ульяна индаліс, көні мый быдмө, а Родион ётарö юасис: кыздзи да мый.

— Ултасінас кочан быдмө. Водзынджык пыш да шабді, койдышсыс вый пычкам, а идзсыс — сунис-шорт вёчам, сэсся дöра кывам. Картупель да сёркни градъяс эм и. Ми ас нянъён олам, роч нянъыд оз оллы миян. Аддзан эсія мұяссö, гыалёны тай: ид да сю сэні, скотлы зёр кöдзам. Мед ёнджыка шептасясны, Илля лун бöрас на сöмын кутам вундыны. Сёркнитö да күшмантö сентяб помöдзыс ог нетшкй.

Веськыдладорас, йöрын, йирсисны чоталём вöвъяс, котралісны ыжъяс. Еджыд юра бöнъдюгъяса пöката эрдис, кыті эз на вöв ытшкёма, кажитчис быттöкё лым улын.

— Мостö видзанныд?— юаліс Родион. Мёсъясыс эз тыдауны да сы ради, надейнö, юаліс.

— Ой, кыздзи нö мостöгыс? Быд семьялён эм мёскыд да вöлыд, натöг вед куйöдыд оз ло, натöг вед тшыгла кулан. Скöttö уна видзам.

— Оті, кык, куим, нёль, вит, квайт,— гораа лыддис керкайссö Родион.— Квайт и эм?

— Этша али мый? Эсія кыкас сöмын на овмёдчисны. Елисей Гришалён Микайлö пыыс гётрасис, Веждімись вайис нывсö, Анна нимис. А Кузьма Проколён ыджыдджык пыыс вайис Елисей Гришаыслыс нывсö. Гёгөрвоин?

— Сьюкыда, но гёгөрвои.

Водзын тыдаліс мыльк, көні сулаліс джуджыд, рудöдом пу крест асывывлань, юланыс чужёмбана. Крест бокöдис и мунö туйыс. Тайö крестыс по видзö Пармачуркйös да сэні олысъяссö неми-нучаясыс — гожомын пужъясыс, косытöмись да шеръясыс, койнъяслён скöt вылö усыласъомись, тёвнас вёрө петём водзвылын пернапас чöйтны татчö волёны кыйсъысъяс. Сы дорö сувтлоны верстö и челядь, юрбитöны, короны Енлысъ няня, звер-пöткаа, тшак-вотöса да чериа во, короны аслыныс дzonьвидзалун, короны прöститны грекъясыс. Ульяна сувтис крестыслы паныд, пернапасасиг копыртчыліс, гырысъ молля чöд кустсö, Родионён козыналомторсö, пунктис крестыслён вомона тас вылö. Воськов-мёд вöчис бöрлань, и кияссö морös вылас кресталомён, лыддис зонлы кывмёнья: «Господи Боже, подай мне изобилие плодов земных и все, что к удовлетворению нуждам моим потребно. Больше всего очисти совесть мою, укрепи меня на пути спасения, чтобы я, следя по нему, после многолетней в мире сем жизни, перейдя в жизнь вечную, удостоился быть наследником Царства Твоего небесного. Аминь». Сэсся ковта увсъыс кыскыліс пу пернасö, окыштис и ёдйö бöр саймовтис. Зон сулаліс нывкöд орчён, тшöтш жö чöвталаіс пернапас.

Водзöсö мунисны эз нин вöлён ветлан туй кузя, а веськыдалысъ ордымёд. Градъяс вылын эз тыдау ни оти морт, кöрим заптан страдаыс на помасытöм. Вежалуннад нывбабаяс ёнджыка ноксисны гортаныс: песласисны, кыисны-вурисны, мужичойяслы чера уджыс

юр выв тыр. Посни ёшия, кык сигёра, лажмыд пёката керкаяс сулалісны ёти визьён, ёта-мёдсяныс ыдъыц костён.

— Медводдзаас менам ыдъыц вок, Тимё, семьянас олёр. Быдтысьёны. Орчён миян керканым, коймёдыс Кузьма Проколён, нёльёдыс Елисей Гришлён,— лызыдьёдліс Ульяна.— Елисей Гришыслён гётырыс миян пельшер.

— Эм тіян пельшер?

— Веськодчыс и бабитчыс сія, мамыслыс велёдчылёма. Музгыльтчом ки-коктё-а веськодё, кос вörзьётё лёсъёдё.

Родион кывзö, видзёдлассо чөвтлө нывланьё, юмола нюлыштлөвом дорсö: век жё, мича Ульянаис, сюсъ вежёра и, со мыйта молитва тёдё, со кутшом мичаа сёрнитö.

Керкаясыс чурк бокшаас, мир туйыс кос, вывтасінад зэр вавыд дыртö оз кутчыс да. Ульянаяслён керкаыс сэтшом жё, кутшом и унджыкыс Веждімын. Кильчоыслы паныд кокъяс йылын сулаліс жытник. Сэні сюмёдыс кыём ларъясын видзисны быд лунъя новлытём пасъком, ларечъясын — тусь да изём пызы. Стын бёжланыс, кытчо медэтша инмё шондыс, погреба улыс кум — видзисны сэн тышкана сёян-юан, воралан кёлүй. Тулыснас юсыс жуглісны йисё и сюйлісны погребас: гожёмбыд кежлө вёчлісны кёзёд. Улыс кумыскод орчён — пывсян, көтө эсъко и юсяныс ылынкодь, зато пывсынты кивывджык, торъя нин кёдзыдъяс дырий. Нянь муяс дорас некымын риныш пасъқыд лэбувъясён, мёд ног кё, гумла. Видзёдёмпиръясы, зумыда овмёдчоны йёзыс тайё парма му пельосас. Рытывывладорас, кывтыд помас, енәжланыс сьод тышн пуритö — выль му ли, выль видз ли дасытёны: став шашарасо сотоны. Быть ёд пасъкодчы, татчо овмёдчомсянъ войтырыслён коймёд кёлена нин чужё да.

Ульяна ылісінъ на казяліс батьсö: пукаліс сійё керка стенбердса лабиичын, нёняліс каллянсö.

— Лешинныд коктё, вай шойчыштой,— шуис Мёкей Ёсип, сэсся чукостіс гётырсö:— Пекла! Ноко, вайлы татчо кёдзыд ырштö!

Дзуркмуні кильчо ѡдзёсис и киас ыргён яндёваён мыччысис Пекла — бадь қырсын дубитём шабді дёрёма, синкымёдзыс кокни чышъяна, котіс тшайподалёма.

— Ю, Бласло Кристос. Мед эз пагырмы, сулода улыс кумын, чўсқыд ыршыс,— козяйка медводз мыччис сюра яндёвасо Родионлы.

Зон польыштіс веж быгсö, юис дыр да азыма:

— Чёсқыд и эм, загёвёра юван кодь, веськыда съёлёмөс мысъколтіс. Пасибё, Пекла Модестовна,— овнанас ыдждёдліс козяйкаос Родион. Локтіганыс сійё наропшо юаліс Ульяналыс, кыдзи по мамылдён ним-овнаис.

— Вот и бур, кажитчис кё,— мичаа нюмъяліс Пекла, кинас пиньтём вомсö саймотыштёмён.

Ёсипыс, водзджыктö воис да, висьталіс, нылыд по купеч пикод локтё, и керка пытшкокссо пелькодыштны вевъяліс Пекла, кыз ёгсö пос помёдзыс роскён шуродыштіс. Зон сэсся мыччис яндёвасо Ульяналы. Сю юмён ловзьёдём ырш вёвлі быд лунъя юанторийён. ыршыс отдор, пармачурксаяс пулісны чужваис сур, кужлісны вочны аскур, и та дырий эз ковмыв сакар. Сюсё коттодлісны, паччёр вылын нырсыдлісны. Нырсялом бόрын туссыс косытылісны, излісны, и сыйсся артмыліс юмов пызы. Аскурсö сулодём чужваис вийодлісны пищаль ствол пыр, рабнас вердлісны скёт. Сэтшом

стволыс быд семьялён ээ ёти вёв. Мёкей Ёсиplён жытникас, оні кыйсян пищальсыц ётдор, кык ствол на ёшалё, ложжатомось: ёти-ыс — бия изъялён, мёдыс — турка пищальён. Ёсиplён батыс, Пиля Мёкей, татчо медводдза овмёдчыс, наён вёравлёма. Сийё жо пищальяснас велодіс лыйсыны Мёкей и ассыс писё — Ёсиplёс. Водзті ичтө розяось воліны ствольясыд, ствол вомёдys зарадитлісны, и эта дроб тусьён коліс инмыны урлы ли, пёткалы ли. Ёсиplёс ар дас куим-дас нёльён нин зэв сточа инмыліс весиг койбедьтөг.

Турка пищаль ствол пырыс и вийодліс аскурсо Пекла. Кодалысыц ють и абу грэздын, ен праздникъяс дырийыц да пывсян борад кылодлоны мужикъясыц, тшотш и томуловыс, кода суртё-й, аскурсо. Ямзьомтö он кывлы некутшом керкалыс. Лёня олёны пармачурксаяс, ёта-мёдыслы отсөгтö сетны век дасьось, торя нин, тыла кералігад. Сэки став вермысыс ётвылыс мырсыо, ють и быд семьялён аслас му и вёralан угодьё. Куим семьялён тані вужийыс, и эм кытчо пасъкавны тайё вужийыслы. Дерт, съод вёр шёрад овнытö велавны колё, лоны вурдышыс кодь зильён да. Пармачурксаяс нином вылё оз норасыны, оз вежавны ни, весиг веждімса вылё, ють и олёны найё пасъкыц Эжва бокын.

Кольём во Родионлён батыс, Павел Петрович, шыодчыліс Мёкей Ёсиplёс дінё коромён: лок по меным приказчикавы, Веждімын по кутан овны, ветлыны по кутан вузасыны Лебежнойо, Парчо, Мысё, Помёсдинё... Сыктывдінкарёдз по кутан ләччывны төварла. Муыц да вёр угодьоясыц по ставыс ас саяд колясны. Ётувъя уджным кё по бура кутас ладмыны, сэсся ачыц купечён лоан, ассыц лавка восьтан. Мёдыс и вочавидзё: ме по урлы синмас инмыны верма, а купечавынтып по ме ог вермы, пемыц морт по ме. Бура-лоссыца и помасис сёрниныс. Воис гортас да, Ёсиplёс та йылыс гётырыслы ошийысис, а Пекла серам выв ләптіс вероссё: гажа али мый по тэ? Мёдыс эштыліс эскёдны гётырсё, сё збыль по, но весьшёрө. Сэсся та йылыс ээ и панлыны сёрнисё.

Івлалын лолыштому бёрын, Мёдай Пекла ставнысö чукостіс пажнайтын. Йаджыц гёстятö, купеч питö, нянь-солён колё примитны. Кутшомкё кыпыдлун волі Пеклалён съёлём вылын, Родионыс на ордö сувтіс да. Зэв на и бур, матысянъджык кё тёдмасысны Ульянаыскöд, ють эськё и Тимаизсё, парма чурксё, ас синнас видзёдлыны вёбма. Родион пуксис пос тшуппöд вылас, пёрччис няйтчом тюпенесё. Позис, дерт, и көмтөг шлапъявны, но Ёсиplёс петкёдіс керкасыс пелькиник кыс — еджыц гёна, тыдалё, еджыц мёс куыс вурёма. Зон тшайподаліс кыссё, пожъяліс кисё кильчё вылас кёв йылын ёшалыс мыссян чуманыс.

Ни Ульяна, ни Родион ээ нин суны пача, но трубатом керкаяс, кытыс тшыныс ломтысигас пуритліс восьса ёшинь-одзёсёд. Со тай кутшом лоссыдик Мёкей Ёсиplён керка-картаыс. Восстан кильчё одзёссо и веськалан ыджыц посводзё. Тыдовтчис куим одзёс: веськыдвывсавыс да шуйгавывсавыс пыртёны торя керка-жыръясё, веськыдаыс — сарайё, карта одзёсён шүёны. Сарайыс керка пасътасыс жо, паныда стенас бара одзёс, сы пыр керийсь вольсалём пос кузя пыртлоны турун. Сэні видзёны и гортса гырыс кёлуй — пу додъяс, сийёс- завод, кысян стан, потш сёр вылё гозийён ёшлом корось, гымга да ветельяс, капканъяс. Сарай джодж улас карта, көні ѿти пельёсын ыж видзан гид, орчён мёс видзанін, бокынъджык вёв гидня. Картаас ѿт-мёдарсяныс бара

## Чужан му



Сыктывкарса ЛПК нималö бур бумагойн.



Лыддысыны радейтысьяслы — став коланаыс.

Одактаккын даек бирдик



Коми республикаса Юралыс бердүн искуствояс гимназиясы директор Мария Вячеславовна Кузьбожева быттасъясыскöд.



Юргö мыла сыланкыв.



Зарни киясөн мичмөдөм новланторъяс.



Лышкыд гожём — озыр пызан выв.



Быдтісны асыныс.

Снимокъясыс Г. Лисецкий лён.

öдзöссяс. Чукöрмöм куйöд-вольöссö шыблалöны ортсо, арнас да тулыснас кыскалöны вöлön муса выло.

Пырисны катыдадорса керка-жыръяс. Öвтыштис пöжом йöв дукён. Родион, порогсо воськовтöм бöрын, куимыс чöйтис пернапас: öд сий татчö пыро медводдзыась на. Куим öшинь видзöдис лунладорыс, кötшас öшинь дорас, кытi пырлiс астья шондiыс, суалiс джуджыд вольпася пу крöвать. Кöлачö гар-тыштчöмöн куйлис сэн сёд кань. И порог, и öшинь дорас кузь лабичъяс, куричсыыс вылынджык джаджъяс. Некымын ен-образа пельöсын еджыд пызандöраа ыджыд пызан, си вылын — утка модаа сов доз, пу тасытын нянь. Пачводзас пеля тшан, пöдöнча, залавка вылас сей тасытiяс, гырничъяс. Пачыскöд орчён гöбöч, сэсянь кокниа весъкалан пöлатьö. Гöбöч весътас, пöшти пöтöлök бердас, неыджыд öшинь, кытi пыро ывлa югыдыс паччöрд да пöлатьö. Паччöр öшиньон и шусь.

Порогдорса лабичас куйлис Родионлён вель ыджыд тураса тубрасыс. Öсип гозъя эз разълыны и эз тöдны, мый сэтчö тубыртöма. Зон лэптис сэсь пызан вылас быдса кöльш кöлач, кулак гырся куим сакар тор, неыджыд кöшельын тшай, куим чöвпан шобdi нянь:

— Батьёсянь да мамёсянь гёстинеч тiяны.

— Ен мед сетас налы дzonьвидзalун. Слабог, тырмё миян сёян-юваныд. Шобдитö вот ог лысътой кöдзыны, кынмёмсыд полам да,— висътасис Пекла.— Кодкö во кöдзлiм да эз шептась, эз тырмы, тыдалö, шоныдys.

Ульяна вевъялöма вежсыны, вöсни шабди дöраясь еджыд дöром пасьталöма — юр йылыс, бöждорыс, сосъясыс уна серён выг-шивайтöма. Сиктса аньясыд сэки тайö дöром кежсыс и овлiсны, си вöсна кузьöс вöвлöны дöром-сарапанъясыс. Пернапасён пуксялiсны пызан сайö. Родион весъкалiс Ульянакöд воча ныр. ыджыд пу тасытын Пекла медводз вайис азя шыд, сöмын на пачсыс кыскис да, руалö. Ставныслы сей кружка тыр кисьталiс пöжом йöв. Быдён панясис пу паньён отувъя тасытiсь. Сэсся сей гырничын пражитöм картупель сёйисны, черинянь да. Медбöрти ырёш юисны. Пызан сайд эз сёрнитлыны. Сёйигчöж то Родион, то Ульяна чöвтлiсны öта-мöд вылас сайласян видзöдлас.

— Аттьö кöзяйкалы, и ставныдлы чöссыд пажунысь,— пызан сайсыс чечигмоз аттьöалiс Родион.

— Енлы, Енлы. Аски шаньга пöжышта, нöкъя шаньгайда чöссыд,— кыпъялiс лолыс Пеклалён.

\* \* \*

Молля сир кодь югыд луныс ымралiс шоныдён. Мёкей Öсиплён керка öшинь увтi вуджортлiсны турун нöбъя мужичойяс. Лун-мöд сайын юравлöм турун вайтöм на вöлi и Ульянаяслён. Эстöni, чурк горулас, ытшкантор на эм и, эз на кö талун ыджыдджык вокыс ытшки. Мёкей Öсип Тимёён шуисны воксö.

— Мöдарын мамё вон зэлтöма, кöсъян кö, верман шойччыны,— Ульяна шыёдчис Родион дiнö.— А ми батьёкöд турун куртны ветлам, абу ылын.

— Тшотш ветла, дашкö, отсышта мыйёнкö.

— Йöзыс дивитасны, аддзыласны да. Йöз сёрни лово.

— Мыйысь?

— Тэнö вед быдён танi тöдö, мый тэ веждимса купеч пи.

— Мед тёдёны кё. Менам батыыд зэл шань, некод нинёмысь си вылёр оз лёкол. Кор медоллө аслыс отсасысьясоц, век зэл бура мынтысьё. Мен абу яндзим аслам батысь,— лёгасискоц Родион.— Тэ ног кё, мен ээ кол локны татчо?

— Мый тэ, Родион?— пыркмуныштис Ульяна.— Пармачурксайыд зэл жё пыздыи пунктёны тэнсыыд батыт. Ме мёдтор кёсий шуны... быттьёкё тэ ме ради локтн...— Нывлон яндысяна чужомыс пель йылодзыс гордодис, быттьё кос идзас кольта ыпмунис.

— Сізд вед и эм. Эг сёмын парма чурксё видзодлыны лок, тэ ради тшотш...— Родион койыштис синъясыслыс рёмсö нывлон синъясо.

Ульяналён воши кыв-ворыс, мыйкё дыра чёв олс кок улас ыджыд бия изыйыс моз. Нула-зонма суалисны пос помас, и сёрнинысö кылс сёмын кильчо улас куйлыс вёralan пон — еджыд кокъяса, кузиник ныра, син весътас еджыд чутъяса, татшом понъяссö нёль синмаён шуёны. Козяин ноксыштис сарайс, и петкёдис ывлАО пу куран да куим пиня пу вила. Сэки и шыёдчис Родион:

— Осип Мёкеевич, мен аддзан дёрём-гач вежантор? Тіянкод окота ветлыны.

Ставыс сюри, Мёкей Осиплон кёлуйыс зэв на и ныма лоис, котыс лёсяліс и.

— Эз эта кад коль, мед вочны татчо му-видзсö,— воляникись восьалалігмоз висьталис Мёкей Осип, водлань чурвидзыс тошсö дзёрдіг.— Уна да съокыд удж вичмис миян бать-мамлы, сарство небесной налы. Сет, Енмой, ставныслы югыдін да шоныдін.— Сэсся пернапасасис.

Юберегса неыджыд вёр діяс вуджом бёрын, кёні быдмисны ыжман, лежнёт, пелись, тыдовтчис ныв кёса моз люзьгёдчом турун лёдзяяса видз. Збыльыс тай, видз помыс ытшкёма нин, Тимоис, сізднад, асья лысва вылас волома. Куртнысö нинём ээ и вёв. Колис сёмын ворёдыштны асья ытшкёмсö, да тёргытъя лёдзяяссö юравны. Сэсся и вуж доддьён позъё волыны, доддясылыны да. Мый тёрас, сарайс пыртасны кос турунсö, коляссö стынбёжас, сарай пос дорас зорёдаласны. Турунсянь турунёдз тырмё скотлы кёрымыд. Куйёдьыд уна чукормё. Вынсыёдом муяс вылад сю-идийд съокыд шепта, картупельыд гырысыджеек да котыраджык. Картупельто сэк коми сиктъясад ёна нин вёйтисны, 1840-од восянь Коми муад босытчисны быдтыны тайё сёянтерсö.

Гёгростасны турун пунктём и вундыны петасны. Помаласны идравны нянь да град вывpunktасъяс и мужикъяс вёравны мунасны. Сиасынс, качан да му лэчяяссö дасьтасны — весаласны гуяссö, пыдёсас выль ёсь бедъяс сатшкаласны, выль лыс лаптъясон тупкасны. Чорыда кынмас-лымйыштас да, ур да мукёд звер бёрся кутасны вётлысыны, капканъяс окталасны. Кыйсёом-вёраломыс вуджліс кёленасянь кёленаё, да и вёralанногныс важ йозлён кодь. Бурджык пищальён кутисны вузасыны купечъясыд-а. Мёкей Осиплон ставыс дась яго петігкежло. Лызь пыдёссо выль күон кышшома, мед чой панытё ээ вильсийдьы. Пищальыс и пулаторокыс эм. Кольом гожом выль норт вочис, койбедь да. Вёр керкаыс важ нин, но кутё на шоныдсö. А вот щамъяыс, кёні кыйдёссо видзё, абу на важ, вёр керкаыскод орччон и суалё джуджыд кокъяс йылын. Пиыслён, Тимоислон, сэні жё угоддьёис, ётгудыр и кыйсёны, ётлаын узъёны-й. Ладмёны ая-пиа. Кык кагаыдлон кувсёом бёрын Пекла видзис Тимоис синсö моз, морёс

чурскомсыыс ар куимёдз ээ чөвт. Мамыдлы пё и немёй гёлөсис муса, а Тимё век вёлі лэчыд гёлөса да визув, и зэв послукман.

Вомас кусём калляна, Мёкей Осип оні куим пиня виланас турун юръяс тэчё, а сьёлёмис, тыдалё, вёрын нин: видзёдлывлö асыв-войывлань, тшем суалысь пармалань. Эсийё кык чурк саяс и чёс туйыс. Ульяна куртіс лёдз местаяссö, а Родион бергёдліс астья ытшкөм узд турунсö. Оз кё зэр кысько лок, аски позяс нин куртны. Вот этайё чом кодь гырысь турун юръяссö талун колö mestittны. Тшайко вёвсö, мёд кёбыласö, доддявлас Мёкей Осип. Слабог, ээ вош луныс весьшёрö.

Кузьös гожся лунъясыд: уна-уна вевъялан вёчны шондi петёмсянъ да шондi лэччытöдз. Пöльтiс кос асыв тёв, сiдзкё, дыр лоö мича поводдя. Да и öшкамёшкa кысько кыпöдчис рытторувнас вылö-вылö, пöшти енэж шöрас. Важ йöзлон шуём серти, тадзисö öшкамёшкавыс петавлö шондiа, гажа лун водзын. Ульяна да Родион пукалісны чурк йылын, кысянъ тыдалiс ылöдз-ылöдз ки пыдöс вылын моз.

— Мича? — юалё Ульяна.

— Мича! — сьёлёмсянныс вочавидзö Родион, пельпомнас инмёдчыштö ныв пельпомö.

— Локышт, эн пол, — збоймёдчыштö Ульяна.

— Пола, — веськыда висьтасьё зон.

— Ми кыкён, миянос тась некод оз аддзы. Вайлы китö, со кыдзи чечёö сьёлёмой.

Родионлон кыыс инмис нывлöн морёсö и шёйёвошлiс весиг здук кежжö:

— Ульяна, енвелт улас тэ медмиcha нылыс... Öшкамёшкасыс на тэ мичаджык...

— Тэнад вомсянь да Ен пельёдз, — артмис Ульяналён. Зонлыс кисö отарö топöдыштiс едъялысь нёнь бердас, сэсся чупнитiс Родионлысь бап боксö. Зонмыд сымiс ю визулын зэр тусь моз. Тёвру улын кыдз пу кор моз сырмис и Ульяна. Кыдзи тай востымасигён воссылö енэж, сiдз жö и ныв восьтiс сьёлёмсö зон водзын — югыда, мичаа. Найö пукалісны сэтшöм матын да топыда, аддзисны весиг öта-мёднысö асланыс син аканъясысь.

— Ме некор на эг окасьлы. Вай окыштчам, — ку письыс петiс Ульяна, нöшта на топöдчыштiс зон бердö.

— Ме эг на жö. Вай, кыдз артмас... — И чупнитiсны öта-мёдныслысь вом дорсö. Нывлöн вом дорыс кызiник, кисьмём пув рёма, окасьны кыскана.

Веждимын кё, ыджыд сиктад, ныла-зонъясыд гажёдчылiсны, торъя нин Ен праздникъясö, Эжва берегын, гудёк шы улö, то Пармачуркын кодсюрё и мека гудёксö на синнас ээ аддзывны, сигудёкыд вёлi-a. Став гажыс вёлi сiйö, мый томуловъяс чукörtчылiсны öтлаö Изъяю берегö, венласьлiсны, кодлон медся гора да мича шыа гум пöляныс либö куима чипсаныс. Татшöм ворсанторъясыс вёвлiны и челядьлон. Пармачуркса том йöз ичötсянныс тöдiсны öта-мёднысö, ныла-зонъяслы ээ ков пуд сов сейны, кодлы код вылö мед синсö чёттны. Тёвся рытъясö нывъяс чукörtчылiсны войпукны сы ордö, кёнi ээ вёв нёньпом кага: печкылiсны, нискылiсны, кысылiсны. Емнад кылiсны уна сера чулки-кепысьяс, шапкаяс челядьлы и верстъёлы, мичмёдлiсны серъясон нывбаба да мужчой дёрёмъяс, ковтаяс, сарапанъяс, ки чышкёдъяс, пызандёраяс. Олёмаджыкъяс кыисны дöра, вурисны дёрём-гачьяс, дукöс, шабур.

Быдторйö сибалö киыс и Ульяналöн. Сiйö важён нин тöдö мортсо, кодi лыдьё асысö нывлён жёникон. Кор сöмын локтасны на ордö корасысысьыс-a — Кузьма Прокö гозъяис? Пармачуркын кöлыссыяс мунлiсны эз сэтшöм паськыда да гажаа, кыдзи вичкоа ыджыд сиктъясын, но гётрасьомыс корасьомсянь жö пансылыс. Кöлысиявлisны медсясö тёвнас, либö нянь идралöм бöрын. Гозйöчылiсны и гожёмнас, юнь-юльё, видзö пыран лунöдз. ыджыд видз да Ен праздникъяс дырии эз гётрасьлыны. Грэздса олыссыяслöн быд керкаын эм Ен-образыд, юрбитоны Енмыдлы, но унатор торкалöны вичкоыдлыс индöдъяссö. Да и грэздыс абу вичко син улын; Веждимын, шуам, сöмын часовня. Пармачурксаяс оз век кослунассыны, ыджыд лун водзвылын олёмаджыкъясыд вежон кымын сöмын и оз сёйны йёла-яя сёянтö. Код тöдас, ёна-ö гре-кайс татчöс войтырыс, но бöръя воясас эзджык кулавны йöзыс, торъя нин, посни челядьыс. Гашкö, пармачурксаяслыс Енмыс лэдзö грекъяссö налён зильнуныс, кыасянь кылбöдз мырсъомыс? Ок и уна жö гусяторийыс да гёгёрвотёмторийыс паськыд енэжас и паськыд му вылас.

Дивитö-ö онi Енмыс Ульянаöс, кодi воштö этшссыс купеч пиöс аслас ныв мелiунöн? Томлуныд оз юав, кутшöм вужайс да кытыс тэ. Овлöны здукъяс, кор медъенма мортыс вунöдlö Ен йылыс. Помасьö гожся кузь лунъясыс öти. И Ульяналы, и Родионлы сiйö кажитчис сэтшöм дженызыдикон. Грэздлань мунiгöн ныла-зонмаös вötöдiс вуж доддя вöла морт, лэччöдiс турун. Дженызыд кокъяса чалöй вöв сертиыс Ульяна ылсиянь на тöдiс: тайö Кузьма Прокöлон ичötджык пиыс, Öврамыс — шöр тушаа, сöнöд, быттьö гартома дьёгöдялöм пиш гезайс, туис кодь гёгрöс кыз голиа. Ен мужик, сiдзсö. Но Ульяна, мыйлакö, эз вöв руа тайö морт дiнас. Шулiсны тай: сiйö по меным пось ни кöдзыд. А этiйö мампаса Родионыс дзик мöд: ышмöдö-гильöдö Ульяналыс став вир сöнсö, и аскöдис нинöм вöчны оз вермы. Вот тай, грекö войтысыыд, öти лунöн путкыльтiс нывлышс сьёлёмсö. Öти лунöн мöй? Эз, эз! Колисны сэксянь вояс, кор тi, дас-дас öти арёса нывка да зонка, медводдзыс паныdasинныд веждимса купеч Павел Петровичлон керка öшинь улын. Помнитан, зонкаыс висьтасис Родионён, и кисыс мыччис тэн, Ульяналы, кöлач джынсö? И Веждимö волiгъясон быд пöриö тэ корсылiн синнад тайö шань зонкасö. Гашкö и, ачыс зонмыс тэйс на ёнджыка виччысылiс тэнсызыд Веждимö волöмтö. И со, талун тi, туём-быдмöм ныла-зонма, быттьö крепаммöм бордъя томиник юссыяс, медводдзыс кыланныд öта-мёдныдлыс лов шытö татшöм матысянь. Енмыс мед сетас кыкнанызыдлы кузь нэм да бур шуд! Сöмын вот: сетас-ö?

— Но, кодöс ме аддза? Мый нин тан вöчö купеч пиыс? — кöдзыд гёлöсöн шыöдчис Öврам.— Али корасыны вовин? Корасыны кö, бурджык весась аслад Веждимö, а то ми кокни киаёс, вермам и ойкöдны.— Öврам пузис вежöглunuныsla, лöгпýрысь шыннялiгтыр видзöддiс то Родионлань, то Ульяналань. Кузь нюдз ньöриён öвтыштiс вöвлы и пановтiс ныла-зонмаös. Сэсся, вель ылсиянь нин, став тушанас бергöчылöмён, горöдiс:

— Уль! Уля! Виччыс корасысысьясöс!

— Тыпу! Нöшта вед и ползьöдчö кыз голяыд,— скöралiс Ульяна.— Отарö лол вылын сулалö, гötýрён корö лоны.

— Мыйла эсъё он пет?

— Ог на кöсйы.

— Мыйла?

— Дыр көсъя нылолны.

— А бать-мамыңдың?

— Ная жалитöны менö, оз кöсйыны, мед ме веськалі Кузьма Прокö семьялён кабалаö. Налён эм нiн öти монь, сэтшом мича-ник нылалiгас вöлi, онi кос печкан кодь ловöма.

— Эн и пет, сiзднад.

— Ог кö пет, менлы кодь жöникис и абу сэсся тан.

— Веждiмын уна зонмың...

— Мен öти колö, оз уна. Мен тэ колан... — шуис Ульяна и тайкö му пырыс эз мун яндзимысла. — Мен тэкöд сэтшом кыптың, съёлём вылын быттьö югыд сись öзий.

— Сiя сиськис тшötтi и менсым съёлёмös югзьöдö, — нывлыс шүöмсö быттьöкö лöдсалiс Родион.

Рытнас чуркыйвса вöр-пу сайö пукисис лунтырён ыркалыштöм ыджың шондi, саймотчигас быттьöкö шуалiс: аскиöдз, парма-турксаяс! Аски бара на кута шонтыны да югзьöдны енвеvтuvса муссö и вöр-васö! Бурвой ставныңды, мувывса йöз! Недыр мысти чуркгорувса кöдза мусас да пуктасъяс, рыныштъяс, вевттысисны нöгыль руйн, быттьö дунтыръя жар шондiссыс пузис Изъяюис. Керка таладорыс, кытчö вольсалiсны Родионлы, вöлi дзик жö сэтшом, кутшом и паныда керка-жыриыс: паччöр да пöлать, гёгөр лабиchъяс да джаджъяс, ен ув пельöссын образъяс. Кötшас öшинь дорас — кыскалöм сöдз кудель, печкан, чёрсъяс, путшкём шöрт тушыльяс. Пачводзас воропа изки, ларечъяс. Родион суалiс öшинь дорас, видzöдiс еджың гыяса ру вылö. «Шань ныл Ульяныс, шань гöтыр лово эсия Öврамыслы...» — тöдöмьсис, думайтiс онi Родион, и жалитiс, весиг вежогтiс, мый татшом югыд кодзулыс, Ульяныс, кодыкö мойвиас. Кыздзи шулывлö батыыс, сылы, Родионлы, колö на ёна велöдчыны. Буретш сы здукö керка öшинь улöд вуджортiсны кык зон, öтиыс киас палича — Родион сыын тöдiс Öврамös. «Оз-о нiн менö кыйöдны?» — вирдыштiс юрас. Зонъяс бöрысъ довксьöдiсны некымын ныв, кодкö матыстчис öшиньланыыс, городiс:

— Уля, виччысям войпукны! Кылан?

Ульяна, дерт жö, кылiс, но кутшомкö тыдavтöм вын кыскис-чуксалiс сiйös Родион дiнö, а эз уличö. Мый вöчны? Мöдарöдзыс воськов-мöд и эм, но вуджны тайö костсö вермыны позытöм. Кывлас кö мамыс зон ордö войын пырёмсö, бур эн виччысь. Гашкö, мед эз кöлась лёк слава, збыльысъ ветлыны войпукны, шöйтыштны ас коддöмъяскöд? А то вед и сёрни вермасны кыпöдны: Мöкей Öсип Уля по купеч пикöд кырсасьö. Думъяссö торкис гöбöч вывсянь мамыслöн гöлöсис:

— Вод нiн, нылук, лунтыр кок йылад.

— Вода, мам, вода. — Сувтiс ен ув пельöсса образ водзö, и босытчис лыддыны шöпкöдöмён: «Кто уврачует душу мою, если не Ты, единий Врачу душ, Христе! У кого найду врачевство от болезней душевных, если не у Тебя, источника исцелений!.. Уврачевавший недужную, уврачуй и мою душу, погубленную грехами. Аминь!»

Молитваяс вуджлiсны кёленасянь кёленаö. Ульяна бура тöдiс, кор да кутшом молитва лыддыны — водзсо ыджың мамыс, сэсся и мамыс велöдiс. Коркö и Ульяна кутас велöдны ассыыс ныв-писсö. А онi, крёватын пушыд юрлоссö дыр чегъялём бöрын, сiйö вöталiс вöт: грездса нывкаяс да зонкаяс Изъяю кыр йывсянь исслалöны дадьясöн. öти даддыын Родионкöд пукалö Ульяна, бöрладорсянь-

ыс крепыда шашаритчома зон бердö. Даддыыс төвзьо ёйё-ёйё, а водзын ю вылас ыджыд ры. Вот-вот веськаласны рыас, и... Код тёдас, мый эськө лоис водзёсö, но сы здукö Ульяна садымис. «Слабог, вёт волёма. Мый водзё, бара-й, дадынас исластьмыс-а? Тайкө рыё со эг веськалой...» — нойтчис нывлон съёлымыс. Лысътас кё, коркё юалас мамыслыс, мый дзебсясью тайё вёт саяс — бур водзё или лёк водзё?

Ульяна став вир-яйнас кыліс: мусмис этія Родионыс, и некызд оз вермы мездысыны сы йылыс думъясысь. Вёт бёрас эз нин унмовсъ, пессис-бергаліс съюла-тар гёна вольпась вылас. Бёршитчыны, кылё, кутіс и мамыс. Водза-водз чеччö сийё, лунтыр кежлö пуны-пёжасыны вед колё. Талун, со, шаньга кёсийис пёжавны. Мёкей Осип, Тимё пиыскöд, асывсяныс ытшкыны-куртны мунасны. Пекла горт овны кольччас, а Ульяна вотчыны ветлас. Чёд вотны. Кольём вося кос тшакыс и кос чёдйис на эськө выйим да. Родионös нүöдлас и. Тöрыт зонлон батыыс писё колльöдигён сидзи и шуис: чёдйён пё лок. Вотснад ёна заптысъёны грэздасац — льомтö-й, чёдтö-й, лежнётгö-й, пельсътö-й косытёны. Посниджык челядьыцötötitor и тёдёны — вотчом. Но и льом да чёд лязыйц тёвбыц оз бырлы пызан вывсыц. А пыр вотём воттоссо улльёлон сёйёны.

\* \* \*

Мамыслон чеччöм бёрын эз нин дыр вальмась крёватяс и Ульяна. Трубаись ва катліс, мёссö лысътіс да сёёдчис. Батыыс кыкнан вёвсö ю дорö юктавны лэччöдліс, вой кежлас гидняас йортлісны да. Родионös чукостісны сэк, кор нин ставыс вёлі дась ёбед кежлö. Мёкей Осип тöрытъя пасъёмнас и пасътöдіс гёстбöс, вотчысъяслы сюмёдись кыём кык чуман да кык пестер дасътіс. Лысва косымтöдзис и мунісны ая-пиа видз вылас. Тимёыс пыраіс нин асывнас ай-мам ордас, пёсъ шаньга Пекла мёдöдіс моныыслы да ичётик нучкаыслы.

— Батыыдлон чёс туй кузя муной,— нывсö велёдіс мамыс,— ылё бокё эн кежой. Мёд рöчсö вужанныц да олькёсін воас, чöдъяинис. Катшыстö босыт, мед котралыштас. Маткатö эн вунёд?

— Эг, чуман пыдёсö пукті.

— Ветлой нöсъ, бласлö Кристос.

Эрд кузя мунігён на читкыль бёжа Катшыс бусийис вёрö. Абу варгöс пон, козяйкасыс ылёсö оз пышый. Котралыштас, и кывсö люннётдöмён матыстчылас Ульяна динё, петкöдчылас: тані пё ме.

— Кыдзи узин? — юалё Ульяна.

— Лёссыда. А тэ?

— Войбыц песси, вётъяс вёталі.

— Мый нö вёталін?

— Тэнё. Тэкöд öти доддын ысласим. Мича вёт,— а мый тайкё рыё эз веськавны, Ульяна та йылыс чёв оліс.

— Ме вётасыла жё, но садыма да, вунёма нін. Пёдлиннö, тöрыт, водом водзвылын, Öврамтö аддзылі, öшинь ултыйц мунісны.

— Чукостлісны менё войпукны, да эг пет. Абу мен гажа Öврамыдкöд, көть и шондіа лунё вужжöр моз вётлысью. Тэ йылыс думайті.

— Ме вед тэ йылыс думъясон жё-й унмолси.

— Султыштлы. Номдораасым, шой гебыс веськыда пельё

сатшкысыö.— Ульяна перийис чумансыыс кык номдöра — ачыс вурис мича сера топыд дöрашы. Водзджык ачыс кышалыс, сэсся Родионлон юр вылö пуктис:— Лажынътчышт, а то ог судз. Буретши тэнлы кодь.

Ныла-зонма суалысны ныр-на-ныр, öта-мёднысö малалысны асланыс мелі видзöдлашысöн.

— Мед прöститас менё Енмыс, но сэтшöм окота топöдчылыны тэнад морöс бердö,— сырмыштис гёлöсис Ульяналон.

— Топöдчылам дай.

— Окышт тшöтш, вом дорöс окышт.

— Кытì тшöктан, сэтì-й окышта. Тадзи?— зон инмёдчис ныв вом дорö, чупнитис.

— Дашкö, тадзи да?.. — эз бурмы сьёлöмыс да, чорыда окыштис зонмös Ульяна.

Сылiso вывлань нюжöдыштöмён, орчён суалыс Катшыс, пельяссö чошöдлгитыр шензис ныла-зонмалон окасьом вылö. Сэсся мышканыс пестерён, кианыс чуманён вотчысыас восьлалыс водзö. Бёрö колис мутшкös вör, ордымыс то нöрыслань кайлö, то крута лэччö чой горув. Лайколаинас быдсяма туруныс пуритö-быдмö, нырад чангö чöссыд дукусы уразнöй да душник турунъяслон — пузьöдёмён бурдöдchan юанторъяслон. Паныдасылысны кыз кока гöрд гобъяс, нетшкисны найöс горлань петигён; вöв бöж сиа сёрья лэччяс, пожöм да коз пүясö вöлыштöм лöсасьыс — вöралысылён пасьыс. Тивзисны лэбачыас, шочиника увтыштлис Катшыс. Грэздянь мунисны, гашкö, верст куим, и воис вотчанин.

— Бöрсö петны кутам шондi паныд,— енэжлань дзöръялыштис Ульяна.— Кымöртчас кö, эм миян матка, батьё велöдис, кыдзи сы серти пырны да петны пемыд вöрысь. Ноко, кодарö видзöдёны матка усьясы?— чумансыыс перийилис волыса, кучик эжöда маткасö.

Бöрыс танi пом ни дор, и бергöд час кö юрыд, верман и вошны. Татчöс пармайын колö лоны писькösöн, сюсси синма-пеляён. Туйяс ни сикт-грэздяас матын абуөс, вошöмыссы эм сöмын öти пас — Изъяю. Воöдchan кö си берегö, нырвизьтö колö кутны ю горувлань. Уна-уна верст чукльöдём бöрын юыс петкöдас Веждим сикт дорö. Ульяна кыкнан кинас кокийис гырысь розъя чöдсö, вомас эз шыбит ни öти тусь. Татшöм сылён модаыс — вотчиғон тусъяссö оз апав. Неуна водзынджык веськöдчывтöг öктысис Родион. Та мында сярвидзö вотöс, и, дерт жö, мам-батыыслы лэччöдас чöссыд гöснеч. Чöдяя йöвсö торъя нин радейтö мамыс.

Öти пу йывсянь мёдö ньёжийоник восьлалыс шондi. И öтарсянь, и мёдарсянь кыпöдчылысны гыма кымöръяс, но Тимаиз аслас джуджыд гёрбон поткöдлис торпыргыяс вылö кымöръяссö. Усисны öтка-ötка зэр тусъяс, вотчысысöс эз кötöд, сöмын горшджыка кутис сатшкысыны чужёмö да кикарий öвадыс. Ульяна кор чукйон тыртис чумансö, Родионлон вöлi джынийыс на. Öтвылысь вотисны зонлон дозьяд, чöдйид оз нырсы, лапöдалан да оз киссыни, кöть и сунтшикмунан.

Коснысö веськöдигмоз сэсся нöкъя шаньга сейисны, вом кöтöданторсö эз босытлыны. Горш косымётö чöднас позьё веськöдны. Катшыс сэнi жö, люнъгöдüm кывыйыс пемыддöз чöдсö сёйёмла. Ульяналы окота дурыштны, вильшасыны кутшöмкö ног Родионлы, но мырдöнмоз кутис ассысö. Нöшта вотасны тусъсö морт öти чуманён, си бöрти и думыштас мыйкö.

— Видзода да, тэ сэтшом кид, Родион,— век жё шуис Ульяна.—  
Дас сизим арёса нін-а.

— Кид? Ме тэнё вежёгта... Тэнад Ёврам эм...

— Вежёгтан? Сідзнад, радейтан менё?— воча сувтіс Ульяна.  
Найё видзодісны ёта-мёд вылас и синъяссыныс быттё лэбисны  
ёта-мёдислён съёлёмё пöсь пуляяс.

— Радейта... Радейта зэв нін важёнсянь. Шулі нін, ме тэ ради  
вöйзыси батьлысь.

— Мый нё кутам вöчны?

— Ог тёд. Ме регыд муна Веждімысь, муна дыр кежлёр.

— Кытчо, Родион?

— Унай ордö, коді тай, мися, попалö. Унісянь кутас дасьтыны  
менё семинарияö пыригкежлёр.

— Коні нё сія семинарияыс?

— Вöлögдаын. Духовной семинарийн шусьб.

— Попён жё көсъян лоны?

— Ог на тёд, мыйён лова.

— Майбыр, тэ велöдчыны кутан, а ме косьма татён, косьма  
эсія кондаыс моз. Тэ йылысь кута думайтны...

— Петан Ёврам сайд да пыр и вунёдан менё. А ме вот ог  
вунёд тэнё, тöрытъя лунсо ог вунёд, талунъя вотчомымёс ог  
вунёд...

И бара вотчисны асланыс думъясо вöйтчомён. Лигышмуні  
съёлёмыс Ульяналён, тусъясыс весиг эз кутны веськавны чуманас.  
Дозсо тырттöдз на и керыштіс нылыд:

— Родион, тырмас! Сідз нін уна вотім.

— Водз на да.

— Кötöй лошис, а кöмтöг коктö тан жугöдан.— Мыйкё,  
тыдалö, думыштіс Ульяна, кöть и кöticö мыжаліс.— Ка-а-тшыс!  
Ка-а-тшыс!

Пестерасисны, сой кусыняс öшöдісны кöвъя чумансо, и  
мёдöдчисны съёрсъён-бёрсъён. Водзын, пу лапъяс вешталігтыр,  
восъаліс Ульяна.

— Кодарё нё мунам? Грездыд вед эсыланыын...— шыасыліс  
Родион.

— Матын тасянь Изъяю, зэл мича берега, сэні шойчыштам.  
Пармачуркийд некытчо на оз пышый. Локтін вöр-васо видзöд-  
лыны — вот и видзöд.

— Уна мича места нін аддзылі.

— Ю дорас эн на вöл.

Лун шöр кымын. Енэжын юғыда öзийис шонді. Пуяс костöд  
тыдовтчис кык джуджыд берег костын, быттё векныдык горт-  
ын куйлысь Изъяю — ворсöдчис посни гыясон, юғыліс чери  
сёйм моз. Юладорсян öвтыштіс шоныд тöвру. Дзуртісны го-  
рувланыыс нёром пожöмъяс, сой кыза винёв вужъясыс налон  
мыччысыöмайс мү веркöсас. Кыр бокшаас кисьмом оз тусъяссö  
быттё кöдзома. Вотчысыас пестеръяссö нёрынътісны пу бокö  
вуджöр сайё, пöрчисны номдöрасо, апалісны озсо ки тырё во-  
тöмён.

— Юмол?— юалё Ульяна.

— Ачыд тэ озсыыс на юмол,— вочавидзё мёдис.

— А кыті нё менам медьюмол?

— Кыті пö? Вом дорыд, бан бокыд, чангыль ныр йылыд... Юмол  
гöтырён лован Ёврамыдлы.

— Эн казытыв Ёврамсö. Шань морт сія, но ог радейт ме сiёс.

Ог радейт да и ставыс, и ачым ог тёд мыйла. Тэнё ме радейта. Кылан? Лок, пускы мекёд орчён. Босыт менё съёлёмад, а ме тэнё босыта. Енмыс сёмын аддзылас... простишас Енмыс. Морттё радейтёмыс абу грек, босыт менё съёлёмад...— нёньяс бердас топодіс зонлыс дзуг юрсия юрсё Ульяна.— Көсъя, муса морт медым вёчис меным медводдза дойсё... Култёдз кута помнитны сийё дойсё...

Родион, дерт жё, гёёрвоис, кодарё синё Ульяныс. Гёёрвоис и жалитіс ныллёс:

— Друг да, кайтыны кутан. Менё тэ виччысыны он кут, код тёдас, дыр-ё ме кута велёдчыны.

— Некор оз ло некутшом каета. А тэ велёдчы, ме кута юрбитны, мед тэнад олёмыд лоис юғыд да шуда. Со, эсія пожом дорас турұна и кос, мунам сэтчо.— Ныв водждық и котортіс пожомланыс, лөсөдіс mestасё, весаліс ёғсыс. Пёрчіс котісё и гатш нюжгёдчіс шонді водзын шоналём му вылас, дёром бёжсо ләптыштіс пидзбессыс вылоджык. Родион первойысь аддзис нывлыс сакар кодь еджыд кок пёкъяссё, гёгрөс лядъвейяссё и став туша пасъталыс, кылёр, доналіс вирис. Асьсө сийё кыліс оні верстё мужичойн, но кокъясыс лыжалісны — ни водзё, ни бёрё. Сэсся тай шуис жё:

- Синтё кунь.
- Куни. Тэ кунь жё.
- Гашник кёлйой оз разъсы.
- Мыйла?
- Джагтёрёдасис. А разътогыс оз ләччи гачой.
- Лок, ме разя.

Родион пидзбечанясис ныв бокё. Ульяна эштыліс разыны чунь помъяснас, но весьшёрө.

— Ой, сирпиыд вёрөшитчо, а көвтө чорыда джагтёрёдаломыд, ковмас пиньён разыны.

- А тэ кужан, кызды мый вёчсё?

— Ог. Велёдчам. Нылъяскод сёрнитлыллам да тёда мыйсюро. Ёдва разысис. Кунь синтё, ме куня жё. Вот тадзи, воляникись... Тэнад сирпилы поз сәні выйим, підса өдзёса на...

Мый шуаліс Ульяна, Родион нином эз кыв, сийё куйліс быттёй дёла бипур вылын. Сирпи, тыдало, аддзис ассыс ийрсё, Ульяна кузя ымостіс, шыркнитіс зонмөс голи гёёрьыс, мёдыслон тайкё лолыс эз сувт. Конкё матын ләчыд гёлөсөн увтчис Катшыс.

Колисны здукъяс, и ас садыс воём бёрын, вежсёйм гёлөсөн шуис Ульяна:

- Шойчыштам.
- Эг на мудз.
- Кодзувкотъяс курччастьоны.
- Менё вед курччалоны жё.
- Лолыштам, шойччөд сирпитё.

Родион пидзбечанясис, перийис голи вывсыс кёв йылын ѡшалыс эзыс пернасё, ѡшодіс Ульяналон морёс вылө:

- Тайё пернаыс мед видзас тэнё став лёкторсыыс.

Дёром увсыс ассыс пу пернасё кыскис и ныв, ѡшодіс зонлы:

- Ен мед видзас и тэнё тшотш став лёкторсыыс.

— Вот ми и венчайтчим,— нывлыс өгүрён ломалыс чужомсö окаліс Родион.— Колмас кё, би пыр и ва пыр муна, но тэнсызд пернато некор ог вошты. А пырсё ноллыны унай выль перна мен сетас.

— Мунам, мыссым ю ванас,— корис Ульяна.— Сöмын гач кöлтö эн джагтöрöдol, а то бара пиньöн колмас разыны.

Изъя берегыс эз вöв няйт. Зон шыбитис вывсыыс дöрöm-гачсö и пасытöгыс келis ваö. Муртса резийссыштчis и матыстchis ныв дорö:

— Лэпты киястö.

Ульяна лэптиc кияссö, Родион павгыртis бöждорсяныs кузь дöрömсö и ныв колис вач пасытöм. Зон водзын суалis ачыс васаыс: кагалён нюм кодь сöстöм чужёма, сьöд синким увсяныs брызыйисны енэж рöма лöз югоръяс, личалом руд кöсаыс Изъяюыs моз визувтis чурвидзыs еджыд нёньяс костöдys.

— Пармачуркса кöлдуння,— сöмын и артмис Родионлён.— Тэ сымилитин менö...— Босытis нылöс сойöдys и котöртисны ю берегöд. Эз, эз котöртны, а лэбисны кокни бордяя лэбачьяс моз. Лэбисны — асьныs эз тöдны кытчö. Лэбисны ныла-зонма, кодъяс чужлöмайс вöльной светас öta-мöдysлы, но кыкнанныs тöдисны: некор оз лоны гозъяöн. Муслун! Код тöдас, мый сiö муслуныs. Муслун — сiö сьöлüm кылём, сьöлüm тiпköм, сiöös он вермы окыштны ни топöдлыны, кызд он вермы окыштны да топöдлыны сынöд ни тöвру, шондi югор ни кодзув дзирад, льöм дзоридз дук ни кызд пу корлысшöпкöдöм. Ныла-зонма эз тöдны, мый ваяс аскиыs, и эз кöсийны тöдны — найö олисны талунъя лунöн, онiя здукъясöн, и кыкнанныs вöлiны шудаöсь да мичаöсь. Шудаöсь да мичаöсь сьöд вöр шöрöд сяльгыс ю берегас. Воласны-ö коркö мöдysсь татшöм шуда здукъясис налён олöмын?

Бултыкасисны, резийсисны синва кодь сöдз ванас.

— Петам, сирпитö кынталан,— береглань кыскис зонмös Ульяна. Кыкнанныs дöрöмасисны, гачсö Родион босытis киас. Кыр бокшасыс бара на ки тырён апалисны кыв кылавмён чöссыд озсö. Гörбыляссыöны, чöвталöны öta-мöдланыs кильмана видзöдлас. Выль места эз корсыны, öнтаяинас жö и гозйöдчисны. Сэтшöма топöдчисны öta-мöд бердас, орчён кö тыдовтchis ош, и сэк эсъё эз торйöдчыны. Том выныд пüёмöн пüö, мелиасисны сэтчöдз, кытчöдз эз саймовт кыр бокшасö пүяслён вүджöрыс. Шондiain сэсся эз нин корсыны, кöмасисны-пасытасисны да ю пöлöныs и мöдисны Пармачурклань. Вöрыс матынджык, но ас кежся гажсö нюжöдöм ради эз веськыдавны. Медбörтäя чукыляс ныв сув-төвкерис, шуис:

— Рытнас войпукны ветlam.

— Öврамыд паличалас, казялас да.

— Оз лысyt, абу на гöтыр ме сылы.

— Сёровно пола.

— Ме нувöдла сэтчö, кысъ миянös некод оз аддзы.

— Мен бара нiн окотa...

— Ог лысytöй тан, йöзасыны вермам. Катышыс, надейнö, гортын нiн. Терпит рытöдзыs...— Ульяна окыштis мусуксö.

\* \* \*

Öдва и воис рытыс. Чурк кок улö руыс вольсасис тöрытъя серти на нöгыльджык, нöжийник кавшасис пыр вылöджык, керка öшинь увъясöдз. Ульяна отсасис мамыслы вöчны гортгöёрса удж, сы кости Родион упийис-цöляlis чöд, весалis ёгысъ. Пекла öтарö ошкис нывсö да гöстьёс уна чöд вотöмьсъ. Мамыс и думыштны эз куж, мый найö вöчисны вöрас вотчöмьсъ отдор. Другтö либо

пöдругатö видзöмьыд вöвлöма му пуксъёмсяныс, но ки пыдöс пасьта грездад, кöнi быд керка пельös синма и пеля, сиктъясын баттьём кагаöс чужтöмьыд лыddыссылыс зэв мисьтöмторйон. Чужёмсяныс кувтöдзыс сэтшöм кагаыдлы кöвъясыл «чурка» ним-прöзвище. Пармачуркыйн кö татшöм прöзвищес некодлы на эз сибы, то Веждимын сэтшöмыс — Чурка Иваныд да Чурка Марьяыд — некымын нин. Водзтi том йöзös гötравлëсны мамбаттыыс челядьлыс юасытöг, но онi серпасыс мöд нин вöлi. Уналаын, торъя нин сэн, кöнi эз вöвны вичкояс, эз видзöдны важ обрядъяс вылö; бöрынджык, кызьöд нэм пансигён, найö бырисны дзикöдз.

— Мам, ми уличаöдис шöйтыштам,— шуис Ульяна.— Ыллаыс майдын кодь, быттьёй йöл сэнi пувö.

— Медъя, медъя, руа кö, дырджык шоныдьыс кутчысяс.— Пекла пуксис öшинъдорса лабичö, панис ассыыс быд рытъя уджсö: босытчис пекчыны. Печкан-путшкан уджыс сылон век юр выв тыр, кепысь-чулkitö ёнджыкасö Ульяна кыö-а, вышивайтчö и. Нывбабаясыдöн тайö и нок тöвбыд. Мужикуловыд вöралö-а. Сэсся и пестö на колö керавны, ляпкыд лымйон на кыскавны дай. Во гöгöр песö олöмыс морттö. Муртса кö личлэдзчысян — и эндас ставыс, талялас кадыс. Грэздаяс асъныс на панийоны кадсö, водзö пасыкёдёны мамбаттыысöн, пель-пöчысöн паномторъяссö. Татчö волисны йöзыс си ради, медым вöчны ассыныс олöмнысö тыр судзсянаён. Эз, эз сöмын ассыныс, а тшöтш и ныв-пиыслыс, нукъясыллыс, локтан кöленаяслыс. Мыйон помасяс грэздаяслон тайö öзийöм-босытчöмыс — петкöдласны локтан воясыс.

Нылма-зонма вошиесны ру пиас. Ульяна нүöдис Родионöс потшöс пöлёнъясöд чурк горувлань. Лöнулуныс чунöдö пельтö. Узьёны мусыс, вöр-вавыс и енэжыс.

— Матын нiн, матын,— кöтö и гусьоник шуё Ульяна, гёлöсис аслыс кажитчö гораён. Сидзкö, колö сёрнитны нöшта на гусьонджык.— Со, тая миян. Тась миянöс некод оз аддзы.

Родион вöтчис ныв бöрся ем бöрысъ сунис моз, гёгöрвоис: Ульяна вайöдис сiёс асланыс рынышö. Лэбувсыс ныв сывийштис моздорас кольём арся чарёт идзассö, пыртис рынышас, разöдис нар вылö. Сэнi вöлi ва юкмёсын кодь пемыд, öвтыштис стенъясас прöймитöм тшын дукён да косытöм няньён. Родион кималасон корсис нарсö, Ульянаöс...

— Эн вунöд тайö здукъяссö, Родион. Тэ бöрти ме некор и некодöс радейтны ог нiн вермы. Ме прöстö кута олны: лова кодлыкö пöслукман гötтырён, кута чужтыны челядь, кыасын кыаöдз уджолны... А видзöдлан да и — олöмыд кольёма... Прöстит менö ставсыс... Тэкёд мен гажа да югыд и тая пемыд рынышас. Мунан да, кула шогысла. Тэнö пыдди тэнсыыд пернатö кута околны...— Ульяна куйлiс зонлон сой вылын воём шепта рудзöг кольта моз, а гёлöсис вöлi юльса войын кодь шоныд да небыдик. Нывсянъ öвтис шондöн, Изъяюён, чöдйон и озийон, турунён и нывбабаён, и Родионлы кажитчис, быттьё сылон сой вылын куйлiс пармачуркса медмича дзоридзыс.

— И тэ менö прöстит. Эн лёгась, вöчи кö мыйкö эг тэ ног. Мен мусмин тэ сэк на, кор вöлiн ичöтик нылкаён, а талун тэ нэммöдiн менсым муслунöс. Тавося, сюрс кöкъямыссö öкмисдас öтиöд вося гожомыс менам олöмын ловö медьюгыд талисманён.

— Мый сiя талисманыс?

— Мортлы шуд ваянтор.

— Мед эсько сідзи и ловас. Ме верма шуд видзысьнас шуны тэнсыңд козинтö — эзысь пернатö?

— Сысың бурджык шуд видзысың сэсся нином и абу.— Родион шылькнитіс Ульяналысь чужомбансö, чуньяснас кыліс: нывлон петома синваыс.

— Кор нö Веждімад ләччан?

— Аски, лун шёрланысы пета.

— Кыдзи петан? Ме тэнö колльода вöла телегаён Веждімөдзыд. А мыйла он аскомысь?

— Та дыра кежлö и ләдзлісны. Тэ ачыд кыллін батьлысъ сёрнисö.

— Да, кыллі.

Аскинас вöвсö доддявны Ульяналы эз ковмы. Мöкей Осип керка дорö асывнас сувтіс верзьёма, а орчон дом повод йылын сула-ліс мыш вылас небыд пуклоса мöд вöв. Родион пыр и тöдіс: верзьёмаыс батыыслон отсасысь. А сьод гёнөн лöсталысъыс — Родионлон медрадейтана меринис.

— Со тай, мела воисны,— шуис Родион, петіс ывлаас, юаліс верзьомалысь:— Вась дядь, мыйла татшом водз?

— Унайыд воис, тöрыт нін,— вöв вылысь ләччигмоз юортіс Вась дядь — ар комын вита, тшотшыд ус-тошка ён мужичой.— Гажмин Пармачуркъяд?

— Гажми, Вась дядь. Тані гöгöр мойдын кодь.

— Адда нін.

— Пыр керкаас, веськёдышт костö,— кильчö вылас петаломон корис воись мортос Пекла.

— Пасибö. Ог нін пыр, тані веськёдышта.

Родион петаліс мöдарас, кышис ассысы кём-пасыкёмсö. Улья-налон дзугтыльмуні сьёлёмис, окота бöрдзины, да кутчысис. Батыыс и мамыс öд керкаас, некутшом ног эз позы петкёдлыны ассысы майшасьёмсö. Пекла пос помöдзыс яндöвайын петкёдіс ырощ, вöзийис кесийилös Васьлы. Осип дасытіс чöд тыра пестер. Оз күш киён ләччи гортас гöстүйд. Коркё сэсся Веждімö волігөн тон босытас пестерсö.

— Пасибö ставсыыс,— Родион прöщайтчана топöдчыліс кöзяин-козяйкакöд. Ульяна суаліс сэні жö, шыльöдіс сьод гёна меринлысъ ыджаид льöббяя ныр-вомсö.

— Водзлань, водзлань... Регыд тай вот олін-а,— öти вомысъ шуисны гозъя.

— Верман кö, волы Улялон свадьба вылö. Тöрыт, тіян вот-чигкості, Кузьма Прокö гозъя волісны, Оврам писо зять пыдди вöзийны, Уляös коралоны,— бытть бесыс тойлаліс, намöдіс батыыс.

— Менсым юволтöг? Верös сайö? Ме некытчö ог мун гортысь,— весьöпöрліс Ульяна, чужомнас жмитчыштіс вöв ныр-вом бердö, гусьённик бöрдзис.

— Лöньюдчы, нылук, лöньюдчы. Он вед и мун некытчö. Сі-дзи-й сёрнитчим накöд: гортын лован, мöдарын кутаныд олны. Накöд олö нін öти монь, сэтчö муном йылысь и сёрни неку-тшом оз ло,— такöдіс нывсö Пекла.

— Вöрзьöдчам кö-а,— тэрмöдліс Вась дядь.— Эсчöдз, горулöдзыс позьö и подён шлапиктыны.— Сэсся кыкнан вöвсö босытіс дом поводöдис.

— Родион, ме колльöдышта тіянöс. Позьö?— лигышмом гöлöсөн шыёдчис Ульяна.

— Колльöд, нылук, колльöд,— меліа шуис мамыс.

— Видза колянныд! — вель ылісянъ нин нўшта ётчыд прёштайтчис Родион. — Коркё, дашкё-й, вола на!..

— Ёдвакё нін коркё волан,— гораа ышловзис Ульяна, зонкод орчён восьлаіг.

Бёр дорё воём бёрын Вась дядь сувтёдіс вёвъяссö, виччысис Родионöс. Сэсся мыччис зонлы ёти дом поводсö да нюзд н্যёр:

— Сёлнитё отсолны?

— Тэ сёл, гёнит. Ме тэнё вётода.

Вась дядь, мышкас пестера, кокниа вожасис гын пуклөс вылö, öпнитіс и рёдтігтыр саяліс туй чукильö. Ныла-зонма колисны кыкён, кыкнаннислон доршасис синваыс. Родион сывиыштіс нылөс кос гёгөрыс, босытчис кутлыны да окавны.

— Менам съёлёмой кольё татчö... Енмыс аддзö, кутшом ёна радейта ме тэнё... — ёдва шуаліс кывъяссö Родион, горшас быттьё ыджыд из тасасис да. Гёрдзасис горшыс и Ульяналён, кыв ни джын шуны оз вермы: окалö и окалö муса зонмыслысь сола синваа вом доръяссö, бан бокъяссö сола синваа аслас вом доръясон.

Бёрдісны кык съёлём. Бёрдісны кык томлун. Бёрдіс ныла-зонмалён ёти ыджыд муслун. Верзёма зонлон ылысмысь мыгёрань Ульяна куимысь чёвтіс пернапас.

\* \* \*

— Горзы, дитя, горзы... Ен отсёгён ставыс бур ловё... — нучкаыслон жаль петкёдана чужём вылысь посьсö чышкалыштö Мёдей Пекла.

А Ульяналён и дум на весиг абу гортас кайём йылысь. Радейтö сийё ассыыс гумласö да съёд рынышсö. Нянъён ёвтö! Батыс на лэптыліс тайё рынышсö, ар дас вит сэки волі нывкалы. Усысь кодзув ёдён лэбовтö кадыс. О, Енмой-Енмой! Аминь лёссыда мёвшавсö татёні Ульяналы. Тані сийё вйтчывлö бёр кольём воясас — челядьдырас и томдьырас. И став думъясыс ийтчомаёс Родион йылысь казытылёмъяскöд. Онія моз син водзас сулалö зонкод янсалан луныс. Гортас кайтöдз, пырис сэк вёрас да, пуксьёмён бёрдіс син пыкташмёныс. Бёрдіс гажтöмысла да шогысла. И мед нином эз казявны гортсаясыс, ләччыліс Изъяю дорё мыссыны кёдзид ванас. А коймёд лунас, рытторувланыс, Ульянаясö локтісны Кузьма Прокö гозъя Öврам пиыскöд — локтісны корасыны. Пармачуркыын гётрасылісны со кыдз: тані ёттшötш корасылісны и кикутлісны, мёд-каймёд лунас нин кёлысявлісны — чукортчылісны верёспу либо гётырпу ордас, юлісны сур да аскур.

Помнитö Ульяна Кузьма Прокö гётырлысь, Педосьялысь, сэкся кывъяссö:

— Тиян тёварыс, а миян купеч-молодечыс.

И сэк жё ачыс Прокö, пернапас чёвталігтыр, пызан вылас сувтёдіс дёра пробкаа парта вина.

— Пуксьёй, сёрниным, тыдалö, кузь ловё,— корис Пекла, босытчис пузьёдны самёвар. Быд лунъя юанторыйс ырёш, и самёварсö пузьёдлісны сомын тёдчанаджык лунъяссö, Ен праздникияссö.

Ульяна волі ләчкё шедём пётка кодь: мый вочавидзны корасысьяслы? Друг да съектіс Родионсянь? Оз кё пет верёс сайё, кагаыслы нэм кежлас көвъясяс «чурка» ним, ассыс кутасны дивитны став грездён. А петны кё, оз ков нюждын кадсö, и сэки Ульяна ниномысь оз янав. Ныв стёча тёдіс: Родион кё мунас

велёдчыны, найё ёдвакё нин коркё аддзысласны. Кыдзи пöлынтьчом сюръялы пыкёд, кольё öти мыджöд: Кузьма Прокöпи — Öврам. Невеста кё оз кöсйы, бать-мамыс мырдöн оз сетны. Корасысьяс сæk мунасны нинём абуён. Но мöд жöникис, Ульяналы лöсяланыс, грездын эз вöв. Надейтчыны Родин вылö — сïдзкё, сынöдись куш киён кутны тэрый пышкайös. И ныв сетис кыв: петас Öврам сайö, но бать-мам дïнысь оз мун. Кузьма Прокö гозъя дïнын олö нин ыджыдджык пыыс семьянас. Тайös бура гёгёрвоисны и Ульяналон бать-мамыс. Ачыс Öврам дась вölі быдтор вылö, мед сöмын öдийöджык лоны öтлаын тайö мичаник нылыскöд.

— Оласны миян мöдарын, оз нïн кол выль керка лэптыны. Тöрёдчам бур сьёлёмён,— эскöдис корасысьясос Мöдай Пекла.

Кузьма Прокö гозъя кöть и числасисны, век жö войсны öти кывий: пирутты нянь идравсöм бöрын. Тайö эз вöв сьёлём выв Ульяналы, босытчылïс пыксыны, позьё пö и водзджык. Некод дерт, эз гёгёрво, мыйла нылыс тэрмасьё. Öврам сы дор жö сувтис:

— Нянь идролсяс, тэсся сэнi-й сиасян кад.

— Ми вед вежон ог кутой пирутты, öти луныс тырмас,— мурöстис сэтчö Мöкей Öсип,— позьё и водзджык. Аскуртö вийöдыштасны бабаяс, а сёян-ювантö öтвылысь дасьтам — мыйсюрö миян ловö, мыйсюрö тiян. Сïдз вед, Пекла?

— Пызан вылыд, слабог, оз на ло тыртöм,— эскöдис гётырыс.

— Тайö нö, шобdi няньсö, купеч пыыд вайлïс? — виччысytöг юалis Педöсся, вомас няньсö няккалïгтыр. Педöсся — ляпкыдик да кызiник; и гёлöсас, и посныдик синъяас тöдчис гуся майшасьöм. Вölі мыйысь майшасьны: Мöкей Öсиптäс быттöкё лун шöр лунö кык син костссыс гусялöны Кузьма Прокö гозъялëс дона писö. И Педöсся нинём эз вермы сувтöдны талы паныд. Ульянаыс кё пыксяс Öврам сайö петöмись, пыыс ыршасьö пышыйны гортсыыс, мuna пö Веждимö и сэнi овмёдча. Мамыслы та йылысь висытасьлïс эз нин öтиысь. Войдöрлунтäсö, кор Öврам аддзис Ульянаöс Родионкöд орччон, рытнас гёбöч джаджыссыс парта джын аскур юис, ставсыныс гусьён. Гажа юрён и петис войпукны, киас паличон. Вочаалis кё Ульянаöс купеч пикёд, тайö паличнас и косьбötis kortöм гёстыйслы мыш кузяыс. Эз кё косьбöты, кöть нин повзöдчом могысь ырыштчылас. Мед тöдис Ульянаыс, кутшöм ёна радейтö сiйös Öврамыс.

— Аслас тшай-сакарöн волис Родионыд,— кыпыда вочавидзис Пекла поëс тшайсö ырскигтыр.— Зэл шань морт быдмö, зэл тай регыд олис-a.

— Эз на эськё окотит мунныс да, унайыс пö Веждимö локтöма, батыыслöн поп вокыс. Виччысytöг и лови лæччöмыс, Павел Петровичыс нарощнойöс мöдöдлöма,— содтис Мöкей Öсип.

Родионöс казытылïгöн Ульянаöс поëсö шыбитлïс, оз тусь моз пель ийлöдзис гёрдöдлïс. Зонмён на вайöм сакар тор гуджгöдыштö, кизьориник тшай ичöтик вом тырён ырснитлö. Öврам паныдöнмоз пукалö — топыд юрийла алöй ситеч дöрöма, кузь сьöд юрсиыс пельяссö саймоттöма, паськыд ус лэдзöма. Öврам öтарö зильö кыйны Ульяналысь видзöдлассö, но ныв дзебыштö синъяссö. Сiйö олö на Родион йылысь думъясон, и код тöдас, вермас-ö коркё вунöдны ассыыс медводдза муслунсö. Öврам лоас верöсön, а сьёлёмас, гашкё, кутас пукавны Родион, морöс вылас эзыс пернаыскöд орччон. И гёгёрвоас-ö коркё Öврам, мый дзебöма нывлöн сьёлёмö, сылён шогалысь лöз синъяссö.

Вежон мысти кымын Мёкей Осип бара на ләччыліс Веждімө, Ульяналы мыйсюрө коліс ньёбны свадьба кежлас. Съомыс эськө быран выйын нин, но төвнас бара на нажовитас, звер-пöttкатö кыяс да. Павел Петрович бура примитіс ая-нылаös, тшай юны весиг корис. Родионлы пö ёна воома съёлом вылас Пармачуркыйд, ёна пö тіянöс ошкис и. Ульяналы телепит юавны, тані али абу Родионыс, но Павел Петрович ачыс водзджык висътасис:

— Родионös вот унайыс ләччöдіс, мамыс бöрдö жалыысла, аслам нинөм оз пыр киö ни. Эз окотапырысь мун, синва сорён жö. Ульяналы тшöктіс поклон висътолны, эн пö, бара-й, вунöд висътолнытö.

— Дыр кежлö мой мунис? — юаліс Мёкей Осип.

— Олыштас унай ордас, тэсся Вöлöгдаöдз нувас, семинарияö кöсий инолны, дуковнöйö, примитасны кö.

— Мый нö оз примитны, зэл сюсь детина да, — ошкыштіс Мёкей Осип.

— Ёна эськө лыддысыö да, унайыслён ыджыд шкап тыр нигаыд. — Павел Петрович вайис Мёкей Осиплыс пестерсö, аттьёаліс чöсқыд вотöссыс. Бара на нүöдіс тшай юны, но ая-ныла, вежавидзом ради ли мый ли, пыксисны. Кыв ни джын эз шуны и свадьба кежлö лöсöдчом йылысь — друг да, кутшöмкö падмög на лоö. Тыдалö, Мёкей Осип аддзö нылыслысь майшасьомсö, и жалитö сийös. Шуас кö, ог пö пет Öврам саяд, мырдонсö оз и кут тшöктыны батыс. Но Ульяна оз шу тадзсö, сийö мöдтор вöсна майшасьö — Родионыс оз сет покойсö, сыкод мусукасьюмыс. Пöльыштас-ö Öврамыс сы морöсö выль олöм, разалас-ö шогалöмыс Пармачурк весьтö öшиылöм ру моз? Та йылысь Ульяна нинөм на эз тöд.

Вежон нёль мысти, кор чурк бокшаса муяс вылын помасис ид да сю вундöм, варттöдзыс пасийсны выль гозъялысь öтлаасьомсö, вöлі няньён-солён, сурён-аскүрөн да этша йöзön. Волісны Кузьма Прокölön да Елисей Гришлон котырысь став верстъюис — пань лыд серти кö, ставыс дас öти морт. Витыс — асланыс, Мёкей Осип рöдись. Гöстьяс войсны уна гöснечён, съораныс пирöг-шаньгабон, курытторъясöн, чышъян-платтьёон, дöрём-гачон. Кодлы мый эз вöв жаль, сийös и козыналісны. Ставон ошкисны жöникос да невестаös, быттьö по öта-мöдныслы и чужлöмайось. Ульяналы — дас кöкъямыс, Öврамлы — кызь кык ар. Мёкей Осипсянь том гозъялы приданойыс — керка джын: олöй-вылöй да быдтысьюй. Буретш тайö приданойыс и эз вöв съёлом выв Педöсиялы. Этатшöм ён пиös быдтіс Мöдей Пеклалы! А мöд боксянь кö, кытчö-й овмöдчасны том гозъя, оз кö Мёкей Осип ордö? Кузьма Прокö керкаын öд сïдз нин дзескыд. Ковмас миригчыны Педöсиялы. Выль семьялон шуд вöсна юисны ставён. Шоча овлö татшöм гажыс Пармачуркыйн. Отарö удж, удж, удж... Отарö кынöмпöt перйöм и некутшöм гаж. Ачыс вöр-вавыс, парма чуркийс и вöлі медыджыд гажыс. И талун эм помка, мед личöдчывны, пызан сайын öтув варовитыштны асланыс олöм-вылöм йылысь. Пызан шöрын суаліс ыджыд кынöма ыргён самöвар. Гöстьяс вотöдз на сийös сувтöдіс Пекла медсясö мича пыдди. Кöдзалис нин. Ковмас выльысь шомсö чöйтлыны, и, гашкö, оз öтчыдысь. Ныvbабаяс ставныс кокошникаös, мича серъяса дöрём выланыс уна рöма сунисён серöдöм сарапанаös. Гöтырпулон да жöникпулон чегö пасъкомуыс. Елисей Гришлон моныыс, веждимса Анна, Ульяналы кыис асывнас кык кöса, помас шöвк лентаясöн. Анналон верöсис, Микайлöыс, съорсыыс

вайис қуим сиа сигудёк — важысла съёдасьёма, но ворсны позьё на. Гажмис да, Миш унась нин буджнас визнитліс струнаясöд, горёдліс сывыны, но ворсомыс ни сылёмис эз артмы.

Рытёдзыс мужичойяс поводнö ёна коддзисны. Варовмисны и нывбабаяс. Педёсся гёрд гоб моз гёрдёдёма, синвасö чышкалö водздöра бёжнас, писö жалитö. Пуксьёма орчён да Ёврамлы вомас öтарö сюялö то блин, то черинянь чиг:

— Зарни пи тэ менам, бörъяясь ме тэнö тадзсö верда. Тэсся тэнö Уля кутас вердны, муса гётырыд. Вай ювыштам мамыс-код...

И Ёврам тыртöммёдö стёкансо, кёрыштлö гёрба нырсо, исыштö мый чунь улас веськало. Ульяна бара тырталö кушмём стёканъяссö; аслас мамыс шатлалö жö нин; батьыс Кузьма Прокёкёд, сватыскöд, вомсыныс быг петмён варгёны. Ёврамлы кö вомас воас, пöрмёныс сэсся юас. Тайö вölі кивыв Ульяналы, торъя нин талун, кор найö медводдзысъ водасны öти вольпасьё. Грэздын некод эз тöд Ульяналысъ Родионкöд пакёститчёмсö, и ставсö коліс вöчны сïдз, быттьёкö сïё ветлытöм ныв на. Та могысь и коліс коддзöдны Ёврамöс, мед эз помнит, кыдзи колляліс гётырыскöд медводдза войсö. Дzonьтöм нывтö, омёлик ур куюс моз, уло донъявлісны зонъясыд. Сэсся и, Ульяналöн тölyссяыс эз во, пыр и шома да сола сёян вылö кутіс кыскыны.

Пöран выйöдз и юис сэк Ёврамыс. Усымёныс. Татшöм мичаник гётырös тывыйштис, да мый тон оз и ю. Со тай, астьдорыс садымис да ачыс аслыс оз эски: кузь дёрёма, гачтöм, öтар коксö гётыр лядьвей вылас лэптöма — сэтшöм шоныдик да небыдик. Ымостис Ульяна, нузнитис:

— Ой, войбыд узьтöм... Войбыд мучитин... Сэтшöма дойдалин...

— Мутыыд, нинём ог помнит. Эн лёгась, этшöс воштылì да.— Ёврам чеччис пу крёвательс, кёni гён перина вылын стынитис-узисвойбыд садымытöг, пырис пачводзас, пельсасыс гумовтis кöш тýр ва, и гораа нылалігтыр дзирскис-юис пыдёсöдзыс. Кок-няммыштис морös пытшкас, синмыс югзыштис, бара на корис прöща:— нинём ог помнит. Эн лёгась, Уля.

— Ог жö лёгась. Гозъя кост олёмыд тасянь и пансöй, кутчысылёмсянъ,— шуис Ульяна, и ачыс лоліс мустёмён гуга-банён сёрнитöмыс. Сïё эз и ойбыртлы, син водзас öтарö Родион суалліс. Думсыыс вылысъ на воліс чöд вотанінö. Изъяю берегö, кёni кыліс ассыö позыйсъ медводдзысъ кыпöдчылöм лэбачён. Сöмын тай регыд лэбаліс, бёр лои пуксыны аслас позйö, кöть и том борд вechикыс дыр на вермис кутны сïёс джуджыд енэжас. И тайö позъяс пансис выль олём.

\* \* \*

Колисны öтпертаса войяс, лунъяс, вежонъяс. Апрельын, кор шондýыс азыма сывдіс шоллялöм лымсö, Ульяна вомёдзыс рушкуа нин ветлöдліс. Лун-мöд нин картаас эз лэччыв лыссытысны ни сёöдчыны, оз судз мös вöрасö да. Асывъяснас ыджыд пач дорас ноксыштö на, но öти керка помад öттудыр олігöн, пусис-пёжасис Пекла. Ёврам рытсияныс и ва ваявліс, и пачас сюявліс пессö, коса пуртöн ломзöбдchan сартас юкавліс, мед сöмын асывнас би чуткыны. Рытгорув вölі, кор кынöмас кагукаслы дзескыд лоис, вöзйисыны кутіс. Верöсис пывсян ломтис, а Пекла котörtліс Елисей Гришлён гётыр дïнö, чукёстис Ириньёс бабитчыны.

— Пи! — юөртіс гёгиньыс быдёнлы, кодös паныдаліс гортас бёрсö мунігён.

Дас кыкёд лунас Ёврамлён мамыс, Педося, пыртіс пузчужём кагаöс — дзумғыліс вежа ва тыра пельсаö. Пельсаас чöвлісні көрт образ либö перна, и тадзи артмыліс вежа ва. Вежаяны воліс Тимö. Ульяналён кором серти кагавыслы сетісні ним — Павел. Ни Мёкей Осиплён, ни Кузьма Проколён семьясы некод эз гёгöрво, мыйла быть коліс нимтыны Павелён.

— Матысмö Ёгорей лун, Ёгорён шувам дай,— ассяныс вöзийис Мöдей Пекла.

— Зэл мича ним эськö Ёгорыд да,— сватъяланыс жö сувтіс Педося.— Пармачуркъяд некоддён на абу татшом нимыс.

Осиp корис шуны Мёкейён, Прокö — Кузьмайён, но Ульяна синіс асланыс: Павел дай ставыс, мöд ног кö, Павел Аврамович. Грэздса öткымын бабаяс ыдъясисны, мыйлакö по Мёкей Осиp Уляыс регыд новлöдліс кынöмсö. Дерт жö, тайös гёгöрвоис и Пекла, и мед тупкыны йöзыслыс вомсö, ачыс мöд пöлöс сёрни паськёдіс: Ульянаыс быттöкё вильдöма-усьёма лёк ног, вот и чöвтчöма кадысъ водз. Сы вöсна по и кагавыс öдвакö лоö дыр олысъён. Кöть кызд, но Ульяна йылысъ некутшом омоль слава эз паськав. Ёврам нимкодясис медводдза пинас, вöчис нюдз лайкан, сы помö öшöдіс занавеса пелькиник потан.

Пузчужём кагаылдён нинöм на эз петкёдчы сэтшомыс, мый серти позис эськö шуны: мамылань али батыылань мунö. Мужик рöдьсъ тай-а. Ульяна сöмын öтнас стöча тöдіс Павеллышь збыль батьсö, и вайис сiйös эз кадысъ водз, а ас кадö. Том мам гусьённик нимкодясис: кагавыслён батыыс кольёма аслас пилы вушыйвтöм пас — шуйга бан бокас тöдчыштіс ичöтик сьöд мампас. Сидзнад, Павеллён чужём вылын öдвакö мыйкö петкёдчас Ёврамлён чужём-обликысь. А вот веждимса купеч Павел Петровичсань мыйсюро вермис и вуджны, гашкö, гöрд юрсиыс. Буретш пöлëыслён ним кузя Ульяна корис шуны ассыыс писö Павелнас. Быдмыштас, и сэки унатор тыдовтчас и петкёдчас.

Сöмын на неважён Павелös чöвтіс нёнь помысъ, а Ульяналён кынöмис бара нин кутіс гёгöсмыны. Тайö пöриö нывбаба чужтіс нывкаöс — Öксиньös.

Павел быдмис косіник, но сюсъ да визув рыжой зонкаён. Сылы вöлі ар вит, кор öтиысъ, локтіс гортас да варовитіс мамыскöд:

«Мам, ме öти тöдтöм дядьёös аддзылі».

«Кор, кысъ?»

«Öні, эсія джуджыд крест дорсыыд. Вöл вылын вöлі, тэсся лэччис вöл вылсыыс да юваліс, коді по тэнад мамыд да батыыд, кыдзи по тэнад нимыд».

«Тэ висытасин?»

«Висытаси. Мамой, мися, Уля, а батой Ёврам. Менам, мися, нимой Павел, и Öксинь чой, мися, менам эм. Тэсся юваліс менсыым, кымын арös по тэнайд».

«А тэ кужин шунытö?»

«Кужи: вит, мися».

«Тэсся мыйкö юваліс на?»

«Юваліс. Кымын ош нін по кыйин?»

«А тэ мый вочавидзин?»

«Ни öтиöс на, мися, эг кый. Быдма да, мися, кута кыйны».

«А тэ сұлысъ нинöм эн ювол?»

«Ювалі: коді нö эськö, мися, тэ?»

«Тэсся мый сія шувис?»

«Веждімса дядьо по ме. Ачыс дзоляник тошка, этані чужомас съод чут эм».

«Ноко, зарни пи, чуньнад петкёдлы».

«То, этатён... Тэсся менё босытіс да тошканіс, выллань качодіс, уськодомысь ползылі весиг. Окыштіс менё, тэсся рыжикон шувис. Мый нё, мам, сія рыжикыс?»

«Сія... Сія... мичаник зонка по тэ».

Тэсся нё кодаро муніс төдтөм дядьоыс?»

«Ю берегодыс эсчо ворланяс. Менсым пернаоц вородыштіс, тэсся шувис: менам по эм жо татшом пернаңд».

Ульяналы эз ков сё ног думайтын, мед гёгёрвони: тайо төдтөм дядьоыс — Родион. Дашиб, велодчомсө помаліс нин да? И Ёврам, и бать-мамыс ворын воліны, пес кералісны, Ульяна челядьыскод горт оліс; со тай, куим арёса Ёксиньыс ёшина улас, лыа пиын кайпи моз пуртікассо. Павелкод сёрни борын Ульяналон съёлёмыс нюркмуніс, жаль и забеднё лоис, од пыр кежлә, некор бергөдтөм вылө воштіс му вылас медмуса мортсө. Шогпрырыс синнас нүодіс керка пытшкёссө, сэсся ёшина пырыс видзодліс юғыд ывлаас, сыланьо, кодарын сулало джуджыд крестыс, и кыл оличалісны кок сонъясыс. Уськодчис крөватяс, чужомнас ляскысис юрлөсас, и пычмуні съёлём дойсө кокнёдтөм синва. Синва сорыс окаліс дөрөм увсыс кыском эзыс пернассо.

\* \* \*

Да, верзьома, шылдық гёна вөвсө дом повододыс күтөмөн, муніс ю катыд. Луншоръя шондымыс пожис сізд, быттө пукалан ыджыд бипур дорын. Веж туруна-дзоридза эрдымыс тырёма чирк сылёмөн, кок увсыс вылодз чечыштёны гырыс и посни, туруныс кодь веж чиркяс, ләбалісны ёта-мод бердас сибдом вөсни бордяя юрсигуттяз, ёти бобөняньянь мөдө гораа зінъигитыр ләблісны тшөг малямуштяз — боръя кок бердас масо чохомаёссы мында, одва кутчыссын сынодас. Төврутом, оз вөрзы ни ёти турун сі. Джуджыд енәжас, вылын-вылын шлывъялданы чипан варыштяз. Вывтасінас, шуйгавылас, тыдаліс грезд, посни ёшинасын юғыда ворсіс кочасыс шонді. Эсійо керкаас, веcъкыдвывсиянь мөдас, гоститліс Родион. Сэні ол олон зонлон медводдза, гашкод и, медбордяя муслуныс. Сувтөмөн видзодыштіс керкаланыс — оз-о кодкод вуджорт ёшина уттыс. Эз, некод эз тыдав, и голөс шыяс эз кивны. Да и голөс шыяс татчодз эсъко эз во. Тракнитыштіс дом поводсө, и восылалісны водзю, воисны вөрса ордым. Тані сынодыс дзик мөд: ѿтыштө ыркылунөн, сир дукон. Жарыслыа пожом да коз пу гумъяс вылын небзьома сирыс, ёшиома юғыд мольясон. Вөв кок улын ратшакылісны кос увъяс; то ылын, то матын чипсісны вөрса кайяс.

Вөрыс югдыштіс, и ордымыс петкёдіс Изъяю берегө. Таті крут, коло корсыны лажмыдджыкин, мед ләччодны вөвсө ю дородзыс. Родион бура помнито сійо mestасо, коні чод вотом борын кутчыссын Ульянакод. Помнито, од волывліс татчо пошли быд гожом на. Ок, мыита нин эз көритлы ассыс Родион, эз сёрнитчывны нывкод тані аддзысъломъяс ийлысса да. Разис седлосо, вөв голи гёгёр шыркнитіс дом поводсө, тапкодыштіс вежора да кивзыссыс көбылаёс: мун по, ыркодчы юас. Баас кевтодз на сійо нюжодіс голисо, ыджыд льобъяснас нюлыштіс ю верккессө. Сэсся

келіс пидзёсөдзыс, сувтіс бёрладорнас шондіыслы паның, быттьö лösööдчis гожиöдчыны, кутіс ньёжйöник öвтчыны кötасьöм тутъя бöжнас. Родион пöрччис жылеткасö, пуктіс юр улас. Гатш куйлö шоналöм му вылас, видзöдö енэжланыыс, а син водзас сувтöны то Ульяна, то Павел.

«Павел, Павел...» — ётарё бергаліс кыв йылас и вежöрас тайö нимыс. Сэки, кор сöмын на аддзис зонкаöс, Родионлöн ёвкмуни сьёлёмис: аскöдys уна öткодьлун казяліс сылон син-ныр гöгöрысь, и медводз, сьöд мампассö. А горд юрсиыс да ыджыд пельясыс мыйёнкö казтылісны ассыыс батьсö; весиг со нимыс батьыслöн кодь. «Став сертиыс, весиг арлыд сертиыс, Павелыс — менам пи!..» — тайö мёвпys чардби моз юклаліс сьёлёмсö. Пуксис, жылетка зепсыыс кыскис дöра ториö тубыртöм pu пернасö, Ульянасянъ козинсö, оқыштіс öтчыд дай мöдьись. Пернаыс лы кодь шылыд да чорыд, тыдалö, Мöкей Осип вöчлöма каллянсö моз кыдз йöгöрысь. Веждимö воём бöрын Родион юавліс батьыслысь Ульяна йылысь, и век кывліс öти нога воча кыв: важён нін, пиук, эз мыччысылы Ульянаң. Верёс сайö петöм бöрас и збыльысь шоча весъаквліс Веждимас. Арнад, тустьо изны нулігöн лэччывлö-а; Павел Петровичлöн мельничыыс Изъяю вылас, ид-сютö вартöм бöрын век сэні уна йöзыс. Кык вöла-доддьöн нулöны тустьсö Ульянаяс. Öврамыс, ён мужиқыд, кокния вöдитчö пызь мешöкъяснас. Родион помнитö Öврамыс чужёмсö, матысянныыс кöть öтчыд и аддзыліс, и думсыыс босытчыліс öткодявны Павелкöд, но зонка нинöмён эз мун Ульяналöн верёслань. Куйлö оні Родион и доңьялö ассыыс коркёя лоёмторсö: гашкö, вöчис сэк аслас олöмын медся мисьтöмторсö? Али сiйö здукъясыс колясны сылон паметö медся югыд, дона да шуда здукъясöн? Татшöм думъясыс oz сетны покойсö со кымын во нин! Аддзöдчывны эсъко Ульянакöд, видзöдлыны сылон шань синъясö, муёдзыыс копыртчывны муса нывбаба водзын — и ставыс, сэсся нинöм оз ков. Конi тэ, Ульяна?! Мыйла он кыв Родионлысь сьёлём дойсö, тэнö чуксалöмсö?

Родионлысь майшасьöмсö аддзöны зэв вылын öшалысь сыръя дора шочиник кымёръяс, юлань нёрынътчом веж лысъяса пожёмыс, посни серён ворсысь Изъяуыс. Но вöр-вавыслён мичлуныс эз гажöд, а мёдарö, нормöдіс зонмöс. Гашкö, онія волёмыс медбörъя? Гашкö и, медбörъяясь аддзö тайö пожёмсö? Коркö, мудзасны вужъясыс да, сывсö паськöдöмён изъя берегас помалас ассыыс кузь олöмсö тайö горд кырся, сывтыръя пүис. Родион сувтіс, важ тöдсаös моз тапкöдыштіс пожёмсö: «Кутчысы, дыр на эн усь кок йывсъыд. Коркö кö тэнад вуджöр сайö пуксыылас Ульяна, поклон месянъ. Висыталан?» Кастигчис-ö, мый-ö, пүыд и збыльысь быттьöкö вочавидзис-ружтыштіс. Енмыс сiдз шуöма: пүяс сёрнитöны дзуртöмён, кайяс — чипсöмён, понъяс — увтчöмён... «Вот и пасибö, висыталан кö», — пожёмьыд кыліс мортлысь гёллöссо. Мича кöбыла суаліс нин берегас, ыджыд быгльöс синъяснас видзöдіс юланыыс, тыдалö, шензиц: кодъяс жö сэні югнитлöны ва веркöсас? А ворсiс-тыбаліс быд пöлöс чериыыс, посниыс и шолидыс.

Родион, сапöгсö пöрччытöг, ыджыд из вывсянъ кötöдіс чужёмсö, голисö, зу кодь гёгрöс, тшötшыд руд тошсö. Ки пыдöснас некымынысь гумовтіс да чурснитіс сöдз васö, и кötöдіс тшötш тош рёма кузь юрсисö. Юас, шочиника туруна берег дорас, медся ляпкыдiнас, шуксисны арпиян. Найö ем пыс кодь посни синнас быттьöкö весъакыда видзöдісны Родионлань, и, дерт жö,

мыйкө шуалісны асланыс чери кыв вылын. Зонмыд кинас резийштёмён повзьёдіс арпиянös — тювмулісны найё джуджыдінас и сәк жо ыдкыд чукёрөн бёр уськодчисны берегланы. Визулён шыльёдом изъяс вылын катласисны тыртём ракпаньяс. Бöрын, вавын, енэжын — быдлаын олём. Мöдар берегыс лай-коладжык, сүк баддя, шондыыс вылын и ю веркобас абу некутшом вуджёр, сомын ачыс шондыыс и купайтчо сэн.

О, Енмой, кутшом гажа да югыд гётёр! И оні Родионлон эм алас арпи — Павел. А код вермас стöча шуны, мый Павеллон батыыс Родион? Сомын мамыс, сомын Ульяна вермас восьтны став збыльторсö. Көтү кызд, но Павел — Родионлон вир тузыыс, кылø тайёс сьёлёмнас, кылø и лöньёдö ачыс асысö. И жалитö: зонкаос кутас быдтыны мöд бать. Тöдö-ö та йылысь Öврамыс? Ульяна тай кыдзкө шуліс, Öврамыд по шань морт, и вöтлысь по сы бöрся шондия лунö вуджёр моз. Сидзкө, Öврам радейтö гötýрсö. Мед сидзи и лоас, мед Енмис простиатас Ульянаос, лыддяс кö сийес грекаён.

Родион видзёдлассö чöвтліс кыр йывлань: друг да кодарсянь кö мыччысся Ульяна? Мыйлакө сийё кутис кутшомкө надея — кокас котіа, кузь дöрёма, вот-вот сыланьö котортас муса аныыс, ылісянь на городас: «Родион!» Ылын и матын ылгисны лэбачьяслон сьылём шыяс; посялёмайб öлэзьгöдöм веж юрсиа кыдзьяс — лöссыдчоны воськовтны кыр горувсö, мед ыркодыштны юас едкыд морёссö, но оз вермыны вörзьёдны сибдом кокнысö. Гашкө, оз кöсйыны вörзьёдны, мед эз талявны кыр бокшаас сьöдгöрдöдз кисымом оз мольяссö. Сё збыль, Коми мусын вör-ваыд майдын кодь во гётёр мича, и быд қадколастлон ас нога сер да ас нога шы. Но морт олomyд тай абу майд: кодкө озыр, а кодкё и гöль; кодлыкё юмов, а кодлыкё и курый на. И унджыкыслы курыйдыс на-й вичмö. Родионлон, купеч пиыдлон, эмбурыц тырмымён, велöдчом морт и, семинариятö помалис да, но морёс кудъяс абу медыджыд озырулуныс — муса Ульянаыс. Павелос аддзылём бöрын лоис нöшта на гажтöмджык.

«Ульяна-а-а! Ме радейта тэнö!.. Кылан?..» — горзё сьёлёмыс Родионлон.

«Кыла!.. Кыла!..» — ылісянь быттьö вочавидзö йёлёгаяс.

«Ме Изъяю берегын! Волан?..»

«Вола!.. Вола!..»

«Тэрмасыышт, Ульяна! Котёрён, вöröдьыс...»

«Вöröдьыс, вöröдьыс...»

«Ог кö аддзыл, потас сьёлёмой!..»

Йёлёга чöв оліс.

Сыркмуні Родион — повзьёдіс кöбылалён виччысътöг гётрктомыс. Козяин матыстчис вöв дінас, кывзысыштис, оз-ö кывны кок шыяс. Чöв-лöнь. Кузь бöжсö лэптыштёмён вöв личёдіс гырк пытшкёссö. Эз кыскы гортас том мортöс. Ни батыыс, ни мамыс, ни ичтöджык чойясыс эз тöдны, кён сийё ветlö. Тöдіс сомын Вась дядь, коді и вöзийис да седлöаліс тайё рам кöбыласö. Медся радейтана мериныс эсъкё эм на жё, но дойдома коксö, чотіктис. Жылетка зепсыыс перийліс югыд чепта, вевта гётрөс часисö: лун шöр бёр. Часисö неважён на-й козыналіс батыыс. Регыд Родион петас ас кöшт вылö, арнас ачыс нин мунас велöдны Шорчомса школаö. Сёрнитчома та йылысь и Куломдінса уездной, и Шорчомса волостной управлениеясын. Кöсйыліс вöзийисьны Ульянаса церковно-приходской школаö, но сэтчо эзджык вöв кивыв, батыыс

паның сувтіс. Шорчом вёлөстіса вичкоас и попаліс унайыс, отеч Владимирыс, тшотш и Ен кыв велодіс школаас. Оңі, локтас племянникис да, ачыс күш вичко удж кутас нүйдны. Коркө сэсся, воас пöрыс да, Родионöс коляс ас местаас вичкоас попавнысö. Эз нин öтись кывлы татшом сёрнисö батя-унай костысь, тöдö Родион ассыс асқиа лунсö. Гашкó весиг, оз и дыр кут велодны челядьсö, унайыс ордын дъяконалас кутшомкó кад, мед вичко да поп уджас ёндышка пырдышыны. Майбыр, семинарияд велодчом бöрын быттö сы водзыс пемыдys разаліс, а öд кутшом дыш вöлі мунны Вöлөгдаас. Пыксыны весиг кутліс, Ульяна съёмомсö жугöдіс да. Батыс сэк самöвар моз пузис, тасмасö тайкö эз разь, Володя вокыс буродіс сэк Павел Петровичöс. Родион пельын öнöдз на батыслон скör гёлöссыс:

«Ыжпаса кырымнад ылодз он во!»

«Бать, ме гижны-й, лыддысыны кужа...»

«Этша на кужан, уна коло кужны!...»

«Сізд, зарни пи, сізд...— сідзкайтіс син дорсяныс кольквиж тошка унайыс.— Батызд буро велодö.»

«Ме, ме...» — помнитö ассыс мытшъялёмсö Родион, кёсийис шуны пармачуркса нылос радейтöм йылысь, но батыс öзйома нин вöлі: гöрд биён ышиис тошкис и чужомыс. Татшом скёрнас батьсö эз на аддзыв. Енмыс тöдö, кыдзи эськö помасис ая-пиа костын сэксся сёрниыс, сяммис кё Родион мыйкó гарыштын Ульяна йылысь. Эз нин этша көрит ассысö, мусаник ныв йывсыыс лои сэк висытавтöм да.

Эз лок Ульяна Изъяю берегö, ставсö тайös эськö öні висыталаіс радейтана аныслы. «Мый тон и локтас верёса бабаыс?— чорзьöдчис Родион.— Ме, дашкó, важён нін вущий сылон паметтысь...» И, век жö, талун вöлі ичöтик надеятор. Родион казявліс, кыдзи сыкод аддзысылom бöрын ичöтик Павел — ас дöраясь кузь дöрёма да кöмтöм — пурсы\* кузя котörtіс гортланыыс.

Сідзкö, кодлыкó висыталіс тöдтöм дядьö йылысь. А челядьлон вежöрыс сэтшом, веңджык медводз быдтор йылысь юртöны мамыслы. Збыльысь тадзи и вöлі, кыдзи думайтіс Родион. Дерт, вермис тыдовтчыны и Öврам, но татшомторсö тöд вылас эз босыт. Седбöаліс кöбыласö, босытіс дом поводöдыс и кайисны кырыйыса ордым вылö, сувтышліс и помсянь помöдз нүйдіс синнас чукыльось-мукульось ю ковтыссö:

— Прощай, Изъяю!

Мед пу лаптязыс эз гирсайыны чужомсö, күшинö вотöдз мунис подён. Сэсся кокния вожасис седlö вылö, и рöдйон мöдöдчис Веждимлань. Аныюр туруна да бöнъдюга видз вылö колис кöбыла кок туй. Уна туйвеж да уна чукыль на виччысьёны олёмас Родионöс.

Атшамёныс котörtіс Ульяна. Дöрöm бöждорыс гарчö кок гöгöрыс, пысасылö мүнин чурвидзысь быд лöптö, усылас-чеччас и бара водзö: сöмын мед суны! Сыд вöрöд, некутшом ордымтöг сук понöльяс пыр веськыда Изъяю берегö — юлань нёрынътчом пожöма, сьодгöрдöз кисымöм озъя берегö. Коло суны сэсся Родионöс, висытавны став збыльторсö. А збыльторыс öти: грездö пыран крест дорын аддзылom зонкаыс — Родионлон пи. Та йылысь тöдöны сöмын куимён: ачыс, Родион да налён Муслуныс. Часлы,

\* Пурыс — потшöс пöлён туй.

вештыштас чужёмас ляскысьём сьёд черань везъяссö, кашкёмыс кылó яг пасытаяс. Матын нин, матын, сажень сё — и мыччысяс Изъяюлён югыд чужёмбаныс. Слабог, некод оз аддзы том нывбабалыс котортёмсö, некод оз тёд, мыйла да кытчö, кодыс пыший та öдъяёсö. Тёдис кё, шуис эсько: «Господьёй-Енмой, кутшом срам! Бокёвой мужик діно тадзи кыскö мужика бабаёс!..» Буретш та вёсна и дыр куйліс Ульяна юрлөс бердас ляскысьёмён, пырсö эз во вежёрас: мый вёчны? И со, зонмös век на радейтёмыс вермис полёмсö. Сий котортис эз вир-яйсö ворсёдны, а мунис кокньёдны ловсö, мынтёдчыны коть здук кежжö отторя мырсыём-пес-сёмысыс, вылыс тыр синмён видзёдлыны муса мортлон синъяёс — медводдза пиыслён бать синъяёс. Ульяна тэрмасис берегё, кытчö колис дас кёкъямыса арёса томлунсö; сэтчö, кёни сийёс некод нин эз виччысы.

Ю нöрыссяныс на нывбаба казяліс: берегын чёв-лöнь, вёла морт некён эз тыдав. Вадорас нин кок увсыыс казяліс вёв сіт: дука на, абу на весиг чорзыштöма, шукисны сэн лёз сітана гутъяс. Ульяна вом дорас топёдыштис кияссö, кузя горёдіс ю катчёланыыс:

— Роди-о-он!

Сэсся тадзи жё горёдіс ю кывтчёланыыс. И сёмын вежа-веж кыліс йёлøга:

— ...он! ..он!..

Тёдчисны вёв гыж туйяс, тасянь водзёджык, катыданыыс, кок туйясыс вошёны, сідзкё, татчöдз и волёма Родионыс. Мунёма дзик на неважён. «Сёрми...» — пыдісянь, быттьёй ѹёткыштис морёс пытшкёссыс став ловсö, ышловзис Ульяна, пöрччом юр кёртöд помнас чышкаліс син дорсö, пöсялём бандизбсö. Личёдліс балябёжсыс кыкнан кёсасö, гартоvtis топырджыка. Павгыртис дöрём да сарапан бёждорсö, пожъяліс сись кодь еджыд кок пöкъяссö, гожъялём чужёмсö. Котіасис, и вылын морёса да мича, юр кёртöднас öйтчиg, дыгыда восьланіс грездланьё. Юр веcътас ломзис ыджыд да югыд шонді, а сьёлёмас нуис сьёкыд из.

\* \* \*

... Унаыс нин парма чурк бокшын шептасылісны ид да сю, и зарниён пöртмасылісны арся шонді водзын. Унаыс нин джуджыд лым эшкынён шебрасылісны муяс да видзяяс, кытчö кок туйнысö кольлісны пармаса быд сикас зверясыс. Унаыс нин ойдіс тувсов шонді улын Изъяю, визулыс эз нин этша кыр крутладор берегъяссö. Унаыс нин гожйёдліс гожся шондыс Пармачурклыс да пармачурксалыс чужёмбанысö. Содісны выль крестяяс грездса кладбище вылын. Пöрысъмёны оломаяс, сонъяммёны томъяс. Чужёны челядь. Выль, кызыбд нэмё вуджигён, Ульяналы да Оврамлы сетіс Енмыс нöшта öти пиёс — шуисны Митрейён. Куим чоя-вока нин Прокö Оврамлон семьяын, а гöтырыслы сёмын на кызь квайт. Павел ичötсяныс петкёдчис сюсю детинкаён, и Оврамлы окота вёлі сетны писо школаö. Медматысса велёдчаныыс Веждимын, шусис куим групппа öти класса училищеён. Пож Таттянлён, Тимё гöтырлён, бать-мамыс Веждимынöс, сёрнитчасны да на ордын и кутас овны Павелыс, рöдняяс вед. Прамой ногыс эсько Пож Öльёк Таттян, но кокньёдём вёсна Öльктöгыс шўёны. Таттянлён батыыс по бид' уджё сибалыс, пызь пожналан пожъястö по вёчалö, сэсся нуё Павел Петровичлы, коді и вузавлö аслас

магазинсянь. Тадзи и Пож прёзвищеыс кёвъясыома. Мёкей Ёсип да Пож Ёльёк шоча волысьоны ёта-мёд ордас. Гашкё и, волысисны эськё, олісны кё ёти сиктын, а то вед сватъясоц дас верст торйодё. Тимё гозъялон медводдза нылыс, Вассаыс, коди воча воксыыс, Павелсыыс, ар-мёдён ыджаиджык, сийё жо училищеас велёдчис, гижны и лыддысыны кужё. Велёдчигас группасаас қык нывка и вёлёма, сэсся ставыс зонкаяс. Вёлостьса земствосянь либо лесничествосянь грездё воём бумагаястё Васса лыддёй йозыслы, гижома кё рочон — комиодны кужё.

Грездын Павел лоис мёд велёдчом мортон, коди кырымпас пыдди оз нин кут крест пуктыны. Зонка окотитис и водзё велёдчыны, но унджык тёдёмлун сетьс школьясыс ылынөс грездянь, мукёд вёлостясын. Веждимын сэтшёмыс эз на вёв. Эжва катыдын гижны-лыддысыны сяммысызд сэки этшаён вёліны, быд сё мортис, гашкё, дасыс и кужліс. Кыдзи дзоридз кыпёдчо шонділань, сідзи и коми войтыр писькодчисны югыдлань — пемыд вёр пыр, дзуг да сук понёльяссö водзывьссыс вешталігтыр. И тайё пемыдсыыс петны отсалісны тшотш и вичкояслон жыннян шыясыс, попъяслон буро велёдана молитвасыс. Медводдза школьясад да училищеясад велёдьсияснас попъяс и вёліны. Эз весьшорё важ йозыд кыпёдны вичкояссö медся джуджыд да гажа mestаясас, ён да мича кирпишис, зарниён югъзёдом крестясын да енэжсö окалыс югыдлөз гёгрөс сигёръясон. Быд вичколы да часовнялы сетлісны Ен праздник нимъяс, а сідзжё налыс, кодъясоц бур вочны велёдліс ачыс Иисус Христос, мёд ног кё, апостольяслыс. Дерт жо, эз ставон вёвны молитваён олысиясон, Енмёс тёдьсиясон, вёліны и Ен тёдьсис улёт лэдзчыссыомъяс: сёмын Ен нимнад по кынёмыд оз поёт.

Пармачурксаяс да веждимсаяс медся пыдди пуктылісны ыджаид лун да Илля лун. Сэки грэдса вермана йоз — томъяс и олёмаяс — ләччывлісны сывны молитвасы, ныбны сисьас да пернаяс Веждимса часовняю. Сэні жо грэдса нывъяс да зонъяс тёдмасылісны веждимса том йозкёд, а кодсюрёлён тёдмасыомыс помасыліс и гётрасыомён. Часовняны юрбитлісны и вежа Власийлы да Модестлы, та вёсна и наён нимъясон — Василийон, Ласейон, Модестон — шулісны ассыныс челядьсö уна бать-мам. Лунсо шулісны Медёс лунён и пасыйлісны во помасигас нин. Пуктавлісны, дерит и, сэтшом нимъяс, кодъяс эз лёсивны матыса вежа лунъяскёд либо сыватойяслон нимъяскёд. Веждимын ас попыс эз вёв, волывлісны службасö нүодны либо кутшомкё обряд вочны мукёд вёлостясысь ичотджык чина попъяс. Налы мынтысылісны асыныс крестьяна — сетлісны сёым, пирёг-шаныга, кёвдум, черинянь; коди мый вермис. Грекъяслыс мездиссыом могыссы часовняю юрбитны ветлывлісны Мёкей Ёсиплон, Кузьма Проколён да Елисей Гришлон котырыс пырджык отвылыс.

Митрей быдмис пувывса йонгыль кодь топыдён, вир-яйнас мунис батыслань: сёйд юрсиа, горба зумыд ныра, сёнод. Ар дасон нин лоис гортас бур отсасысыон, кужис доддявны вёв, куртіс турун, вёнявліс ид да рудзёг колтаяс, ломтыліс пывсян. А кор ворсліс ас кодьомъяскёд, некод эз вермыв сийёс ляскыны. Ачыс на вермис уськодны кок йывсыыс весиг ыджаиджык арлыдаясоц. Зонпоснилон вёлі мода венлашыны Изъяю берегын изйон шыбласыомён. Митрейон чилгом ичотик изйыс лэбліс став сертиныс қык пёв ылоджык. Лайсылісны и ньюввужыйсь. Бара жо Митрейлон ньювийыс качліс медвылёт: векыштас вомсö, мый вынсыыс

зэтвас вуджсö и ёсь йыла ньёв весиг вошлас енэжас и тыдовтчас сомын усигас. Ворслісны и дöра мачён, Изъяюса джумъяинын сунавлісны, венласълісны, коді меддыр кутчысыс ваас юрсö сюйёмён, коді медылö варччас ю паныдсö. Митрей век медводзын. Майбыр жö нин гожёмнад челядьыдлы: шоныд, гажа, оз ков уна кём-паськом. Шондіа лунад котралоны дзоридза эрд выйті, киколясъоны; кутасны малямушöс, кок бердсыс босътасны чöскىд масö и бöр лэдзасны. Озджык кö артмы кутöмыс, киад на чушкас. Юнь помланыыс кыр бокшаясыс оз сёйёны, а юльын кос күшинъясын чöдлач нин лöзöдöма, кузь турун да петшöр пиын небыд гум нюжöдчома.

Митрейös чужтöм бöрын Ульяна кык кагаös на вайліс, некоднаныс эз лоны олысъясöн: öтиыс, зонкаыс, весиг арösöдз эз ов, а мöдис, нывкаыс, ар куимён кувсис. Мамыс, тыдалö, аслас вир-яйыс став вынсö Митреиы куралöма: (тыпу-тыпу-тыпу!) некор на нинöмён эз висълы. Павелсъыс кöкъямыс арösöн ичötджык, а мутшкö-сёйö ыджыдджык вок сертиыс унджык. Оз и ыджыд-пырысъ быдмы Митрей, а жытник кок кодь зумыд. Регыд и ыджыд батыыс, батыыс да, вöравны велöдасны: сиасыны, лэчяяс да петляяс пуктавны, кок туй серти зверъясöс тöдмавны. Павел важён нин ставсö тайös кужё вöчны. Торъялöны обликнас кык вок, обичанас и. Семьяас Павел öтнас пернатöм, перна пыдди паськыд морös вылас пуритö читкыля гöрд гён — арся жовпу куст быттьёк. Дзöля дырииыс кö тöддис вель уна молитва, велöдлис ыджыд мамыс да, öні ставыс нин вунёма. Сёйны пуксигад пернапасасылö жö-а. Кымын быдмис, сымын ёнджыка читкыльтчис Павеллён пемыдгöрд юрсиыс, быттьё вek руч ку шапкаа. Мöдей Пекла тапнитас нуксö да шулывлö: миян котырё по мунöмёд, а абу по Кузьма Прокö ни Мöкей Öсип котырё, менам пöльёй по, помнита да, дзик тэ кодь вöлі, Руч по-й вöлі прöзвищесъ. Збыллысъсö эсък абу тадз, мёдарö, муговысла сьöд руч прöзвищеса вöлёма. Öврам кыкнан писö ёна радейтö, но руаджык быттьёк Öксинь динö, дас квайт арёса невеста нин öд, верös сайö сетан арлыда.

Со тай, коскöдзыс сьöд кöса лэдзöма Öксинь, батыыссянъ юрси рöмыс, а син рöмсö ыджыд мамыс козыналöма — ыджыдöсъ да сьöдöсъ, лöссыдик тушаа. Шуласны тай: оз тусь кодь нывкаыс. Мойму нин Гриш Миш шыöдчылïс Öврам динö, менам Иван пи по косьмö тэнад ныв вöсна, гашкö по, коркö сватъясöн лоам, рöдняясöн, личöдышт по оланитö. Жаль на по, мед на по гортын олыштас, вочавидзис Öврам, содтис сэсся: «Иваныды на и мойвиас, тэсся и абу жöникис, ставныс нин рöдняяс».

Веждим кöть и ылынкодь грездсянь, но абу куим му сайын. Жöникис и невестастыс сэсся сюрас. Мöкей Öсип Тимö тай лöссыдашана олö аслас Пож Таттыныскöд-а. А вот Гриш Мишлён гöтырыс, веждимса Аннаыс, воддза кадсö кыпгъялыштлöма верös водзас: татшöм пемыд пельёсö по менö вайин, скöр вывсыыс броткылöма, парма чуркнас и ставнас по. Отарö пышыйны кöсийома, а мыйён челядяясис, тати медся гажа местаён лои. Веждимса Анна öтчыд вайöдлис Пармачуркйö ичötджык чойыслыс писö, Никонорös, гоститны. Кодкöкости и тöдмасыны вевъялöма Тимö Вассакöд, Ульяна воклон медыдьыд нылыскöд. Тöдмасьомыс помасис корасьомён, сэсся и кöлысъён. Венчайтчыны ветлісны нелямын верст сайö, матынджыкас попа вичкоыс эз вöв да. Веждимын кöлысялісны, сэтчö и кольччис сэсся Васса, волывлö грездö бать-

мамсö видлыны. Вöлёмкö, Васса да Никонор öтлаын велöдчылóмайсö школаас, сэксянь нин тöдсаöс. Öнi быдтысыöны, нывка медводдзыы.

Кор сюрё стрёка, Кузьма Прокö волывлö Мёкей Öсип дорö öтлаын тышынасыны. Орчён мыдджясын потшöс прасла вылö и öтарö мыйкö варовитöны. Кузьма Прокö корсюрё шырлö ассыыс тошсö, а уссö лэдзёма — табак тышынсыыс абу сöмын ускыс, быттьö тшöтш и син еджыдыс вижöдöма. Век пöгибын бумагаись. Веждимö быд лэччылысъкöд бумага корö судзöдны. Öтись, пикö воис да, ковмис молитвенникисъ листъяссö нетшкыны, мед чигаркасö гарыштыны. Слабог, гöтырыс эз тöдлы. Вöзий Öсип сватыс каллян вылö вуджны, да пыксьö мортыц: öзтынысö по абу кивыв би-васяньыц. Елисей Гришлы лöссыц, оз куритчи да. Куимнанныс пöшти öттшöтштьяас, кык-куим арён и торъялöны. Куимнанныслöн пиян да нывъяс, нукъяс да нучкаяс. Эз весь овны вольной светас парма чуркий мединдза воысъяс да налён челядьыс. Паськыц мувидзъяс кольёны локтан кёленаяслы.

— Öврам зять вот выль керка кёсий панны,— тадзи жö куритчигён öтчыц казытыштис Мёкей Öсип.

— Мед стройтчёны том иёз, налы кузь олём на колö олны,— дзор синкымсö кёрлис Кузьма Прокö.— Оз кёлоны войнаяс, бур олём на пуксяс му вылас. Ыджыц да мича лово миян Пармачуркным. Унджык челядьыц ловас да, школатö на восьтасны-й. Веждимса челядьыдлы мый, майбыр, места вылын школаыц да.

— Менам вот Иван нук лэччылïс Веждимад ыджыц мамсö да ыджыц батьсö видлыны, кылло ма кысъкö да висыталö, таво по Кекурын школа восытöны. Лебежнöйын вед во кык сайын нин воссылïс-а. Парчас вот эм али абу, ог и тöд ме,— сёргисö лабутнöя нүöдис Елисей Гриш.

— Ыджыц керка кёсий стройтны Öврам зять, кык судтаös, мед по купечлон кодь лово,— бара тöдчöдис Мёкей Öсип, и, тыдалö, Павел Петровичыс керкасö тöд вылас кутис.— Вылыс судтаас по асынм кутам олны, а улыс судтасö по школа уло сетам.

— Керийц уна сажень колмас. Сетасны сы мындатö?— шыёдчис Кузьма Прокö.

— Мыйла нö буртор вылö вör оз сетны, вöрын олам да,— шүö Мёкей Öсип.— Павел бумага гижас земской управаö, сидз да сидз, школа по колö лэптыны.

— Кор тэсся та ыджа уджсö кёсий панны?— юалис Елисей Гриш.

— От тöд, кутшöм кылйö воисны батя-ши,— эз стöчмöд Мёкей Öсип.— Павел тай шувö, кытчöдз по выль керка ог лэптöй, сэтчöдз по ог гётрась, некытчö по татчö невестасö инолны.

— Пöдлиннö, Павельдлы нö кымын ар нин?— телепит лои тöдны Елисей Гришлы.

— Öнi ми кутшöм воин олам? Дасöдьин? Да, дасöдьин. Но, вот, дас кёкъямыс нин тырис кольём тулыс. Семья лöссыдан кад нин.

— Веждимысъ колмас ичмоныпутö корсыны, али тась на сюрас,— эз инасъ Елисей Гриш.

— Павельдлы, яг рыжик кодь мича зонмыдлы, майбыр, оз на кол нелямын керкаö пыролны гöтырпуыдла. Любойыс петас сы сайö, аслас кё кёсийомыс лово.

— Дöмас дöмиссыц сюрас на сия,— шыёдчис Кузьма Прокö.— Отласян тай да сидз тэсся-й олан. Миян тай Педёсъякöд

гётрасиганым пон да кань, перна да пань и вёлі да, со кымын во нін ётлан кургам. Быттю тёрыт на-ай гётрасим-а.

— Радейтін гётыртö, вот и ёдйё коли кадыс,— тышналысь каллян помнас пель розъсö гудыйштіс Мёкей Осип.

— Кадтö тай он пык, тулысын йи моз ачыс кылалö,— ружтовкерис Кузьма Прокö.

— Ок-ок-ок! Пиня пораад жё тай мортыд морт-а,— томлунсö жалитіс Елисей Гриш.— Кокъясöй вот юкалöны, ог тöд, дыр-ö ноллодасны.

— Тэ, Гриша, куритчытöгыд дыр олан,— вежаліскодь Мёкей Осип.— Тэнад морös пытшкösöд горнича кодь, а менам да Прокölön сэті, тöдомысь, рынышын кодь нін.

— Сюлой мениö пöгибö воштіс, асмогасыны эг кут вермыны,— водзö норасис Елисей Гриш, öтарö-мöдарö дзёрнитліс, мед эсько челядь эз кывлыны тайö шуöмсö, а то серам выв лэптасны.

— Гётырыд нö кытчö видзöдö? Мый оз бурдöд Ириныд?— эльтыштöмкодь артмис Кузьма Прокölön.

— Мöс мында нін ме юви быд пöлöс турун ватö. Пасибо, зонмö, гётырлы, пузьбöдö турунтö. Не кö гётырой, колёкё, кулі нін. Кос вотöс ватö уна юва-ай.

— А тэ ешö и кослунасълан на,— жалитіс Мёкей Осип.— Сюл висьёмнад и кослунасътöг позьё, прöститас Енмыс.

— Велöдчöм пельшöрлы колö петкöдчывны,— чуйдіс Кузьма Прокö.— Куломдінын да Шорчомын по уна висьомысь бурдöдöны. Веждимсаыд Немдінö ветлыллоны, сэні по зэл жö бур пельшöрыс.

— Микайлö пиöй эсько шулыллö, нула по кодарöкö пельшер дінö, да некытчö нін ог мун. Нэм помöй, тыдалö, матысмö. Иван нукös вот окота на гётролны. Осип, сетан менам Иван сайö... Öксинтьö?— Елисей Гришлон юаломыс полёмпрысыс артмис, дай «менам Иванён» на шуис нуксö. И, надейнö, помка вёлі тадзисö шуны.

Во дас вит сайын, гашкö и, унджык нин колис, Микайлö пивс пакоститгис Мёкей Осиплён вёralan угоддьоын: сылон пеклясь гусяліс йöраös. Абу на вёлі ылö мунома, Мёкей Осип вётöдіс Гриш Мишös, пищальсо сыланьö чургöдіс: сувт по, а то ловтö татчö перъя! Быть öд сувт, йöра тушаа нортнад ылöдз он пышы лым питтïыд. Пидзöсчанясъёмөн Гриш Миш корис прöща: «Воши ме, тэнад угоддьöö кежсъома... Прöстит, Осип Мёкеевич... На, босыт Ен могысь, мед тая кольо тэа-меа костын... Он кö висьтол некодлы, ачым кыя да содтöд йöра на тэн сета...» «Тыпу!»— ылöсас съольштіс сэк Мёкей Осип, став тушанас сырмис скöрмомыслы. Гриш Мишлон нортайон и кыскис сэсся йöрасö аслас вёр керкаöдз. Бур нин, Микайлöыс эз водзасас да, пищальсыс на, тыдалö, повзис. А сидзсö, том да ён мужикид Осипös вермис и сатшкыны лым пиас майöгён моз; йöраыс по менам, а абу тэнад, шуис дай. Коды норасян, адзылысь-тöдлысь сэсся некод эз вёв да.

Мед эз ло пöваднö, Мёкей Осип век жё висьтасис Елисей Гришлы: тайкö по эг лый питö, сы ыджда грек по эсько босыті ас выlö. Юр яндзим вёлі Елисей Гришлы, кык юр кö вёлі, усис эсько öтиыс, öд вёralыссыяслон гусясъём модаыд эз вёв. Сöвестыд көть и пиньтöм, йирö тай морттö. Сы борти мустöмтны күтіс писö, көть и ассыс пытшкösса лёглунсö явö эз петкöдлы. Кад кольом мысти Елисей Гриш пасибо висьталіс Мёкей Осиплы, эз пасыкöд грездас мисьтöм сёрнисö да.

Гриш Мишлон гусясъёмыс таён эз на помась. Мёдысь вёлі

сүёма сійös йöz ләчкысь съёла мездалігөн Ёсиплён пиыс, Тимоыс. Бара жо эз паськав сёрниыс, мирён торйöдчомаобыс. Тыдало, Енмыс и эз прости Гриш Мишёс гусясьомсыыс: корось чегъялігөн рос сутшкысыёмса син бугыляс, тускавмёныс. Сы борти йöz чоc туда эз на кежав, мёд синсö воштомуыс поло; батылонсыыс паськыдджык тош лэдзис, зэв жо окотито, мед эсъко моньён Ёксинъ лоис. Иваныс сідзсо лёссыд морт, рытпукигъясад Ёксинълань и сетчо. Полыштöкодъ, мед эсъко Веждимысь некод эз лок женикпүис. Вассаös тай ичиныслён пиыс Никонор пышийöдис-а.

— Но, мый, Ёсип, сетан Ёксинътö менам Иван сайö? — выльыссаюалис Елисей Гриш.— Эн тай нином шу.

— Тöдан вед, Гриша, мый ме шува: съёлом серти кё отамёдныслы, сёмын любов да сёвет налы. Нянь-солнад съёломтö он верд, мыйкё сылы сэтшомтор коло, весиг и кылыд оз сюр. Мед сёмын батыыс да мамыс бур сиисны-а.

— Сідз, сідз,— ус помсö чигаркаös моз гарліг шыасыліс Кузьма Прокö.

— Пасибö лача сетёмсыныд. Коркё, тадзнад, ставным на сватъясон ловам. Нуклы, Ивуклы, сёрниымös гусьоник висытала, ас кежын.

Тайö сёрниыс вöлі ар помланыыс, күшöсси нин вöліны сёркни да кёчан муяс. Арся Микаилö лун бёрын, кор мусыс эз на вöв пыдёдз кынмёма, ёна мучитчом бёрын, ас вежорас да юр садяс и кувсис Елисей Гриш. Квайтымын витöд ар выло на-й вуджис. Эз удит гётравны ассыыс Ивук нуксö, эз вевъявны лоны сватъясон томдырсянъ ёртыскöд — Мёкей Ёсипкöд.

Водзö лоö октябрин.

□ □ □

**Александра МИШАРИНА**



## Чужан мүй — съёлёмын

1

Висер юлён мёдлапёлас  
ольыс зорёдъяса, ар нин.  
Ягö каян векни раскыс  
вижёдома, быттьё зарни.

Яла ягас быд пу костын  
чуманаяс копрасьёны.  
Шондi паныдсö кор мунан,  
он и аддзы, тшакыс кöнi.

Нöшта пöриёдчöны коръяс  
кудриасьём яла вылас.  
Сиктыс тасянь сэтшöм матын,  
пон увтöм и быд шы кылö.

А кор ягыс лымъя, тёвся,  
Юр весьт енэж шондi бана.  
Лызьён татчö бара тёвзя.  
Му выв гажыс—вöрас танi.

Чужан сиктöй помсянь помёдз  
ки пыдёс вылö моз пуксьём.  
Медым некор жö оз помась  
сэтысь олёмыс, оз дэугсы.

2

Кузь тёвсыыс сэсся  
век жö мудзан, дöзман.  
Ю вóссыём виччысян,  
а ийыс век на ён.

А таво апрель шöрас  
вöлi лбз нин.  
Öд шондi гожся кодь  
сэк вöлi дон.

И воліс яла ягöдз  
Висер юыс.  
А ойдлём ольыс  
Турун сетіс бур.

Ме важён торъялёма  
чужан мұусыс.  
И оз нин меным  
ытшкыштынто сюр.

А сёмын важсо  
казтышта и бара  
Бёр қыскö менö  
дінас чужанін.

Сы выйöдз мустöммывлö  
дёнзьём карыс.  
Сэк бара ме  
ог аддзы аслым ин ...

### 3

Вёр сайё шондi  
саймовтылö сутш.  
Ми водыштлам да  
вугыртлам и сёмын.  
И бара киын коса,  
съокыд удж.  
А гожём ворсöдчö тан  
уна рёмён.

А виддзыс сэтшом,  
ытшкынытö жаль.  
Öд катшасинъяс  
водöны кок улö.  
А тайё мича  
дзоридзъяса шаль  
медмича баситчантор  
чужан мулён.

Вёр боклань вотöдз  
муртса нин ог усь.  
Ог кыв нин весиг,  
кыдзи курччö номыс.  
Льём пулён кисьмёма нин  
дзик быд тусь.  
А чёссыд кöрыс  
Öнi на век вомын.

Пу улас петö  
козöдьсь моз ёль.  
И пиняд лыйö,  
чиблёгысь кор юан.  
О, чужан мүöй,  
тэнö ме эг коль.  
Ас съёлёмын тадз  
олём помöдз нуа.





Нина ОБРЕЗКОВА

\* \* \*

Öні олам тәкөд карын,  
Сыктывкарын,  
Мед ми чужлім кёнкө ылын,  
Тұлсысын ли арын,  
Öні олам карын,  
Сыктывкарын.

Асывъяснас енәжыс  
Тані сізд жё мича,  
Кыдзи миян сикт гёйр  
Быдмысь пёлөзнича,  
Кыдзи гортса сад йёрын  
Розъялёр льём пүыс,  
Тані сізд жё ышмалёр  
Еджыдён быд тулыс.

Сиктой менам, донаёй,  
Менё простиш.  
Быть ме вола тэ дорё  
Коркё гёсти.  
Öні сет мен вёля  
Овны карын,—  
Выйті дона лоис меным  
Сыктывкарыс.

\* \* \*

Олёмыд тай  
тёвся вёрын бипур места тальём кодъ...  
Мый пасьта талян,—  
Сы ыджа и лоб биыд,—  
Сы выйё и шоналан...

\* \* \*

Бордъяс вылын тэнё нуа  
ылё-ылё мусянь...  
Мудзи...  
Бордъяс лэдзи...  
Бордъяс лэдзи...—  
Усин.

\* \* \*

Коді нё пондас тэнё радейтны,  
пöрысьнад,  
Ачыд кё томнад некодёс эн лелькуйтлы...

\* \* \*

Сідз и коля,  
Мыськавтём да дзебтём —  
Керка шöрын  
бöрдьсь мед эз вöв.  
Восьтой керка вевтсö —  
ачым лэбзя —  
кыдзи унаясь нин вöвлі —  
еджыд вöв.

\* \* \*

Мый тэ верман зэрлы вöчны?  
Нином он...  
Зэрö, зэрö, зэрö...

\* \* \*

Мужичойяс  
нэмъяс чож  
нывбабаöс  
шемёсмёдны зiлисны...  
Кодё  
ыджыд тышын вермёмён,  
Кодё  
чери-яя прöмысöн...  
А тэ?  
Тэ мыйён верман менё шензьёдны?  
Ниномён...

\* \* \*

Водзджык кё челядьтö лöсьёдан,—  
Водзджык и верстямман...

\* \* \*

Сöмын на велалi кывзыны  
аслам кывбуръяс йылысь  
бур кывъяс...

\* \* \*

Оз кё артмыны кывбуръяс,—  
Пöжала нянь.  
Ёртъясоc чай юны кора,  
Няньйö оз сукмы,—  
Эновта пань,  
Нёйжёйоник дöвга вадорö...





**Елена КОЗЛОВА,**  
Коми Республикаса гижысьяслён  
котырён веськёдлысь

## Олём. Школа. Литература

Олём да литература. Литература да школа. Школа да коми кыв. Кыдзи тайё ставыс йитчёма? Та йылысь ме мёді мёвпавны финн-йёгра гижысьяслён VI-öд конгресс кежлё дасьтысигён — сийё лоё тавося августын Мордовияын, Саранск карын. Сэні сёрниыс та йылысь жё кутас мунны: «Школа. Литература. Водзё олём». Ме чайта, сёрни лоё паськыд, аслыссикас видзёдласа, ёд быдёнлён съёлёмныс висьё-тёждысё чужан кыв вösна, майшась литература да книга вösна. Позьё ыдъястьёг шуны: школа да литература костын зэв топыдёссь йитёдъясыс. Олымыс, канмулён туйвизыыс петкёдсё литературын, а литература да кыв öти гёродынёссь школакёд да öтылысь кыпёдёны вужвойтырёс (нацияёс).

Позьё уна ногён артавны-муртавны литератуralысь да школалысь коланлунсо, но ми ставным тёдам: вужвойтыр сёвмё сэк, кор сылён эм аслас кыв, и кывсö сёвмёдö литература, а кывлён да литератуralён асқиа луныс школа сайын. Кор ме та йылысь мёвпалi, мыйлакё меным окота лои öткодявны тайё вежортассё лэбачкёд. «Лэбачыс» — сийё коми кыв да вужвойтыр (найёс оз позь торийдны), а бордъясыс — литература да школа. Кор öти бордыйыс доймё, чегё да дугдё отсасыны мёдыслы, лэбачыс оз вермы кыпёдчыны енэжас.

А видзёдлам кё тайё лэбачыс вылё история кадколаст пыр, сэки ми казялам, мый миян коми лэбачыс пыр борд пёла. Гашкё, кыкнан борднас сёмын кызьёд воясö и шеныштчылiс, нимкодя лыбодчылiс. Сэк, кор чужис медводдза коми книга, воссялiсны школаяс, тыр öдён мёдiс сёвмыны литература.

Со кыдзи та йылысь гижё венгрияса нималана учёной Д.Фокош-Фукс «Комияслён ловзьём» гижёднын: «Кутшём рад ме лои, кор 1925 вося арын меным ыстiсны пакет, а сэні книгаяс да брошюраяс сийё Коми мусысы, код йылысь менам колины сэтшём дона казтылёмъяс 1911 да 1913 воясö сэтчё ветлём бёрын. Зэв ыджыд долыдлунён ме босытчи тёдмасыны ыстём

журналъяснас, и син водзын сувтіс ловъя литературной пуюм-оломлён яръюгыд серпас».

Сій жо воясас ас кок йылас зумыда сувтö и школа. Комынöд, нелямынöд воясо, И.Сталин веськёдлан' кадö, коми мусын вöлi национальной школаяс, 7-од классöдз велöдисны комиён, лои пöртöма олöмö Ленинлышь национальной политика туйвизь: быд войтыр велöдöны асланыс чужан кыв вылас. Сідзкö, тайö кадас öти борд пöлыс лëбачыслöн вына. Видзöдлам, мый тайö кадас вöчö мöд «бордыйс» — литература. А сій лётмунöма. Кызыöд воясо крепаммыштöм литература пасьвартöма. Комын нёльöд воян пуксыöдöны Илля Васьёс, комын сизимöдын — Нёбдинса Витторёс, Жугыльёс, Тима Веньёс, Изъюр Иванёс... Гижысьяс пöвстysь кольбоны котырса шлен Михаил Лебедев да кандидат — Геннадий Федоров.

Комын öкмисöдын Човса тюрьмалын кувсöю югыд енбия гижысьяс Тима Вень, нелямын коймöдын — Нёбдинса Виттор. Ловийон кольбомаяссö увтыртöма, кедзовтöма, мыжтöг мыжалöёма...

Коми школалын сэки эз велöдны гижöдъяссö медбур коми гижысьяслышь. Коркё Геннадий Анатольевич Юшков висъставлывлïс, мый школаас велöдчигöн абу лыддыывлывлöма Виттор Савинлышь ни öти гижöд. Оз по велöдны. Сöмын Москвайын, Литературной институтын велöдчигöн нин, тöдмасьёма Иван Молчановкöд да сій и сетöма лыддыыны Нёбдинса Витторлышь книгаяссö. Ёна по и чуйми, шуö Геннадий Анатольевич, кутшöм мичаа по, вöлöм, позьö гижны комиён!

1956-од воян нин, КПСС-лён кызыöд съезд бöрын, «Войывык кодзу» журнал выльыссы йöзöдис медбур гижöдъяссö Виктор Савинлышь, Вениамин Чисталевлышь, Иона Чисталевлышь, Иван Симаковлышь, Егор Колеговлышь.

Бöджыд войналён бia тöв ныр чышкыштöс енбия йöзсö: томён усины Ананий Размыслов, Василий Елькин, Владимир Латкин, Яков Чупров, Иван Симаков, Александр Габов, Иван Осипов...

Но сій жо воясо чужис медводдза коми роман «Алой лента» В.Юхнинлён, войнаборса воясо — «Тундраса бияс» сylöн жо, Я.Рочевлён — «Кык друг» роман. Сюргисны литератураö вöвлöм фронтöвикъяс: Серафим Попов, Иван Вавилин, Федор Щербаков... Но воддза воштыссымъясыс ёна на тöдчисны.

Литература крепыда бордъясис сöмын 60-од воясо, кор воисны выль йöз: Геннадий Юшков, Иван Торопов, Нина Куратова, Петр Шахов, Альберт Ванеев, Владимир Попов...

Видзöдлам, мый тайö кадö вöчöсö школалын. А сэнi... пöртсöö олöмö партиялён шуöм: национальной республикаясын ёндыхыка велöдны роч кыв. Кодкö юалас: а мый нö по танi лёкыс? Нинём абу, тöлкön да ладён кö. Роч кыв колö велöдны. Но мыйла нö миян республикаын сэтшöм күжтöма босытчöны тайö уджас? Тэрмасьёны бирöдны коми школа, роч кыв выло вуджöдöны районса газетъяс.

Бара миян лëбачыд борд пöла. И тайö туйвизыыс кутсяс 70-од да 80-од воясöдз.

Öкмисдасöд вояс вайисны миян олöмö выль шыяс, выль лача, кодi вермис ышöдны выль выныштöм выло, 20-од воясо моз. И татшöм выныштöмис вöлi. Сöвмö литература. Нималана гижысьяс, кодъяс мыччысисны квайтымынöд воясо, пыр на нимкодьмёдöны выль гижöдъясон. Зiля уджалöёны Александра Мишарина, Владимир Тимин, Виктор Напалков, Василий Лодыгин,

Владимир Безносиков, Юрий Васютов. Поэзия ё воисны: Александр Лужиков, Михаил Елькин, Евгений Козлов, Вячеслав Бабин, Галина Бутырева.

Выль пёв коми муын чужис «Коми котыр», коді ѡддзёдіс национальной движение. Коми войтырлён съездъяс вылын волі сувтёдома выль могъяс, на лыдын, (а гашкё, и медся ыджыдьыс!) — паськыддыхыка велёдны коми кыв. И боръя вояс тайё портсью олёмö. Колян воў Ухтаса быд первой классын мёдомаёс велёдны коми кыв, а 2005-од воў республикаса став школалы шуёма пыртны велёдчан программаё коми кыв.

Дерт, тайё буртор. Но уна на и вочтомуыс. Сьоқыд туйыс лои национальной школаёдз. Коркё, воссылас-ё? Уна кад да вын колё, медым зумыда сувтіс кок йылё коми школа. Ёкмысадасёд вояс пансигён эз лёка сёвмы и литература. Но боръя вояс ми чорыда джёмдім. Ме ог шу гижысьяс йылысь. Гижысьяслён эм мыйон ошыйысьны. Неважён на литературанным озырмис Геннадий Юшковлён «Бива» да Борис Шаховлён «Овлісны-вывлісны» романъясён. Кыкнан романыс — исторической, петкёдлөны зэв ыджыд да коми войтырлы инмана кадколастъяс. Повесть-хроникаён петіс лыддысыыс дорё Иван Торопов; история кадколаст жё туяліс-мурталіс Владимир Тимин «Эжва Перымса зонка» повестьын, выль повестьяс гижисны Гений Горчаков, Виктор Напалков да Алексей Попов. Челядьлы медводдза повесть «Керкаполь» юзёдіс Валентина Иванова, прозаын видлø вынъяссö Эдуард Тимушев. Поэзияын петкёдчисны Алена Ельцова, Нина Обрезкова, Алена Мальцева, Анжелика Елфимова, Вика Карманова, Анастасия Шомысова.

Ме эсько шуи тадз. Литератураыс сёвмё, а литературной процессыс «чото». Мыйла тадз артмё? А сы вёсна, мый книга ләдзёмыс ёна падмис, торъя нин 1997—1999 вояс. Үджыддыхык, кызджык книгалён ләдзан доныс матысмё Сыктывкарын öти жыръя патера доно: сё—сё кыз сурс. Та ыджда съомыц съоқыда чуктö. Сэсся коми книгаясыд медсясö разалёны Сыктывкарын да сы гёгёр, районъясын — кытчöдз позьё вобчыны машинаён. Изъяо да Печора юбокса сиктъясö, буракё, коми книгайд важён нин эз волы. Книга оні разалё съоқыда нёшта и сы вёсна, мый весиг райцентръясын абу книгайын вузасян лавкаяс, уна во нин коми книгаяс эз мёдёдлыны сиктса библиотекаясö, этшаник книга воў школаса библиотекаясö. Та вёсна и коми книгалён тиражыс чинё, и лыдьыс коми лыддысысылён.

Тайё во джыннас издательствоын серпасыс вежсис бурланьё, гашкё, унджык мёдас петны книгайд. Мортыд тай век бурас эскан.

Кыпёдім кё сёрнисö литература да школа йылысь, сідзкё, колё видзёдлыны и литература велёдан программасö. Олёмыс од боръя дас вонас ёна вежсис, а күтшом вежсёмъяс лоины школайын? Со ме син водзын 1989-од вояс, 1994-од вояс да 2000-од вояс «Коми литература кузя программаяс». «Коми литература — каналан велёдан стандартлён коми республикаса компонент» (со кыздзи шуёмаёс, кывыйыд оз бертлась), кодёс абу на вынсьёдома.

1989 да 1994-од воясся программаясыс öта-мёдсыс оз ёна торъявны, унджык гырысь гижёдьыс кольёма, В. Юхнинлён «Тундраса биясыс» кындзи. Сийос вештёмаёс, сідз жё чөйтомуёс Серифим Поповлыс «Нянь» да «Ильичлён лампочка» кывбуръяс, Иван Вавилинлыс «Ленинлы памятник» да «Тарас дед» поэмасö,

Альберт Ванеевлъсь «Ленин» кывбур, Вениамин Чисталевлъсь «Ленин гу дорын» да «Майбыр май» кывбуръяс.

Медся зумыд программасы 1994-од воясы, кодос лосьёдома Анатолий Иванович Таскаев, сэні медся джуджыда да тырвыйö видлавсъю коми литература, фольклор. Урок вылын быть велёдан гижёдъясысь кындзи индома и асшёр лыддьом выло книгаяс.

2000-од воя «стандартыс» (тадзи и мёда водзё гижны) абу программа, а велёдчан книга лосьёдысылы туйвизь, индёт, кутшом гижёдъяс быть коло тёдны велёдчысылы. Лосьёдомаось сийос куимён: О.В.Ведерникова, В.А.Лимерова, А.И.Таскаев.

Ошканыс тайё «стандартыслён» уна жё. Оти-кё, содтод вўзёйны велёдом выло Г.С.Лыткинлъсь «Вежа Степанлон олём-вылом» житие нога повестьис юкёнъяс, П.Ф.Ключковлъсь кывбуръяс, К.Ф.Жаковлъсь майдъяс, «Биармия» да «Сквозь строй жизни» книгиас юкёнъяс, П.Доронинлъсь «Парма съёлёмын» романыс юкёнъяс, пыртёма и поэтъяслыс унджык лирической кывбур; медводдзыас индомаось В.Напалковлъсь, Е.Козловлъсь, А.Лужиковлъсь, М.Елькинлъсь, Г.Бутыревалъсь кывбуръясс быть велёдом выло.

Вўзёйны велёдны В.Тиминлъсь бёръя повестьсö; роч вылыс вуджёдом гижёдъяс, финн-йёгра войтырлыс майдъяс да медтёдчана гижысыяслыс кывбуръяс-висътъяс.

Уна гижёд уськёдомаось Г.Федоровлъсь, кольёма сёмын «Ытва дыррий» гижёд; В.Савинлъсь вештёмаось «Шонді петігён дзоридз косьмис» да «Ва шыр» пьесаяс, сы пыдди вўзёйны «Райын» да «Адын» комедияяс; абуось выль «стандартын» Н.Дьяконовлон да В.Лекановлон пьесаяс; Федор Щербаковлон кывбуръяс; уськёдомаось Б.Шаховлъсь «Тшотшъяяс» романыс юкён да И.Тороповлъсь «Тян» повесть (кыкнансö волі пыртёма 1994-од воя программа).

Уна серпас вуджё программао вежсыытёг, шуам, И.Куратовлон кывбуръяс, В.Чисталевлон «Трипан Вась» висът, В.Юхнинлон «Алой лента» роман, Я.Рочевлон «Кык друг» роман, И.Тороповлон «Тіяnlы водзё овны» да мукёд.

«Стандарт» лосьёдысыас бара на выль пёв видлалёмаось мукёд гижысыяслыс творчествою да содтод пыртёмаось некымын гижёд: Куратовалъсь «Батьяс йылыс висът» да Г.Юшковлъсь «Коді сэки ловиён коли» драма, уна кывбур вежомаось водза программаяссыас Серафим Поповлъсь да Альберт Ванеевлъсь.

Кыдзи вежсъю олёмис, кыдзи сёвмё литература да чужё си выло выль видзёдлас, сідзи и вежсъю школын велёдан программа. Гижысыяслы, дерт, коло, мед коми литературасо челядь велёдисны пыдсиянь, джуджыда да тырвыйö, мед быдмысвойтырлон чужис асланым кыв доро муслун да пыдди пунктём, мед ловзис налён лолын енби чут, од кодко на пыясь босытчас лосьёдны выль сыланкыв.



## Менам вояс

Менам воясой, лэбанныд кытчо?  
Меным тяяттог неуна шог...  
Чужысь луныс кё кисё мен мыччо,—  
Бёрө кольсысыс сэсся оз лок.

Олём воясыс — ас нэмын коласт.  
Сийё содё да паськалё пыр.  
Шудсö тёдл. Дерт, вылысь на волас,—  
Мортлон сьёлomyд эскомён тыр.

Мый мен олёмас сетёма — юа  
(бёрья туяд тай сийёс он босът).  
Воас кадыс да Енмыслы шуа:  
«Мёдар югыдац ѿдзёссё восьт...»

Менам воясой, лэбанныд кытчо?  
Меным тяяттог неуна шог...  
Чужысь луныс кё кисё мен мыччо,—  
Бёрө кольсысыс сэсся оз лок.

\* \* \*

Воддза олёмас кодён ме вёлі:  
Гашкё, сылысь, а, гашкё, поэт?  
Помтём-дортёмлон\* лёнылытём тёлыш,  
Тёда,— воча кыв меным оз сет.

Локтан олёмас кодёнкё лоа,  
Мед и вежсясны ним, вич да ов.  
Му выв олёмлы помыс кор воас,  
Выльён чужысьё инасяс лов.

## Юкмösъяс

Ёшинь сайын рёмыд сукмё,—  
Регыд сиктёс личкас ун.  
Кыдзи керка, сізд и юкмёс —  
Наян шойччо гожся лун.

Шонді дзирдыс дзик быд войтын,  
Гожся войлён ыркыд кёр.  
Вом тыр вавысь, кыдзи мойдын,  
Вир-яй томмылас на бёр.

□ □ □

\* Помтём - дортём — вселенной.

## Пединститутлён медводдза ВОСЬКОВЪЯС

Республикаса высшой школалён медводдза йылёмлён 70 вося юбилей матысмёмкёд окота казтышты сылысь панас воськовъяссö. Найё воліны вель сьокыдöс.

Коми областылы пединститут восьтöмыс волі подулалём коланаториён. Комынöд вояс пансигкежлö тані уджаліс кöкъямыс техникум, советско-партийной школа, педрабфак, 31 вылыс тшу-пöда школа. А педтехникумъяс дасытисны учительясоc сöмын сизимöд классöдз. Эз öд весьшöрö конкö Комиысь бокын велöдчы 800 гöгöр морт, наысь 112-ыс — вузъясын. Областьысь петавлём велöдчöмджык йöзысь унаён кольччывлісны Москваö да Ленинградö.

Высшой образованиеа учительяс колисны эз сöмын школаясö да техникумъяссö. Комилён сöвмёмкёд велöдчöм йöз ковмисны эськö и мукöдлайнö.

Коми автономной областиын педагогической институт восьтöм йыллысь могон шыöдчисны РСФСР-са Госпланлён комиссияö 1930-öд вося тулыснас, и 1931-öд вося ноябрь 18 лунö СНК лэдзис восьтны Сыктывкарын сэтшöм вуз. Кутчысисны лöсöдчан уджö. Ни велöдчанін, ни велöдьысьяс, ни студентъяс эз на вöвны...

1931-öд вося ноябрь 1-öд лунö петавлём медводдза приказысь лыддям: «С сего числа приступил к организации Коми педагогического института в г. Сыктывкаре Коми области.

Основание: приказ по наркомпросу РСФСР за № 423 и путёвки сектора учёта и распределения НКП от 1 ноября 1931 года. Врио директора Коми пединститута Богданов.»

Сийös жö и, Александр Филимонович Богдановös, декабрьнас пунктисны директоравны. Научной да учебной юкёнын директорлы отсасысьён лоис Г.А.Старцев, административно-финансовойн— И.И.Оботуров.

Медводдза коми вуз восьтисны 1932-öд вося февраль 21 лунö. Чукörtчылисны 12 велöдьысь да 120 студент. Директорлён доклад бöрын воліны чоломаломъяс. Но, кыздзи казтылö М.А.Выборов, медводдза велöдьысьясысь öти, торъя ыджыд кыпыдлун эз вöв. Да тайё и гöгöрвоана, казтышты кö лöсöдчандырся сьокыдлунъяссö. Велöдчöм котыртом могысь сетисны вöвлём 4-öд № начальнöй школын 12 жыр да неыджыд зал. Аудиторияяс, лабораторияяс да кабинетъяс mestitichesны сизим вöвлём классын да мукöд вежöсъясын. Электрической би волі сэтшöм жеб, мый студентъяслён пызанъяс вылас сулалисны карасина лампаяс. Татчö колö содтыны, мый институтын сэки волі куим юкön: общественно-литературной, физико-технической да химико-биологической.

Велöдчан планъяс дасытисны куим во кежлö. Велöдчан системаслы, пасйома 1932-öд вося январь 25 лунö институтса

приказын, коло лоны кабинеттойён да группаяс серти, зумыд расписаниеён. Быд группа юксис бригадирён юрнуодана бригадаяс выло (группын 4-5 морта 5-6 бригада). Шёр веськёдлөмис волі велёдьсайын, коди и кыв кутис отнас академической группалон уджысы.

Велёдисны медсясё лабораториясын. Лекцияс воліны отсог сетан туйынөс. Стрёга, нёль ногён, видзёдисны велёдчыны ветлодлом борся.

Колана мында велёдьсыйс чукёрмис ээ кокния да пырысътёмпир. Уна лои письмёасьома Москва, Ленинград, Вёлётгда да мукёд каръясса вузъясын да наукаын уджалыс коми войтыркод. Институтлон музейын эм тёдчана документ — А.Ф.Богдановон ыстом телеграммалон копия. Лыддям:

«Москва Кропоткинский переулок один квартира четыре Лыткину. Приезжайте тринадцатому января аэропланов нет придется лошадях. Мандат деньги получайте представительстве.

6 января 1932 г. Богданов.»

И В.И.Лыткин локтис, локтисны и мукёдъяс. Со налён нимъясыс — институтса медводдза велёдьсияслон: Г.А.Старцев, П.Н.Пипуныров, М.П.Богомолов, С.М.Каленик, А.С.Ключков, Г.С.Королев, Г.С.Могилов, М.И.Никитина, И.И.Оботуров, И.В.Попов, Д.И.Розанов, А.С.Сидоров.

Институтса директорлон приказён 1932 вося январь 19 лунё волі урчитома лосяйдны ёкмыс кафедра: а) диамат да истмат; б) общественно-экономической дисциплинаяслон (политэкономия, советской овмёслон теория, экономполитика да экономической география); в) история дисциплинаяслон (Рытывывлён да СССР-са войтыръяслон история; комияслон история да этнография); г) педагогика; д) педагогика да психология; е) кыв да литература (реч, коми да иностранной кывъяс, СССР-са войтыръяслон литература, иностранной, коми литература да фольклор); ж) физико-математической дисциплинаяслон (математика, физика, астрономия да геодезия); з) естественной дисциплинаяслон; и) политехнической циклыс. Веськёдлыны наён кутисны Г.А.Старцев, В.И.Лыткин, П.Н.Пипуныров, А.Ф.Богданов. Эз став кафедраас вөв веськёдьсыйс, мукёдлаас, веськёдлыс кындзи, эз вөв ни оти велёдьс. Но, став вылас видзёдтөг, велёдьсияслон котырыс отаро совмис-быдмис. 1932 вося февраль-апрельын локтисны Н.П.Попов (коми литература), Н.Н.Сельков (коми кыв), О.А.Надеева (история), Н.К.Куштышев (политэкономия), С.А.Гуляев-Зайцев (политэкономия). Москва да Ленинград велёдчыны ветлісны С.Н.Коновалов, М.А.Выборов да мукёдъяс.

Торъя сьокыд волі чукортны медводдза студентъясо. 1932-од вося январь 10 лунё Сыктывкар Вологдаась водзё велёдчыны воис студентъяслон кызы морта котыр. Воён-джынйон мысти найо босытисны институтлыс.

1931 вося декабрь помын да 1932 вося январь примитисны медводдза студентъясо. Чукортны колис 112 мортос. Но шёр школа помалысыс волі этша. Сэтчо жо, медся төлкаясыйс веськёдчини центральной вузъясо. Педрафак да вузё дасьтан курсъяс помавлісны этшайын жо...

Коми пединститутлон 1-од №-а приказъаса книгиын — медводдза студентъяслон овъясыс. Ставныс найо көрдэрсалон да чери кыйысыяслон, вөр ләдзысыяслон да му вөдитысыяслон челядь. На пиыссы оти — А.С.Осташев — казытыліс: «1932-од вося январын

вёліны нелямын градуса кёдзыдъяс. Рёзвалын, ыж ку шебрас улын, локтім ми Вася Батмановкод Чилимдінсь Сыктывкарё. Кынмаломаяс, да нёшта на и маличааоьс, ми выло видзёдісны мёдар югыдсыыс воомаяс выло моз. Пёшти тадзи жо воодчалісны зонъяс Удораись, Куломдінсь да Коми областъён мукод ылі пельбесъясысь. Велодчим ми Пушкин да Советской уличаяс пельбесын суалалысъ кык судта керкаын. Магазинъясын сэки эз вёвны учебникъяс, тетрадъяс, мукод коланаторойыс. Институтыс, збыль вылас, сэки вёлі верстъяслы шёр школа кодьён. Карточной система понда сьокыд вёлі и сёянён, пасъкомён. 1934-өд воодз эз мынтыны стипендия. Унаён эз вермыны татшоминас кутчысыны, муналісны каникулъяс выло да бёрсө эз локны...»

Велодчыны пырысъяслон уналён эз вёв шёр школа помалом йылысь аттестат. Тайос казялём бёрын велодысь шүома: «Розя бочкао васо кисьттодз бочкасö дзоньталоны, а то мыйта кёть эн тырт, ставыс петас». И «дзоньталисны» тайо бочкасö асъныс медводдза велодысьяс. Студентъяс луннас кызвісны лекцияс, а рыт-войнас «сдайтлывлісны» шёр школа эштодаң экзамен.

Медводдза студентъяс лыдын вёлі уна 10—15 воодз школаын нин уджавлём учитель. Тайо и физматысъ Барапова К.Я., Воронцова А.А., Щеголева А.А., Сухарева М.А., Старцева М.Е., филфакысъ Петиева А.И., мукодъяс. «Холопов Н.В. учитель семьялысъ велодчисны сэки нёльён,— казтыліс М.А. Выборов.— Батьыс — школаын кызъ во нин велодысь — физмат медводдза курсын, а ныв-пияныс — Виталий, Леонид да Анна — мёдодын».

1936-өд вося январын медводдзаён пырысъяслон заводитчины государственной экзаменъяс. Эштодысьяс бура сдайтісны экзаменъяссö. Кафедраяс вылын найо босытісны дипломъяс да муналісны уджавны, кодёс кытчö мёдодісны.

Миан кадодз воис 1936-өд воо институт помалысъяслон ётчукöра фото. На лыдын нималана ўöz — В.В.Юхнин, «Алой лента» роман гижысъ, А.С.Сидоровлон велодчысъ, филологияса кандидат М.А.Сахарова, партиялён обкомса секретарь А.М.Елькина, Н.В.Чувъюров, коді ачыс кутіс сэссея велодны институтас.

Комиын медводдза вуз восътём лоис тёдчанаён эз сёмын бур тёдомлунъяса велодысьяссо дасътомуын, войтырлысъ грамота лэптомуын, но и ставнас Коми муос сёвмёдомын.



## Усть-Сысольск — лыддысысь кар

Быёнёс, коді туялёр вайтыръяслысь воддза олёмсө да чужан мүйин вёвлёмторъяс, век кысқо сылань, мед тёдмавны, мый волі медводдзайн, таёдз вёвлытёмон. А кыдзи тёдмавны, корсянъ Комиö пондісны воны медводдза газет-журналъяс, мый лыддылісны польяслён польяс кыксо либо унджык на во сайын?

Веськыда кё шуны, тайё онёдз бур ногён тёдмавтём, кёть эсько корсысыбомъясыс и мунёны.

Сэсся од тайёс быттю ниномла и юавнысö. Саръяс кадо Коми му волі ош гу кодь, пемыд. Коді да мый вермыліс сэн лыддыны? Весиг Россияса шёр губерняясын сийо кадас эз вермывны ошиясыны газет-журнал разалёмон. Периодической печать, кыдзи ётувиён нимтёны газет-журналъяс, пондіс кутшомако пырны олёмö сомын Александр II сарствуйтан кадсянъ, кор Россияын лой бырёдома крепостной право да пансисны капитализлань вуджан вежсъомъяс.

И коло тёдчодны, мый Усть-Сысольск сәк волёма абу нин пемыд гүён, колян нэмса шёр воясö пырлёма вель лыддысысь каръяс лыдö (сийо кад серти донъялёмон, дерт). «Вологодские губернские ведомости» газетлон 1853 вося 33-од номерын петалёма Я.Красныхлон гижёд — «Перечень периодических изданий и газет, получаемых в Усть-Сысольске». Медым орчабодны, кёни мый судзёдёны да кутшома лыддысыёны, авторыс вайёдö лыдпасъяс войывса уезд шёрин Усть-Сысольскыс да шёр Россияса губерня шёрин Воронежыс.

И мый тыдовтчö? Усть-Сысольскын сәксе куим да джын сюрс олысь вылёр локлёма кызы вит нима газет да журнал, ставыс ветымын экземпляр. Воронежö (1853 воё) локтö ветымын нима газет да журнал, а ставыс витсё экземпляр. Но артавны кё олысь лыд серти, артмё, мый Усть-Сысольскын лыддысыёны ёнджыка. Оти газет либо журнал сэтчö воё быд сизимдас олысь вылёр, а шёр Россиясы губерняса шёрин Воронежö — ёкмысадас олысь вылёр. Дерт, ёна ышнясыны тан торъя ниномён. Сийо кадас Россияын, кык юркарьыс да университета откымын карысь отдор, эз ёна лыддысыны, гёгр волі гуын кодь пемыд провинция, кёни ыджыдалісны чиновникъяс.

Я.Красных (абу тёдса, коді сийо ачыс волёма) вайёдö оз сомын судзёдан газет-журналъяслысь лыдсö, но и нальсь нимъяссö. И си серти ми тёдам оні, мый 1852 воё Усть-Сысольск карса олысьяс судзёдомаёс да лыддылёмаёс со кутшом да мыйта газет-журнал:

«Вологодские губернские ведомости» — 9, «Земледельческая газета» — 8, «Детский журнал» — 4, «Журнал Министерства внутренних дел» — 3; кык экземплярон волёма «Современник», «Отечественные записки», «Библиотека для чтения», «Санкт-Петербургские ведомости», «Живописный сборник»; оти экземплярон — «Пантеон», «Журнал Министерства народного

образования», «Северная пчела», «Московские ведомости», «Друг здравия», «Журнал военно-медицинский», «Журнал для чтения солдат», «Журнал общеполезных сведений», челядьлы журнал «Звездочка», «Труды Вольного экономического общества», «Христиансское чтение», «Воскресное чтение», «Творение св. Отцова», «Художественный листок», «Вестник Русского географического общества», «Музыкальный свет». Тайё лыдьёдлёмис петкёдлё, мый усть-сысольскса сэкся олысьясоң унаториё кыс-кыломуа. Судзёдлёмайош со и художествоа гижёдъяса да научной журнальяс, а сідзжё торъя тёдёмлунъяса да челядьлы лыдьём вылёр.

Тыдовтчё, мый XIX нэм шёрын усть-сысольскса грамота тёдысь олысьяс пёвстын газет-журналъяс абу нин волёмаёш шензёйданториён. А кор нё воисны Комиё дзик медводдза газет-журналыс? Миян видзёдлас серти, Комиё газет-журнал локтём йылысь позьё сёрнитны сёмын XVIII нэм помсянь, стёчджыка кё, 1780 восянь, кор Сыктыввомса погост лои уездса шёрин Усть-Сысольск карён (кёть эсьё и таёдз на кутшомкё газет либо журнал вермыліс веськавны татчё шочиника волысь чиновной йозкёд). Уездса шёрин лоюсьёдом бёрын, кор лоисны чина йоз, быть ковмис тёдмёдны найёс официальной юръясён, сарлён да сійёс кытшалысьяслён индёдъясён. А найёс печатайтлісны буретш газет-журналъясын. Тайё зэв бура петкёдчё и Я.Красныхлон вылындыхык вайёдом гижёдьыс. «Вологодские губернские ведомости», коді петаліс 1838 восянь, кык пельё и юксыліс (быд номер) — «официальной» да «неофициальной» юкён вылёр.

XVIII нэм помлань — XIX нэм пуксигён мый вермис локны Усть-Сысольскё? Эз уна печатайтёмтор. Россияны сэки петавлісны сёмын москваса да петербургса «Ведомостьяс», но и откымын, зэв дженышыд нэм пома, журнал. Важся документъясысь оз тыдав, мый судзёдлёмайош да лыдьёлёмайош сэки усть-сысольскса грамота тёдысь войтыр. Мыйсюрё позьё тёдмавны мёд ногён — сэк кадся кутшом газет-журнал, шуам, веськалёма да видзёны музейын, библиотекаын, Республикаса национальной архивын. И татшомъясыс сюрины. Архивын эм «Санкт-Петербургские ведомостилен» 1799 вося чукёр да «Санкт-Петербургские сенатские ведомости» газетлон 1848 вося чукёр. Корка вылёр вёчом гижёдъясысь тыдовтчё, мый волёмаёш газетъясыс буретш Усть-Сысольскё, абу вайёмаёш кысьё мукёдлаысь миян нэмса 20-ёд воясё, кыдзи веськалёмаёш миянё революциядзса унджыхык мукёд газет-журнал чукёръяс, кодъясоң видзёны архивын, музейын, библиотекаын.

«Санкт-Петербургские сенатские ведомости» петавліс 1809—1843 воясё, нач служебной гижёдъясён — Императорлон Высочайшой указъясён, правительстволон индёдъясён да с.в. 1848 вося газет чукёръяслён коркаё сёд тушён пасийома: «Санкт-Петербургские сенатские ведомости» — Усть-Сысольского уездного казначейства — 1848 года». Эмёсси и сёрджык воясся газет чукёръяс, татшом жё пасийодъясён (медбёръялыс — 1864 вося). На серти позьё вель подулалёмён шуны, мый «Санкт-Петербургские сенатские ведомости» газет усть-сысольскса казначейство волёма кёнкё 1810 восянь кымын.

А таёдз официальной юръяс петавлісны «Санкт-Петербургские ведомостиын», коді волі медводдза общегражданской и дыр кад чоҷж дзик öти газетён Россияны (лэдзис сійёс 1728 восянь Россия-

са Наукаяслон академия). Республикаса архивын, кыдзи пасий вылындыхык, эм тайё газетыслон чукёр 1799 вося май-август толыссысь. И быд номер воссё император Павел I-лон приказъясён (сар кытшлон служба да мукёдтор йылыс). Петёны и мукёд юбръяс — россияса да рубежсайса олёмын выльторъяс йылыс да мукёдтор. Газет чукёрлён корка пытшёсладорас ляскома Усть-Сысольскса библиотекалыс инвентарной номер — 2102. Библиотека миян карын воссылёма 1837 воё. Сіздкё, газет чукорыс веськалома сэтчо коркё 1850-од вояс гёйр.

А воліны-ё тайё газетъясыс Усть-Сысольскын петёмсяныс, 1799-од восянь? Сьокыд висъставны. Вермис кодкё вайны сёронджык, но вермис лоны и сізд, мый газетсö судзодліс уездса казначейство. Кутшомкё ногён талань эскёдö и Я.Красныхлён гижёдыс. Сій пасий, мый 1853 воё Усть-Сысольскö локлому «Санкт-Петербургские ведомости» кык газет.

1799 вося «Санкт-Петербургские ведомости» чукёр — медся арлыда газет, мый видзсöю республикаса Национальной архивын. Сій кадас газетыс петалома кыкыс вежон, 22—42 лист бокайн. Гижёдсö печатайтöма лист бокас кык столбон. Газетыс петавлому 19x24 см ыджда небög модаён. Во пансъомсянь помасытёдзыс газет лист бокъяссö номереритлёмайтöсö ёта-мёд бörсяыс. Газетыс петавлому ётка номеръясён и унаоц ётилао турышталомён.

Сéрнитны кё журнальяс йылыс, то медся «пöрысъяссö», мый волома Комиö, позьё аддзыны Национальной музейись. И медся «арлыдаыс» сэн «Ежемесячные сочинения к пользе и увеселению служащие» журнал, коди петалома 1755 вося майын. Быдтор йылыс тайё научной да художество гижёдъяса журналыс петалис М.В.Ломоносовлён водзмёстчёмён Санкт-Петербургын 1755—1764 воясö. Музейин видзан журналсö эжёма сьёдгрöд рёма кучикён, ыдждаыс — 12x19 см, 94 лист бока. Коркаас клейтöма карса общественной библиотекалыс инвентарной номер — 1270. Сы серти позьё тёдмавны, мый библиотекаö сій оцеськавлому 1850-од вояс гёйр жё, мёд ногён кё — петём бöрас мато сё во мысти. Веськавлис-ё журналыс Усть-Сысольскö 1755 воын, висъставны ни тёдмавны он вермы.

Тадз жё позьё шуны и некымын мукёд ёна важ журнал йылыс, кодъясоc видзёны музейлён фондын. Тайё —1778—1781 воясö петавлём «Санкт-Петербургский вестник» да сій оцеськавлому Н.И.Новиковён куимись нимсö вежжаломён лэдзём журналъяс: «Утренний свет», «Московское ежемесячное издание» да «Вечерняя заря». Найё сізд жё веськавлому водзсö Усть-Сысольскса общественной библиотекаö, мый йылыс висъталоны эжёдас клейтöм инвентарной номеръяс. На серти арталомён, и тайё журналъясыс библиотекаö веськавлому водзсö 1850-од воясö. Корда кыдзи воисны найё Усть-Сысольскö, кодлён воліны водзджыксö,— тёдмавтöм.

XVIII нэм помын да XIX нэм пансигён журнал-газет медводзён судзодысъяясён Усть-Сысольскын, коло чайтын, воліны нималыс купеч семьяс — Сухановлён, Латкинлён, кодъяс торъялісны мукёд олысъяссыс озырлунён, грамотаён, налён асланыс воліны гортса вель озыр библиотекаяс. Важ олём туялысъяс пасыйлісны нин тёдмлунъяслань налыс сюртчомсö, торъя нин С.Г.Сухановлыс, коди зильома судзодны вылыс петём унджык небögсö. Мёскуаö, Петербургö, Архангельскö вузасян могъясан ветлігъясö

вермис кодкё на пынсы ньёбны и вылынджык гарыштём журнальяссö.

Лыддысыны радейтысь татчös олысъясысь отдор ээ бергöдчывны выль небöгъястöг да газет-журналтöг Усть-Сысолльско ссылкаö ыстылöм йöз. XIX нэмлён воддза юкёнын сэн коллялісны политической ссылка петербургса адвокат О.Ф.Ишнимов, декабрист Г.А.Перетц. Торйён пасъям Москваса университетысь профессор, «Телескоп» журналса редактор Н.И.Надеждинöс. Коло босытны тöд вылö и сийös, мый дас öкмысöд нэм пуксьомсянь Россиянын тöдчымён содис петысь газет-журналыс. Сэсся 1830 воё Усть-Сысолльскин восьтісны пошта контора, мый ёна кокньöдис грамотаа йöзлы судзёдны газет-журналъяссö.

И, медбóрын, 1837 вося ноябрин Усть-Сысолльскин воссис карса общественной библиотека — Коми му вылын медводдза, да и Россияса став уездной каръяс пöвстын медводдзаяс лыдын. Восьтысь-котыртысь пöвстас вöлёмны уездса чиновникъяс, велöдьысьяс да купечъяс. Яра отсасьома библиотека восьтöмас и ссылка коллялlyсь профессор Н.И.Надеждин. Библиотека ёна пасъкёдис карса олысъяс пöвстын и небöгъяс, и газет-журнал лыддьом. Небöгъяссö да газет-журналсо библиотека фондö ньöбалісны чукöртöм сьём вылö, но и унатор козынавлісны найö, кодъяслöн вölіны нин асланыс гортса библиотекаяс. Медводдза во-мёднас нин сэтчö воёмаёсси сийö кадся ылö водзö видзöдласа журналъяс — «Телескоп», «Московский телеграф». Тайыс отдор, библиотека нимсянь шыöдчом вылö вочавидзёмён дон босыттöг пондёмаёсси ыставны сэтчö откымын газет-журнал найöс лэдзысьяс да редакторъяс.

Усть-Сысолльска общественной библиотека котыртысьяс и пуктісны сылы подувсö, медым грамота тöдьыс карса олысъясоц кыскис газет-журнал лыддьомас. И наён паном туйвизыс сёвмис да пасъкаліс водзö. Тайёс унаён пасыйлісны. «Газет да журнал тан судзёдёны чуймёдана уна. Усть-Сысолльска котыр торъялбö мукöд губернской карыс лыддысыны радейтöмён...», «Вöлögда губерняса мукöд уездной каръяс серти тані судзёдёны унджык газет да журнал (Устюгыс кындзи)...» Тайёс жо пасыйліс и «Вологодские губернские ведомостиын» Я.Красных.

Татшöм ошкана пасийдъяссö коло, дерт, вежортны сækся кадсö да оломсö тöд вылын кутöмён. «Чуймёдана уна» газет-журналыс Усть-Сысолльско воліс сы серти арталомён, кор уна мукöд, йöзаджык уездной карын лыддысыныс вölі миянын серти ёна этшаджык — сомын откымын велöдчом войтыр — чиновникъяс, уездса интеллигенция, купечъяс. Карса кызвын олысъыс (уездö пыдлань кежавлытöг) лыддысыны ни гижны ээ кужны. Кутшöм нин сэн газет да журнал! Наёдз уездса грамотатöм олысъяслы вölі вывті на ылын. Пошталён арталом серти, 1917 воё ставнас Коми му пасытала судзёдлёмäбöс 600 экземпляр газет да 80 журнал. Быд сурс олысъ вылö вичмö 3, 4 экземпляр газет-журнал. Асас Комиас нином ээ лэдзны. А сы йылысь, мед мыйкö петис комиён печатайтöмён, и сёрни ээ вермы лоны. Весьшöрö коркё К.Жаков тотшöдчылöма уналаö, мед эськё усть-сысолльска земство босытчис лэдзны роча-комиа газет... Но тайё нин мёд сёрни.


Л.Д.ЛЮОСЕВА,  
Национальной музейын уджалысы

## Медводдза аптека

Сё воысь неуна унджык коли сій ё кадсяныс, кор Коми му вылын, Усть-Сысолыскын, воссис медводдза аптека.

Кор земствояс лёсьёдігён (1868 во) больничаяс вуджисны «Приказ общественного признания» улысь земство уло, аптекаясис эз на вёвны уездын ни Усть-Сысолыск карын. Медматысса аптекаяс воліны Устюгын да Вяткаын. Но 1870 вося кёч (сентябрь) тёллысьса чукортчылігён нин волі лэптёма сёрни карса больница бердын земской аптека восьтём йыллыс — «которая, удовлетворяя потребности города, в то же время была бы центральной земской аптекой, т.е. снабжала бы медикаментами как аптеку при городской больнице, так и сельские аптеки при приемных покоях и дорожные — врача и фельдшера». Но тайё мёвпсыыс лои эновтчыны съём абутомла.

Сымын уездной земской управалён 1892 вося вольгым (ноябрь) 7 лунся чукортчылігён карса врач В.А.Шмелев выллыс лэптіс тайё сёрнисө: «соединение в одном здании городской больницы и аптеки под управлением одного лица с одними служащими в настоящее время, когда по аптеке выходит до 3600 рецептов в год, а больницу посещают несколько тысяч приходящих за советом, становится крайне неудобным». Тасыс кындзи, аптекалы колі могмёдны лекарства нас врачебной участокъясос. Водзё Шмелев В.А. пасийис: «по росту медицинского дела в Усть-Сысолыском уезде наступает время отделить аптечную часть от врачебной, как ведется это в других земствах, и открыть отдельную от больницы земскую аптеку».



Усть-Сысолыск карса земской аптека (Бабушкин уличавысса сбербанк местасын).

Коли ешё кык во, кор 1895 вося йирым (октябрь) 23 лунö ревизионно-редакционной комиссия, уездса земской управаса членъяс да карысь больничаса врач дырии вölі шуома ториöдны аптекасö. Тайö чукörtчылгас жö лои сëрнитчома: кытчöдз оз стройны торъя керка, аптека улö босытны керкасö кörтымö. Урчитöма донъяс:

провизорлы удждон — 1200 шайт;  
аптека улö кörтыма керкасы — 300 шайт;  
медколана кölуй лösöдöм вылö — 200 шайт;  
стöржлы удждон — 170 шайт.

Ставыс 1870 шайт. Тадзи арталöм сëёмсö и лои пыртöма 1896 вося сметаö.

Патераö куим во кежлö кörтымöн лэдзис карса олыс Алексей Ефимович Суханов. Донсö урчитисны вонас 300 шайт, пестöг. Вылî судтаас овмöдчис провизор, а улîас — аптека. И вот 1896 вося лöддза-номъя (июнь) тöлысöй аптека вossис. Аптекаса юралысъ мestaö корисны провизор В.С.Броблевскийöс, кодi сэтчöдз уджалis Сольвычегодска земской аптекаын. Отсасысынас вуджис карса больничасы пельшöр Суханов Александр, кодлон вölі аптекарской отсасысыслöн диплом. Шуисны босытны и аптекарö велöдчысöй.

Удженон провизорлы сетисны 1000 шайт вонас, отсасысылы — 540 шайт, велöдчысöлы — 200 шайт. Кык во мысти лösöдöсны и мöд отсасысылы места, 540 шайта удженон жö.

1896 вося йирым (октябрь) тöлысöй уездса земской управалöн сессия вылын нöшта кыптиc аптека йылысъ сëрни: аптека улö выль стрöйба лэптöм йылысъ. А мöд вося сессия вылö чукörtчылгекжлö вölі нин дась смета и стрöйтчан план. Местасö аптека улö лои ньюбома Цивилёвъяслысъ. План йывсыс шуома: «он составлен весьма удачно, со всеми приспособлениями, требуемыми аптечным уставом». Тайö жö воас заптисны вöр, нитш, лыа, известка.

Аптека улö стрöйбасö шуисны лэптыны кык судтаöс, подувсö вöчны изыйсъ да кирпишисъ, сводъя пöдвалöн. Тайö уджыс кыв кутана и шуисны корны техникöс.

1897 воё стрöйтчомсö панисны, а помавны кöсийсны 1899 вося ода-кора (май) кежлö. Но эз удайтчи. А.Е.Сухановкöд кörтымасьёмсö ковмис нюжöдны ешё öти во кежлö. 1900-öд во карса аптекалы лои тöдчанай: лöддза-номъя (июнь) тöлысöса 15 лунö вуджис выль керкаö. Вылî судтаас овмöдчис аптекаöн веськöдлышы — провизор В.Броблевский, а улîс судтаас вossис аптека. Аптекаыс суалis карса Сухановской (öni Бабушкин) улица вылын карса больничакöд (вöвлöм роддом) орччöн.

Лекарствояс лэдзöмыс пыр содö. 1898 воё кö вölі лэдзöма 26614 лекарство, то 1900 воё 36247 нин. Аптекаöн веськöдлышы В.Броблевский земской управа водзын лэптиc сëрни аптека дорö кык жыръя содтöд керка сувтöдöм йылысъ: öти жырыйс лаборатория улö, а мöдис — чирсысян улö. Тайö видзис эськö и пöжарысъ, и няйтисъ.

Уездса земской собрание сетис соглас аптека йöрö содтöд керка стрöйтöм вылö да вичмöдис та могысъ 350 шайт. Стрöйтчан пöдрадсö босытис Выльгорт вöлöстьса крестьянин Омелин Василий. 1902 вося арын содтöд керка вölі дась. Удитисны ешё и кышны аптекалысъ 4 жыр да краситны.

Воись воё содис фельдшерской пунктъяслöн да врачебной участокъяслöн лыдыс. Найöс могмöдöм ради аптекалы колö вölі

вöчны пыр унджык лекарство. Сидзё, колі содтыны и аптекаын уджалысылысь льдсö. Кызды пасийим нин, аптека воссигён воліны: аптекаён веськёдлысь — провизор В.С.Броблевский; сылы отсасысь Суханов Олексан; аптекарё велёдчысь места дыр оліс прöст, а 1898 воё локтис поп пи Покровский Василей. Тайё жо воас провизорлы мёд отсасысьён воис Ыбыс пельшёр Тентюков, коди уджалыс 1903 воёдз, а сэсся сы местаё локтис Москваысь корём господин Сакс. 1904 воё аптекарё велёдчысь пыдди волі шуома лöсöдны аптекарлы нöшта öти (коймёд нин) отсасысьёс.

1905 и 1906 воясö уджалысь льдыс аптекаын эз вежсыыв, коты и кыпöдлісны мёд провизор места йылышы сёрни, но собрание шуис: «оставить все как есть».

Уджыс аптекаын пыр содис, эз тырмы уджалысь. Та вёсна 1907 вояс кöч (сентябрь) толыс 27 лунё уездса земской собрание вылын волі шуома лöсöдны велёдчысь-практикантьяслыс кык места. Öтинас босытисны Волёгдаса духовной семинарияны вёвлом велёдчысь Василий Успасскийёс, а мёднас — Георгий Спасскийёс. И сёмын 1911 воян на пыдди лöсöдісны провизорлы отсасысь места. Судзис сёйё В.П.Успасскийлы, а А.Спасский лои кандидатон. Регыд мысти аптекарё велёдчысьлыс дон мынтытом кык места бёр лöсöдісны.

1912 воян аптекаын уджалісны: аптекаён веськёдлысь (проводизор) — Н.М.Коробчковский, аптекарлон нёль отсасысь — В.Л.Мистакевич, К.Н. Бревдо, В.П.Успасский, Д.З.Демиденко, аптекарё кык велёдчысь — Н.М.Ушинский да В.С.Холопов. Насыс кындзы штатын волі нёль прöстёй уджалысь.

Уджонсö аптекаын уджалысыслы волі урчитома сэтшомёс жо, кутшомёс босытисны карса больничаын уджалысыяс. Провизорлы вонас 1200 шайт уджон да 300 шайт патерасы мынтысыём выло. Провизорлон отсасысылы вонас волі урчитома 540 шайт. 1900 воясны, кызды пельшёръяслы, аптекарлон отсасысыслы кутисны мынтыны уджон дорё содтёд «За выслугу лет»; 60 шайт кёкъямыс во уджалом бöрын, сэсся бара та мында ешё квайт во бöрын, и коймёдьись — бара квайт во бöрын. Ставыс кызы во уджаломыс содтёдис артмис 180 шайт, а став уджоныс 720 шайт вонас. Бöрынджык содтёдсö шуисны вöчны 5, 10, 15 во кольом бöрын, кызды пельшёръяслы да акушеркаяслы.

Аптекарё велёдчысылы урчитома волі 200 шайт, а 1907 вояс кöч (сентябрь) 27 лунся постановление серти аптекаын волі позьё видзны аптекарё кык велёдчысьёс, но уджонтёг, бöрынджык öтиыслы сетисны уджонсö рабочойлысь — 15 шайт толыснас, а вонас 180 шайт. И сёмын 1914 вояс вольгым (ноябрь) 8 лунся постановление серти кыкнанныслы урчитома вонас 50 шайтён.

Тöдчана уджон аптекаын волі лекарствояс судзёдём. Важысянъ карса больничао да уездса приёмной покоясö лекарствосö советуйтлісны судзёдны губерняса больничаись. Но си вёсна, мый лекарствояслон доныс сэні волі вылынджык, судзёдлісны Вятка да Устюг каръясын Москваса аптекарской лавкаяслыс. XX нэм заводитчиён чужисны и мукёд вузасысьяс. Сидз, 1903 вояс отчётъясын пасиысьё «лекарства и прочие аптекарские припасы выписываются из аптекарских складов «Русского общества торговли аптекарскими товарами» (Спб)». Мыйтакё босытлісны лекарствосö граница сайссы Мерклон фабрикаись. А 1913 воё содисны выль фирмаяс.

Врачебной участокъяслон да фельдшерской пунктъяслон лыд

содёмён земстволы ковмис содтыны и съём лекарствояс, инструментъяс, аптечной припасъяс да мукёдтор дасътём вылёт. Видзёдлам кыдзи тайё волі: 1898 воё аптекалы лэдзёма 10888 шайт да 100 шайт детрит ньёбём вылёт (детрит — письти висьомысь лекарство).

1900 воё — 14355 шайт да 150 шайт детрит вылёт,  
1904 воё — 15261 шайт,  
1908 воё — 19619 шайт,  
1909 воё — 25242 шайт 94 ур.

1903 восянь детрит ньёбём вылёт съомыс торйён эз' пасыйсь, сийё, тыдалё, пырис отувъя лыдас.

Съём содтём сетіс позянлун судзёдны унджык лекарство. Йёзлы лекарство лэдзёмыс содіс жё. Сідз, 1897 воын лекарствою волі лэдзёма 26614-ысь, 1899 воын — 36247-ысь да лосьёдёма 141 пуд галенёвой препарат (быдсяма польс турунысь пожём да вытяжка отсёгён вочом лекарство — Л.Люосева). 1913 воын лекарствояс лэдзёма — 77542-ысь да лосьёдёма 447 пуд галенёвой препарат.

Сы понда, мый челядь ёна висисны кынём висьомён, уна вын ковмыліс пуктыны челядьёс куломысь мездём ради. Тайё висьомсо чинтём ради уездса Врачебной Совет корём серти земской собрание 1905 вося коч (сентябрь) 17 лунё примитіс постановление, кёні волі шуома, мый аптека пыр йёзлы вузалём вылёт колё ньёбны резинаясь вочом нёньяс. Донсö урчитёма 1 ур öти нёньясь, а гольджыкъяслы сетны дон босыттёг. Мый и лои вочома. Водзö резина нёньяс ньёбём вылёт быд во торйёдлісны сё шайтён.

Разной кадо разноя и лэдзлісны лекарствою уездса олысьяслы. Отчётъясын гижъю: «при городской больнице до 1876 года все медикаменты более или менее состоятельный людям отпускались за плату по заготовительной цене». Но 1875 воын нин земской собрание шуис лекарствою лэдзны дон босыттёг.

1893 вося тёв шёрын (январь) воисны выль правилёяс. На серти лекарство кутісны лэдзны дон босыттёг — Усть-Сысолыск уездса земской налог мынтысьяслы врачён сетём рецептьяс серти, вонас 600 шайтось этшаджык удждан босыттёяслы. А коді босыттё удждансо 600 шайтось унджык, лекарствою кутіс ньёбны «по заготовительной стоимости». Лекарство сетём йылысь колана гижёд вочисис торъя небёгё, кодёс сетліс земской управа.

Уездса врачебной участокъясо лекарствою мёддлісны врачъяс корём серти. Унджыкысьсо лолі мёддны поштайн. Но сы вёсна, мый волёкшорса ям керкаяссо эз ломтывны да кёдзыд дырий стеклойсь вочом дозъясы потласисны, тайё эз ёна лёсяв. Земской собраниелён 1898 вося сессия вылын на урчитісны лекарство ваян кад: сора (июль), урасъём (февраль), ёшым (декабрь) тёлышъяслы. Кад вотёдз кык вежонён водз врачъяслы тшёктёма волі вочны колана лекарствояс вайём вылёт шыасъём. Лекарствояс нуюм вылёт шуисны медавны торъя вола-доддя.

Тайё чукортчылігас кыптыліс сёрни и лекарствояс вылёт дон чинтём йылысь. 1904 вося йирым (сентябрь) 29 лунё земской собрание примитіс постановление, кёні пасйёма: «отпуск медикаментов и прочих аптекарских материалов из аптеки производить местным жителям по рецептам земских врачей бесплатно по правилам 1896 г., ручную же продажу лекарственных средств производить по заготовительной стоимости, а для иногородних по рецептам врачей за 1/2 аптечной таксы».

Аптека уджаліс стöч урчитом кадö: воссис 8 час асылын, пöдлассис гожöмын 10 час рытын. Кöч (сентябрь) 1-öд лунсянь да ода кора (май) 1-öд лунöдз 9 час рытöдз. Сизим чассянь асылöдз öта-мöдсö вежöмöн дежуритсны аптекарлён отсасысьяс. Велöдчысьяс войнас эз дежуритны.

Сидзкё, медводдза воськовъясыс Усть-Сысольскса аптекалён эз вöвны кокниён.

□ □ □

---

Журналын йöзбöтöм гижöдъяс  
редакция оз рецензируйт и авторыслы найöс оз мöдöд

---

Техн. редактор **А. Одинцов.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26  
Телефоны редакции: 42-47-52 (гл. редактор), 42-51-52 (отв. секретарь).

Подписано к печати 31.07.2000. Формат 70x108<sup>1/16</sup>. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1336. Заказ № 5598. Регистр. № Ф0095.

ОАО «Коми республиканская типография», 167610, г. Сыктывкар, ул. Первомайская, 70.



Колльёдчом.

Снимокъясыс Г. Лисецкий лён.

Индекс 73069

Доныс сёрнитчом серти.